

# NAŠA BOSNA

List građana Bosne i Hercegovine u Holandiji

broj 76

NAMA VALJA IĆI DALJE, PREKO BRDA I DOLINA, I PO SUNCU I PO KIŠI, PREKO VODE DO SLOBODE!  
Almir Dervišević

## Bosna i Hercegovina dobila status kandidata za EU!

Bosna i Hercegovina je 2016. godine podnijela zahtjev za punopravno članstvo u Evropskoj uniji, a sticanje kandidatskog statusa je aktualizirano nakon što je on odobren Ukrajini i Moldaviji 15. decembar 2022.



### BiH odobren kandidatski status za EU

FOTO: EU / VLADA KS

Evropsko vijeće je na današnjoj sjednici zvanično odobrilo kandidatski status Bosni i Hercegovini!

Ova rasprava održana je samo dva dana nakon što je Vijeće općih poslova EU usvojilo zaključak kojim se preporučuje da se Bosni i Hercegovini dodijeli status kandidata.

Podsjećamo, Evropska unija je 2003. godine u Solunu izrazila spremnost da sve zemlje Zapadnog Balkana primi kao članice. Bosna i Hercegovina je 2016. godine podnijela zahtjev za punopravno članstvo u Evropskoj uniji, a sticanje kandidatskog statusa je aktualizirano nakon što je on odobren Ukrajini i Moldaviji.

Na samitu EU 23. i 24. juna u Briselu lideri država članica EU su pozvali Evropsku komisiju da izradi novi izvještaj o reformskom procesu u BiH, nakon čega bi EU bila spremna da razmotri mogućnost dodjeljivanja statusa kandidata.

### **Osam uslova koje moramo ispuniti**

Evropska komisija je za Bosnu i Hercegovinu u oktobru preporučila status kandidata za punopravno članstvo u EU, uz očekivanje da će se ispuniti osam određenih uslova:

- prioriteto usvojiti izmjene u postojećem Zakonu o Visokom sudskom i tužilačkom vijeću.
- Usvojiti zakon o sudovima Bosne i Hercegovine.
- Donijeti zakon o sprečavanju sukoba interesa.
- Preduzeti odlučne korake za jačanje prevencije i borbe protiv korupcije i organizovanog kriminala
- Odlučno unaprijediti rad na obezbjeđivanju efikasne koordinacije na svim nivoima kapaciteta upravljanja granicom, kao i obezbjeđivanju funkcionisanja sistema azila.
- Obezbijediti zabranu torture, posebno uspostavljanjem nacionalnog preventivnog mehanizma protiv torture i zlostavljanja.
- Garantovati slobodu izražavanja i medija i zaštitu novinara, posebno osiguravanjem odgovarajućeg sudskog postupanja u slučajevima prijetnji i nasilja nad novinarima i medijskim radnicima.
- Obezbijediti rezultate u funkcionisanju na svim nivoima mehanizma koordinacije o pitanjima EU, uključujući razvoj i usvajanje nacionalnog programa za usvajanje pravne tekovine EU.

### **Bezvizni režim**


Prvi vidljivi učinak procesa evropskih integracija za građane BiH bilo je uvođenje bezvignog režima za one s biometrijskim pasošima 15. decembra 2010. godine, nakon što je Sporazum o stabilizaciji i pridruživanju (SSP) potpisan 16. juna 2008. godine u Luksemburgu, čime je uspostavljen okvir za implementaciju pravnih, administrativnih, institucionalnih i ekonomskih reformi koje će zemlju približiti EU.

**Tarik Jesenković** 😊 voelt zich gemotiveerd bij **Sarajevo**.

· [Sarajevo, Bosnië en Herzegovina](#) ·

**Na vijest o mogućem dobijanju kandidatskog statusa Bosne i Hercegovine za prijem u članstvo Evropske unije, prisjećam se jednog svog plakata iz 2005. godine. Plakat "O. Key" je bio posvećen svim evropskim zemljama koje su tražile načina da uđu u "elitno evropsko društvo" a inspiriran svim preprekama koji su se postavljale tim državama i društvima, te univerzalnom idejom da iza jednih vrata uvijek dolaze sljedeća i tako u nedogled.**

**Traje to, plakat je i dalje aktuelan.**



266Jij en 265 anderen

**SVEN ALKALAJ PRED VIJEĆEM SIGURNOSTI UN-a ŽESTOKO KRITIKOVAO VISOKOG PREDSTAVNIKA: "Schmidt pokušava uvesti aparthejd, UNIŠTIO JE VLADAVINU PRAVA!"**

Veći dio svog govora ambasador Alkalaj posvetio je nedavnim odlukama visokog predstavnika Christiana Schmidta koje se odnose na nametanje izmjena Izbornog zakona i Ustava FBiH.

- Vijesti
- 02. Nov. 2022



**"Kao etnički Jevrej iz Bosne i Hercegovine, u ovom novom izbornom sistemu koji nameće Visoki predstavnik, neću imati jednaka prava, mogućnosti ili šanse da na adekvatan način učestvujem u izbornom procesu. U Bosni i Hercegovini je očito da neko pokušava stvoriti okruženje zasnovano na premisi „jednaki, ali odvojeni“, koja je zasnovana na rasnoj i etničkoj diskriminaciji. Ovo je apsolutno neprihvatljivo",** kazao je bh. ambasador u Ujedinjenim nacijama **Sven Alkalaj**, govoreći u srijedu pred Vijećem sigurnosti UN-a.

Veći dio svog govora ambasador Alkalaj posvetio je nedavnim odlukama visokog predstavnika Christiana Schmidta koje se odnose na nametanje izmjena Izbornog zakona i Ustava FBiH.

**"Bosna i Hercegovina je svojim ustavom određena kao demokratska država koja djeluje u skladu sa vladavinom prava i slobodnim i demokratskim izborima. Visoki predstavnik je prekršio ovaj ustavni princip nametanjem izmjena izbornih pravila nakon završetka izbora. Ovim je visoki predstavnik prevario sve birače u Bosni i Hercegovini, jer bi sigurno glasali drugačije da su upoznati sa novim izbornim pravilima. Istovremeno, visoki predstavnik je prevario sve aktere izbora, tačnije sve političke stranke i nezavisne kandidate, koji bi zasigurno ponudili različite izborne liste i izborne programe koji bi bili u skladu sa ovim novim izbornim pravilima. Kako Bosna i Hercegovina može implementirati svoj ustavni princip da je demokratska država, ako se izborna pravila mijenjaju nakon izbora? To se nikako ne može učiniti, a to je onemogućio visoki predstavnik, koji u svom radu nema pravo da radi bilo šta suprotno Ustavu Bosne i Hercegovine. Misli li se da Bosna i Hercegovina i njeni građani nisu dovoljno dobri za potpunu demokratiju",** rekao je Alkalaj.

Ambasador je dodao da je "Visoki predstavnik nametnuo izmjene Izbornog zakona Bosne i Hercegovine u kojima se ocjenjivanje živih ljudi vrši matematičkom formulom, a koeficijent za učešće u izbornom procesu utvrđuje se u skladu sa nacionalnom pripadnošću".

**"To znači da imate državljane Bosne i Hercegovine koji su etnička manjina u određenim dijelovima zemlje i koji imaju koeficijent od npr. 0,5, dok građani iste nacionalnosti u južnom dijelu Bosne i Hercegovine imaju koeficijent od 1,5, što im daje veća prava i šanse u izbornom procesu. To je krajnji oblik etničke diskriminacije, koji je zabranjen aktima Ujedinjenih naroda kao što su Konvencija UN-a o građanskim i političkim pravima i Evropska konvencija o ljudskim pravima i osnovnim slobodama",** kazao je Alkalaj.

Visoki predstavnik, ustvrdio je bh. ambasador u UN-u, "stvorio je sistem u kojem građani, osobe, pojedinci nisu jednaki pred Izbornim zakonom Bosne i Hercegovine". Osim toga, dodao je Alkalaj, visoki predstavnik nije ispoštovao niti jednu presudu Evropskog suda za ljudska prava u kojoj je utvrđeno postojanje sistemske diskriminacije, što je ustavna obaveza u Bosni i Hercegovini.

**"Ovo je još jedan pokazatelj kršenja Ustava Bosne i Hercegovine i međunarodnih akata od strane Visokog predstavnika",** ustvrdio je Sven Alkalaj.

Osim toga, Aneks 7 Dejtonskog mirovnog sporazuma nalaže povratak svih raseljenih lica u njihove prijeratne domove i dok se taj proces ne završi, mora se primjenjivati popis stanovništva iz 1991. godine.

**"Razlog je vrlo jednostavan. Na ovaj način nikada neće biti moguće legalizovati rezultate etničkog čišćenja u Bosni i Hercegovini u skladu sa presudama Međunarodnog krivičnog suda iz Haga. Međutim, svojim odlukama Visoki predstavnik je neformalno proglasio okončanim Aneks 7 i time formalno prihvatio rezultate etničkog čišćenja, genocida i drugih najstrašnijih ratnih zločina. To nije posao visokog predstavnika i veoma je štetno po Dejtonski mirovni sporazum",** rekao je Alkalaj, dodajući da je Christian Schmidt "sve planirao i radio u saradnji sa susjednom Republikom Hrvatskom, što je i sama Vlada Republike Hrvatske javno objavila, vjerovatno smatrajući se garantom Dejtonskog sporazuma".

## **SVEN ALKALAJ PRED VIJEĆEM SIGURNOSTI UN-a ŽESTOKO KRITIKOVAO VISOKOG PREDSTAVNIKA: "Schmidt pokušava uvesti aparthejd, UNIŠTIO JE VLADAVINU PRAVA!"**

Veći dio svog govora ambasador Alkalaj posvetio je nedavnim odlukama visokog predstavnika Christiana Schmidta koje se odnose na nametanje izmjena Izbornog zakona i Ustava FBiH.

- Vijesti
- 02. Nov. 2022

**"Kao etnički Jevrej iz Bosne i Hercegovine, u ovom novom izbornom sistemu koji nameće Visoki predstavnik, neću imati jednaka prava, mogućnosti ili šanse da na adekvatan način učestvujem u izbornom procesu. U Bosni i Hercegovini je očito da neko pokušava stvoriti okruženje zasnovano na premisi „jednaki, ali odvojeni“, koja je zasnovana na rasnoj i etničkoj diskriminaciji. Ovo je apsolutno neprihvatljivo",** kazao je bh. ambasador u Ujedinjenim nacijama **Sven Alkalaj**, govoreći u srijedu pred Vijećem sigurnosti UN-a.

Veći dio svog govora ambasador Alkalaj posvetio je nedavnim odlukama visokog predstavnika Christiana Schmidta koje se odnose na nametanje izmjena Izbornog zakona i Ustava FBiH.

**"Bosna i Hercegovina je svojim ustavom određena kao demokratska država koja djeluje u skladu sa vladavinom prava i slobodnim i demokratskim izborima. Visoki predstavnik je prekršio ovaj ustavni princip nametanjem izmjena izbornih pravila nakon završetka izbora. Ovim je visoki predstavnik prevario sve birače u Bosni i Hercegovini, jer bi sigurno glasali drugačije da su upoznati sa novim izbornim pravilima. Istovremeno, visoki predstavnik je prevario sve aktere izbora, tačnije sve političke stranke i nezavisne kandidate, koji bi zasigurno ponudili različite izborne liste i izborne programe koji bi bili u skladu sa ovim novim izbornim pravilima. Kako Bosna i Hercegovina može implementirati svoj ustavni princip da je demokratska država, ako se izborna pravila mijenjaju nakon izbora? To se nikako ne može učiniti, a to je onemogućio visoki predstavnik, koji u svom radu nema pravo da radi bilo šta suprotno Ustavu Bosne i**

**Hercegovine. Misli li se da Bosna i Hercegovina i njeni građani nisu dovoljno dobri za potpunu demokratiju",** rekao je Alkalaj.

Ambasador je dodao da je "Visoki predstavnik nametnuo izmjene Izbornog zakona Bosne i Hercegovine u kojima se ocjenjivanje živih ljudi vrši matematičkom formulom, a koeficijent za učešće u izbornom procesu utvrđuje se u skladu sa nacionalnom pripadnošću".

**"To znači da imate državljane Bosne i Hercegovine koji su etnička manjina u određenim dijelovima zemlje i koji imaju koeficijent od npr. 0,5, dok građani iste nacionalnosti u južnom dijelu Bosne i Hercegovine imaju koeficijent od 1,5, što im daje veća prava i šanse u izbornom procesu. To je krajnji oblik etničke diskriminacije, koji je zabranjen aktima Ujedinjenih naroda kao što su Konvencija UN-a o građanskim i političkim pravima i Evropska konvencija o ljudskim pravima i osnovnim slobodama",** kazao je Alkalaj.

Visoki predstavnik, ustvrdio je bh. ambasador u UN-u, "stvorio je sistem u kojem građani, osobe, pojedinci nisu jednaki pred Izbornim zakonom Bosne i Hercegovine". Osim toga, dodao je Alkalaj, visoki predstavnik nije ispoštovao niti jednu presudu Evropskog suda za ljudska prava u kojoj je utvrđeno postojanje sistemske diskriminacije, što je ustavna obaveza u Bosni i Hercegovini.

**"Ovo je još jedan pokazatelj kršenja Ustava Bosne i Hercegovine i međunarodnih akata od strane Visokog predstavnika",** ustvrdio je Sven Alkalaj.

Osim toga, Aneks 7 Dejtonskog mirovnog sporazuma nalaže povratak svih raseljenih lica u njihove prijeratne domove i dok se taj proces ne završi, mora se primjenjivati popis stanovništva iz 1991. godine.

**"Razlog je vrlo jednostavan. Na ovaj način nikada neće biti moguće legalizovati rezultate etničkog čišćenja u Bosni i Hercegovini u skladu sa presudama Međunarodnog krivičnog suda iz Haga. Međutim, svojim odlukama Visoki predstavnik je neformalno proglasio okončanim Aneks 7 i time formalno prihvatio rezultate etničkog čišćenja, genocida i drugih najstrašnijih ratnih zločina. To nije posao visokog predstavnika i veoma je štetno po Dejtonski mirovni sporazum",** rekao je Alkalaj, dodajući da je Christian Schmidt "sve planirao i radio u saradnji sa susjednom Republikom Hrvatskom, što je i sama Vlada Republike Hrvatske javno objavila, vjerovatno smatrajući se garantom Dejtonskog sporazuma".

#### **INTEGRALNI SADRŽAJ OBRAĆANJA AMBASADORA BiH U UN-u:**

Čestitke predsjedniku i zadovoljstvo zbog produženja mandata EUFOR Althea misije.

Povod za današnje obraćanje u ime Bosne i Hercegovine, suverene i nezavisne države, u najvećem dijelu se odnosi na protekli šestomjesečni period u zemlji, sa posebnim akcentom na nedavno održane Opće izbore, od 2. oktobra 2022. godine. Prethodni period, bio je relativno miran i u najvećoj mjeri posvećen održavanju Općih izbora u Bosni i Hercegovini. Čak možemo reći da je izborna kampanja bila mirnija od prethodnih, iako je bilo sporadičnih pojava secesionističke i nacionalističke retorike.

Prije nego vam ponudim osvrt na pomenuti šestomjesečni period u Bosni i Hercegovini, dozvolite da ovom prilikom posebno naglasim, da je država Bosna i Hercegovina jedna od potpisnica Općeg okvirnog sporazuma za mir u Bosni i Hercegovini, poznatijeg kao Daytonski mirovni sporazum, sa druge dvije susjedne zemlje uz šest svjedoka, od toga 5 zemalja plus Evropska unija. Poznato je kako mirovne sporazume, u pravilu potpisuju učesnici u ratu, tako da sa toga međunarodnopravnog stanovišta, potpisivanjem Daytonskog mirovnog sporazuma je okončan međudržavni oružani sukob, kako ga je u svojim presudama utvrdio Međunarodni krivični sud za bivšu Jugoslaviju iz Haaga. Ovo

navodim iz razloga, što povremeno u javnom prostoru čujemo od susjednih zemalja tvrdnju da se one garanti Dejtonskog mirovnog sporazuma, što je netačno i nedobronamjerno, jer Daytonski sporazum nikoga ne utvrđuje kao garanta sporazuma. Tom netačnom tvrdnjom da su garanti Dejtonskog mirovnog sporazuma, susjedne zemlje nastoje stvoriti pogrešan ambijent u kojem imaju pravo vršiti intervencije na politički, ekonomski i društveni sistem u Bosni i Hercegovini, što jednostavno rečeno predstavlja udar na suverenitet Bosne i Hercegovine i jedan je od značajnijih faktora destabilizacije cijelog regiona.

Po Daytonskom mirovnom sporazumu, nadgledanje implementacije vojnog aspekta dodijeljeno je NATO i EUFOR-u kao jednakim pravnim slijednicima nekadašnjih Stabilizacijskih snaga ili SFOR-a, dok nadgledanje implementacije civilnog aspekta vrši Ured visokog predstavnika ili OHR uz pomoć Vijeća za implementaciju mira (PIC). Ovo je veoma važno istaći, jer u prethodnom periodu vidimo značajno kršenje ovih odredbi Daytonskog mirovnog sporazuma od susjednih zemalja, ali nažalost i od samog OHR-a.

Iz razloga što je danas tema šestomjesečni Izvještaj visokog predstavnika, koristim ovu priliku da vas podsjetim da je njegova nadležnost utvrđena Aneksom 10, Daytonskog mirovnog sporazuma na način da nadgleda implementaciju civilnog aspekta, koja između ostalog podrazumijeva održavanje fer i slobodnih izbora u Bosni i Hercegovini.

Vodeći se tom premisom, Ured visokog predstavnika (OHR) u prethodnom periodu izvršio je nametanje dvije odluke koje se tiču Izbornog zakona Bosne i Hercegovine, kao i amandmana na ustav jednog od bh. entiteta.

Prva intervencija, bila je u kraju jula 2022. godine, gdje je izmjenom određenih paragrafa u Izbornom zakonu Bosne i Hercegovine, OHR pokušao unaprijediti integritet i transparentnost izbornog procesa, iako je već tada bilo poznato da je nadležno tijelo – Centralna izborna komisija – početkom maja 2022. godine raspisala održavanje izbora za 2. oktobar 2022. godine. Dakle, Visoki predstavnik je, znajući da su izbori raspisani po određenim pravilima, izvršio prvu izmjenu tih pravila, nastojeći kako sam tvrdi, unaprijediti integritet izbornog procesa. Međutim, tijelo za provođenje izbora – Centralna izborna komisija – imala je samo dva mjeseca da po tim novim pravilima organizira taj dio izbornog procesa, što je bilo premalo vremena. Rezultat toga, bilo je ovo što imamo danas. Brojanje izbornih rezultata je otežano, utvrđeno je niz nepravilnosti, pa čak i pojava falsifikovanih izbornih listića. Uzrok tome, svakako se nalazi u tome da su izborna pravila izmijenjena samo dva mjeseca pred održavanje izbora, što je onemogućilo Centralnu izbornu komisiju da na vrijeme i adekvatno sve organizira, a uzročnik toga je niko drugi do OHR.

Druga intervencija prema Izbornom zakonu Bosne i Hercegovine učinjena je na dan održavanja izbora, 2. oktobra 2022. godine i to nakon što je glasanje građana Bosne i Hercegovine obavljeno. U toj drugoj intervenciji, OHR je nametnuo potpuno nova pravila za raspoređivanje delegata u gornji dom zakonodavnog tijela bh. entiteta Federacija Bosne i Hercegovine. Istovremeno, Visoki predstavnik je izvršio izmjene ustava bh. entiteta Federacija Bosne i Hercegovine, iako to nije dijelom civilnog aspekta Daytonskog mirovnog sporazuma i na potpada pod njegove nadležnosti iz Aneksa 10. Da bi sve ovo bilo što jasnije, ponudiću vam nekoliko elemenata u kojima se vidi da je Visoki predstavnik učinio radnje protivne Aneksu 10 Daytonskog mirovnog sporazuma i Ustavu Bosne i Hercegovine, čime je doveo Bosnu i Hercegovinu u stanje destabilizacije i izvan svake dalje mogućnosti da nastavi svoj put prema Europskoj uniji i NATO savezu.

**Prvi sporan element je sljedeći. Bosna i Hercegovine je ustavom uređena kao demokratska zemlja koja funkcioniše u skladu sa vladavinom prava i slobodnim i demokratskim izborima. To**

ustavno načelo, Visoki predstavnik je narušio nametanjem izmjena izbornih pravila nakon što su izbori okončani. Time je Visoki predstavnik prevario sve glasače u Bosni i Hercegovini, jer bi oni izvjesno drugačije glasali da su bili upoznati sa novim izbornim pravilima. Istovremeno, Visoki predstavnik je prevario i sve aktere izbora, tačnije sve političke stranke i nezavisne kandidate, koji bi izvjesno ponudili drugačije izborne liste i izborne programe koji bi bili u skladu sa tim novim izbornim pravilima. Kako Bosna i Hercegovine može ostvariti svoje ustavno načelo da je demokratska zemlja, ako se izborna pravila mijenjaju nakon održanih izbora? Ne može nikako i u tome ju je onemogućio upravo Visoki predstavnik, koji u svome radu nema pravo da čini bilo šta u suprotnosti sa Ustavom Bosne i Hercegovine. Da li neko smatra da Bosna i Hercegovina i njeni građani nisu dovoljno dobri za potpunu demokraciju? Podsjećam vas da Ustav Bosne i Hercegovine nije dijelom civilnog aspekta Daytonskog sporazuma, što znači da ne može biti interpretiran od strane Visokog predstavnika, jer je to obaveza isključivo Ustavnog suda Bosne i Hercegovine.

Koristim ovu priliku da vas podsjetim da je u pojedinim europskim zemljama (Bugarska, Rumunija i Grčka), putem domaćih ili međunarodnih sudova, došlo do sudskog stavljanja van snage svih izmjena izborni pravila neposredno prije ili nakon održavanja izbora, što su sudske instance vidjele kao direktan napad na demokraciju. Isto tako, u Sjedinjenim Američkim Državama, Vrhovni sudovi su stavljali van snage izmjenu izbornih pravila neposredno pred održavanje izbora ili kada je tim izbornim pravilima onemogućeno pojedinim etničkih grupama definiranim po boji kože da ostvare svoja građanska prava. To je bilo u slučajevima Purcell vs. Gonzales i Merrill vs. Milligan. To sve znači kako se svaka izmjena izbornih pravila neposredno prije ili nakon okončanja izbora smatra direktnim udarom na demokraciju u bilo kojoj zemlji. O tome, Visoki predstavnik očito nije vodio računa.

Na sličan način, imamo mišljenje Venecijanske komisije, najvišeg pravnog autoriteta u Europi, koje jasno kaže da se izborna pravila ne mogu mijenjati prečesto i nikako jednu godinu prije održavanja izbora, iz razloga kako bi se svi građani i svi akteri izbora na vrijeme upoznali sa novim izbornim pravilima. Ni ovo mišljenje nije uvaženo od strane Visokog predstavnika.

Drugi sporan element je sljedeći. Visoki predstavnik je nametnuo takve izmjene Izbornog zakona Bosne i Hercegovine u kojima se putem matematske formule vrši vrednovanje živih ljudi i utvrđuje u skladu sa njihovom etničkom pripadnosti njihov koeficijent za učešće u izbornom procesu. To znači kako imate građane Bosne i Hercegovine koji su etnička manjina u određenim dijelovima zemlje i koji imaju koeficijent, na primjer 0.5, dok građani iste etničke pripadnosti u južnom dijelu Bosne i Hercegovine imaju koeficijent 1.5 što im daje i veća prava i šanse u izbornom procesu. To je krajnji oblik etničke diskriminacije, koji je zabranjen aktima Ujedinjenih nacija kao što je to Konvencija o građanskim i političkim pravima UN-a i Europska konvencija o ljudskim pravima i temeljnim slobodama. Podsjećam vas kako su ovi međunarodni instrumenti sastavnim dijelom Ustava Bosne i Hercegovine, koji imaju direktnu primjenu. Kako bilo koja zemlja može vrednovati ljude, živa ljudska bića, dati im veći ili manji lični koeficijent, na temelju čega oni trebaju imati veći ili manji stepen ljudskih prava? Odgovor je veoma jednostavan, ne može niti jedna zemlja. Posebno je zabrinjavajuće što je Visoki predstavnik potpuno srušio princip vladavine prava, koji podrazumijeva jednakost svih pred zakonom bez izuzetaka. Nasuprot toga, on je učinio sistem u kojem nisu svi jednaki pred Izbornim zakonom Bosne i Hercegovine. Osim toga, Visoki predstavnik nije uvažio niti jednu presudu Europskog suda za ljudska prava u kojima je utvrđeno postojanje systemske diskriminacije, a to je ustavna obaveza u Bosni i Hercegovini.



Ovo je drugi pokazatelj kršenja Ustava Bosne i Hercegovine i međunarodnih akata od strane Visokog predstavnika.

Kao primjer, ponudiću tu činjenicu da ja, kao etnički Jevrej iz Bosne i Hercegovine, u tom novom izbornim sistemu nametnutom od strane visokog predstavnika, nemam više nikakvih prava, mogućnosti niti šansi da učestvujem adekvatno u izbornom procesu. U Bosni i Hercegovini, očito je, neko nastoji stvoriti ambijent na premisi „Equal but Separate“ koja je temeljena na rasnoj i etničkoj diskriminaciji i koja je odbačena prije više decenija, isto kao što su odbačeni svi elementi aparthejda, koji se nažalost kroz intervencije Visokog predstavnika nastoje uvesti u Bosni i Hercegovini. To je apsolutno neprihvatljivo.

Treći sporan element. Visoki predstavnik je nametnuo amandmane na Ustav bh. entiteta Federacija Bosne i Hercegovine u kojem koristi dva različita popisa stanovništva, jedan iz 1991. i drugi iz 2013. godine. Iz ove njegove odluke vidi se namjera da, u saradnji sa susjednom Republikom Hrvatskom, obezbijedi neograničeno učešće u vlasti jednoj političkoj stranci – HDZ-u – koja je filijala te političke stranke iz susjedne Hrvatske. Prema popisu iz 1991. godine u Vladi bh. entiteta Federacija Bosne i Hercegovine bilo bi 5 ministara iz reda etničkih Hrvata koje kontrolira HDZ, dok bi po popisu iz 2013. godine bilo njih 3 ili dva manje. Dakle, Visoki predstavnik je potpuno svjesno zadržao etničku kvotu iz 1991. godine jer to odgovara susjednoj Hrvatskoj. S druge strane, koristeći popis iz 2013. godine za popunjavanje gornjeg doma zakonodavnog organa koji se zove Dom naroda, povećao je kvote potrebne za donošenje odluka u korist tih istih etničkih Hrvata koje kontrolira HDZ. Time je Bosna i Hercegovina postala jedina zemlja u svijetu, koja koristi jedan popis za formiranje zakonodavnih organa vlasti, a drugi za formiranje izvršnih organa vlasti. Time je Visoki predstavnik doveo sve građane Bosne i Hercegovine u stanje potpune pravne nesigurnosti. Osim toga, Aneks 7 Daytonskog mirovnog sporazuma, nalaže povratak svih prognanih osoba u njihove prijeratne domove i dok se taj proces ne okonča mora se primjenjivati popis iz 1991. godine. Razlog je veoma jednostavan. Time se neće nikad moći legalizirati rezultati etničkog čišćenja u Bosni i Hercegovini u skladu sa presudama Međunarodnog krivičnog suda iz Haaga. Međutim, Visoki predstavnik je svojim odlukama neformalno proglasio Aneks 7 okončanim i time formalno prihvatio rezultate etničkog čišćenja, genocida i drugih najstrašnijih ratnih zločina. To nije posao Visokog predstavnika i to je jako štetno za Daytonski mirovni sporazum.

Četvrti sporan element, odnosi se na to da je Visoki predstavnik sve ovo planirao i uradio u saradnji sa susjednom Republikom Hrvatskom, što je sama Vlada Republike Hrvatske javno saopštila, vjerovatno smatrajući sebe garantom Daytonskog sporazuma, što ona svakako nije. Time je Visoki predstavnik, između ostalog učinio i krivično djelo propisano Krivičnim zakonom Bosne i Hercegovine. Pored toga, Visoki predstavnik je selektivno implementirao presude Ustavnog suda Bosne i Hercegovine, odnosno nije implementirao jedinu koja se tiče suzbijanja diskriminacije, a to je ona u predmetu „Komšić“ čime je učinio i drugo krivično djelo nepoštivanja odluka Ustavnog suda Bosne i Hercegovine.

Najzad, u svome zaključku, želim sa vama podijeliti nekoliko važnih zapažanja. Namjera Visokog predstavnika da svojim odlukama omogući poštenije izbore, nije se ostvarila. Naprotiv, uvela je niz zbunjujućih elemenata i otežala provođenje izbornog procesa. Njegova druga namjera da kroz intervencije prema Ustavu bh. entiteta Federacija Bosne i Hercegovine i Izbornog zakona Bosne i Hercegovine, navodno, omogući deblokiranje procesa formiranja vlasti, jednostavno rečeno, nije tačna, jer deblokade nisu uklonjene, a pri tom je uveo značajnu asimetriju u formiranju vlasti u dva bh. entiteta. Vršeci izmjene izbornih pravila neposredno prije održavanja

izbora i nakon njihovog okončanja, Visoki predstavnik je izvršio kršenje Ustava Bosne i Hercegovine i niza međunarodnih akta koji su ugrađeni u pravni sistem Bosne i Hercegovine. To svakako nije i ne može biti njegova uloga. Prevariti glasače, tako što se izborna pravila mijenjaju nakon održanih izbora je akt Visokog predstavnika koji je učinio takvu destabilizaciju prilika u Bosni i Hercegovini, što se manifestira masovnim protestima građana ispred zgrade OHR-a u Sarajevu, koji su nezadovoljni i smatraju da je uveden aparthejd. Osim toga, pokrenuta je i apelacija pred Ustavnim sudom Bosne i Hercegovine, jer su odluke Visokog predstavnika vidno neustavne. Umjesto da sačeka ishod toga sudskog procesa, Visoki predstavnik vrši pritisak na političke aktere, pa čak i na sudske instance, da se njegove odluke što prije implementiraju. To je apsolutno neprihvatljivo.

Iz svih ovih razloga, postalo je više nego očigledno da je uloga sadašnjeg Visokog predstavnika postala destabilizirajuća i u korist jedne od susjednih zemalja, kao i nekih od njegovih međunarodnih mentora, ali na štetu države Bosne i Hercegovine i njenih građana. Koristim ovu priliku da istaknem da Bosna i Hercegovine još uvijek podržava instituciju Visokog predstavnika, u skladu sa ovlaštenjima iz Daytonskog mirovnog sporazuma, ali da je aktivnost sadašnjeg vršioca dužnosti Visokog predstavnika postala problem koji treba riješiti što prije. Zato je važno još jednom reći da svako ko obavlja poslove Visokog predstavnika ne može činiti neustavne stvari niti može raditi izvan njegovih ovlaštenja, što je za sada, nažalost slučaj. Zato vas pozivam ovim putem da ovo pitanje zajedno riješimo u narednom periodu.

Hvala za vašu pažnju.



**BH GRAĐANI IZ SAD, KANADE: Zaustavimo uništavanje BiH, podrška ambasadoru Alkalaju!**

by [Editor](#) 05/11/2022 0313



**Bošnjačko-američka nacionalna asocijacija i Institut za istraživanje genocida Kanada kao i portal Bošnjaci.Net uputili su podršku ambasadoru Svenu Alkalaju.**

“Mi građani, prijatelji – patrioti Bosne i Hercegovine, preživjele žrtve srpskog genocida i hrvatskog udruženog zločinačkog poduhvata; okupljeni u Bošnjačko-američkoj nacionalnoj asocijaciji (BANA), Institutu za istraživanje genocida Kanada i Bošnjaci.Net, iskreno se zahvaljujemo ambasadoru Bosne i Hercegovine pri UN-u, Svenu Alkalaju, koji kao častan čovjek, ugledni intelektualac, vrstan diplomata i veliki patriota, na poseban način gaji svoju ljubav prema domovini Bosni i Hercegovini i svim njenim građanima, neovisno na etničku i vjersku pripadnost. Ambasador Alkalaj je pionir bh. diplomacije, dok je odanost Bosni i Hercegovini na najbolji način pokazao kroz svoj predani trodecenijski rad za Bosnu i Hercegovinu koja je od 1992. – 1995., bila izložena brutalnoj vojnoj agresiji, dok politička agresija i danas traje.

Zato onima koji napadaju ambasadora Alkalaja zbog obraćanja na sjednici Vijeća sigurnosti UN-a u New Yorku, 2. nov. 2022., poručujemo da je njegovo obraćanje jasno, nepristrasno, argumentovano i isključivo je naklonjeno građanskom uređenju države Bosne i Hercegovine i svim njenim građanima koji trebaju imati jednaka ljudska prava!

Zato, mi građani Bosne i Hercegovine osuđujemo napade na ambasadora Svena Alkalaja i njegovo istinito obraćanje pred Vijećem sigurnosti, posebno dovođenje u bilo kakav kontekst sa Rusijom ili navodnu podršku Rusiji, kako su plasirali pojedini političari i mediji koji nemaju dobre namjere prema državi Bosni i Hercegovini. Ali tako to biva kada kritičari nemaju argumenata onda pljušte optužbe bez osnove. Svi od ranije znamo šta je ambasador Alkalaj govorio u UN-u o ruskoj agresiji na Ukrajinu, ali i ruskoj-velikosrpskoj politici koja se vodi prema Bosni i Hercegovini. Današnji kritičari tada su hvalili i pozdravljali stavove ambasadora Alkalaja.

Očito usljed nedostatka argumenata protiv ambasadora Alkalaja, neprijatelje Bosne, petu kolonu kao i međunarodne dušebrižnike zabolila je istina koju je rekao pred Vijećem sigurnosti. Umjesto argumenata najjednostavnije je po medijima širiti neistine i dizati hajku protiv njega koji je u interesu građana i države Bosne i Hercegovine bez sustezanja kritikovao nametnute odluke visokog predstavnika u noći kada su se izbori završili. Zato, riječi ambasadora Alkalaja su jasne i istinite, pored

ostaloga, da je visoki predstavnik Christian Schmidt „prevario sve glasače u Bosni i Hercegovini, ali i sve aktere izbora, sve političke stranke i kandidate“.

Najzad, oni koji sada neosnovano i bez argumentacije kritikuju ambasadora Alkalaja, saučesnici su u zlodjelu koje je počinio visoki predstavnik Schmit, prema državi Bosni i Hercegovini i njenim građanima. Naravno, uključujući i one stranke i sve političare koji pod svaku cijenu nastoje formirati vlast po Schmidtovim mjerama aparthejda, što ustvari pokazuje da im je više stalo da se dokopaju vlasti i budžeta države nego da se bore za narod i državu. Zato iz ličnog interesa i potpunog neznanja govore da je Schmidtov aparthejd “tehničke naravi i bez značajnijih posljedica”! Također, pitamo kritičare, zar zvaničnici Europske unije nisu kritikovali nametnute odluke i izjasnili se da je Schmidt to uradio na svoju ruku?! Zašto onda nisu reagirali i napali zvaničnike EU?

Republika Hrvatska je u Haagu osuđena za UZP u Bosni i Hercegovini, dok je ambasador Alkalaj upravo ukazao na pristrasnu suradnju visokog predstvanika i hrvatskih zvaničnika. Također i mediji u Bosni i regionu su upozoravali na uticaj rukovodstva Hrvatske na visokog predstavnika i to baš sljedbenika Tuđmanove politike.

Konkretno, premijer Hrvatske Plenković se javno pohvalio “S visokim predstavnikom Schmidtom smo razgovarali mjesecima temeljito i diskretno”; – što znači da su planski radili i uticali na Schmidtha i doprinijeli nametanju spornih i nedemokratskih odluka sve u cilju kako obezvrijediti većinski narod koji je kičma opstanka države Bosne i Hercegovine. Visoki predstavnik Schmidt nikada nije demantovao Plenkovića. Najzad zašto ne istaći da je Christian Schmidt dobitnik visokog hrvatskog državnog priznanja “Red Ante Starčevića”, vjerovatno je osjetio momenat da se iskupi za nagradu, možda je to najbolje na račun Bosne i Hercegovine, da se nametanjem Izbornog zakona pomogne trajno ‘legitimno predstavljanje’ Hrvata kroz HDZ i Dragana Čovića, a sutra moguće obnove paradržavne fašističke tvorevine Herceg-Bosne čije je kompletno političko i vojno rukovodstvo osuđeno u Den Haagu.

Kada pred Vijećem sigurnosti na to upozori ambasador Alkalaj, citat: „Iz ove njegove odluke vidi se namjera da, u saradnji sa susjednom Republikom Hrvatskom, obezbijedi neograničeno učešće u vlasti jednoj političkoj stranci – HDZ-u – koja je filijala te političke stranke iz susjedne Hrvatske“, onda bosanski ambasador zbog istine bude napadnut od međunarodnih dušebrižnika, ambasadora koji glumi prijatelja Bosne, te sarajevskih crvenih medija i propalih novinara koji su na jaslama agencija sa zapada.

**Umjesto potpune implementacije presuda međunarodnih sudova za presuđeni genocid i UZP, kao i Europskog suda za ljudska prava, visoki predstavnik sa nametnutim odlukama legalizirao je istrijebljenje – etničko čišćenje u Bosni i Hercegovini i izvršio direktni udar na najbrojniji narod – Bošnjake nad kojim je izvršen genocid. Sa ovakvim činom visoki predstavnik je obezvrijedio i uništio presude najviših internacionalnih sudova i Europskog suda za ljudska prava, time je jasno da je uveden aparthejd i uništena vladavina prava, našta je upozorio ambasador Alkalaj.**

Pitamo one koji upućuju javne kritike na račun ambasadora Svena Alkalaja, i to bez argumenata i ikakvog pojašnjenja šta je u obraćanju netačno rekao te mu zamjeraju i podvaljuju, zašto onda oni ne spriječe udar na državu Bosnu i Hercegovinu, Daytonski mirovni sporazum, žrtve genocida i etničkog čišćenja? Jasno, zato što se otvoreno vidi da su i oni sa Schmidtom učestvovali i učestvuju u rušenju države Bosne i Hercegovine i podržavaju velikohrvatsku i velikosrpsku politiku separatizma i nestanka Bosne i Hercegovine kao najstarije države u Evropi i starog autohtonog i miroljubivog naroda. Izdali ste Bosnu ratnih 90-tih, nametnuvši embargo, ostavljajući je između čeljusti vojne i političke fašističke nemani i agresorskih režima Beograda i Zagreba, to i danas radite preko visokog predstavnika!

Plemeniti Narode, ponovljena je izdaja Bosne i Hercegovine od strane onih koji se nameću da su nam prijatelji!

Pozivamo sve bosanske stranke i političare kojima je stalo do države Bosne i Hercegovine da dobro prouče govor ambasadora Svena Alkalaja, prevaziđu međusobne i međustranačke probleme, složno odbace nametnute odluke visokog predstavnika i bezrezervno stanu uz narode i državu sa građanskim uređenjem. Visoki predstavnik sa nametnutim odlukama svjesno je stavio omču o vrat bošnjačkom narodu i zakucao je posljednji eskser na mrtvačkom sanduku – nestanka države Bosne i Hercegovine.

Pristanete li na to – imenom i prezimenom bit ćete upisani u historiji kao grobari i izdajnici Bosne i Hercegovine!!!", navodi se u pismu.

**PODRŠKA AMBASADORU ALKALAJU!**

**SVEN ALKALAJ UZVRATIO AMERIČKOJ AMBASADI: "Ako mi bilo ko iz pomenute Ambasade kaže šta je to neistinito ili lažno u mom izlaganju, SPREMAN SAM..."**



Ambasadori MARFI I ALKALAJ

"Ako mi bilo ko iz pomenute Ambasade konkretno kaže šta je to bilo neistinito ili lažno u mom izlaganju, spreman sam se javno izvinuti kako građanima BiH, tako i samoj Ambasadi", poručio je Sven Alkalaj u večerašnjem saopćenju za medije.

- Vijesti
- 03. Nov. 2022

Izlaganje Ambasadora BiH u UN-u **Svena Alkalaja** u kojem je žestoko kritikovao **Christiana Schmidta** zbog nametanja izmjena Ustava FBiH i Izbornog zakona BiH najviše su, očekivano, naljutile Ambasadu SAD-a u Sarajevu.

Stoga su iz Ambasade danas putem **Avaza** optužili Alkalaja da je u sjedištu UN-a u New Yorku "propagirao neistine" i "dao prednost uskim političkim interesima".

"Odluka stalnog predstavnika BiH pri UN da svoje vrijeme tokom jučerašnje debate Vijeća sigurnosti UN o BiH iskoristi za propagiranje neistina o visokom predstavniku i međunarodnoj zajednici ne ide u korist Bosne i Hercegovine. Razočaravajuće je da je dao prednost uskim političkim interesima umjesto državnim interesima svoje zemlje, nešto što je nažalost već predugo norma u BiH. BiH se suočava sa mnogim ozbiljnim izazovima. Vrijeme je da njeni lideri prionu na posao", naveli su iz Ambasade SAD-a, ali nisu argumentovali svoje tvrdnje.

Stoga je, očekivano, ambasador Alkalaj javno zatražio od Američke ambasade da argumentuju svoje tvrdnje.

**"Ako mi bilo ko iz pomenute Ambasade konkretno kaže šta je to bilo neistinito ili lažno u mom izlaganju, spreman sam se javno izvinuti kako građanima BiH, tako i samoj Ambasadi"**, poručio je Sven Alkalaj u večerašnjem saopćenju za medije. (SB)

#### VISOKI PREDSTAVNIK U BIH

**Europarlamentarci o dolasku Šmita: Ukinuti diskriminaciju, a ne dodatno je učvrstiti**

Zastupnica u Evropskom parlamentu Tineke Strik potvrdila je na Twitteru da će visoki predstavnik u BiH doći na sjednicu odbora te ga je pozvala da povuče svoje amandmane na Izborni zakon  
A. Č. 10.11.2022.



**Strik objavila da će se Šmit pojaviti u Briselu**

FOTO: AP

**Visoki predstavnik u Bosni i Hercegovini Kristijan Šmit (Christian Shmidt) će 30. novembra otputovati u Brisel na sjednicu Odbora za vanjske poslove Evropskog parlamenta kako bi objasnio izmjene Izbornog zakona BiH, prenosi Anadoluja.**

**Zastupnica u Evropskom parlamentu Tineke Strik potvrdila je na Twitteru da će visoki predstavnik u BiH doći na sjednicu odbora te ga je pozvala da povuče svoje izmjene Izbornog zakona.**

- Bilo kakve promjene u izbornom sistemu BiH trebaju ukinuti diskriminaciju, a ne dodatno je učvrstiti - poručila je Strik.

Njen kolega u parlamentu Klemen Groselj očekuje da će Šmit pojasniti povezanost između njegovih odluka i hvalisanja hrvatske diplomatije da su izmjene izbornog zakona rezultat njihovog lobiranja.

- Donošenje odluka u korist susjedne države isključivo na osnovu ideološke pripadnosti je nedopustivo - poručio je slovenski europarlamentarac.

Grupa od 25 parlamentaraca iz Njemačke, Francuske i Holandije, uputila je krajem oktobra pismo OHR-u, u kojima se poziva Šmit da povuče svoje odluke koje se odnose na izmjene izbornog zakona u Bosni i Hercegovini.

- Do takvih učinkovitih reformi treba doći kroz demokratski proces, a ne nametanjem OHR-a - poručila je tada Strik.



**Informativno  
politički  
portal**

Demokratske i progresivne snage u BiH duboko frustrira činjenica da je poslije kaubojskih izmjena federalnog ustava i izbornog sustava Schmidt zabetonirao etnički koncept predstavljanja koji je nespojiv sa modernim ustavnim državama, te na taj način produbio etničke podjele. Etnokratija je pobijedila demokratiju. Zasada. Svi su ravnopravni, samo su bh. Hrvati ravnopravniji, jer njihovi glasovi vrijede višestruko od bošnjačkih. Schmidt je ovu ujdurmu dogovorio sa eksponentima hrvatske vlade, Plenkovićem i Grlić Radmanom, pa je tako opravdao odlikovanje koje je primio pored osuđenih ratnih zločinaca, i to za "promicanje hrvatskih vanjskopolitičkih interesa".

Samuraj

saburaj

**Sead Sadiković**  
07.01.2023.

Mirsada Hadži-Egrić

10.01.2022.

## PRIJE GODINU DANA PROTEST U BRISELU



**PROTEST GRAĐANA BIH IZ DIJASPORE ISPRED EU INSTITUCIJA U BRISELU**



## SAOPŠTENJE

### **Naša stranka: 9. januar je negacija svih vrijednosti na kojima počiva BiH**

**Insistiranje na 9. januaru isključuje Bošnjake, Hrvate i Ostale iz ustavnopravnog poretka RS jer slavi dan kad je, također neustavno, proglašena Republika srpskog naroda u BiH, što je bio direktan poziv na rat i početak agresije**

**Saopštenje: Naša stranka.08.01.2023.**



### **Naša stranka: Obilježavanje Dana RS 9. januara antiustavan je čin**

FOTO: NAŠA STRANKA

- Obilježavanje Dana RS 9. januara antiustavan je čin kojem je cilj negacija svih vrijednosti na kojima počiva Bosna i Hercegovina kako onih propisanih ZAVNOBiH-om, tako i onih propisanih u Dejtonu. U prvom redu radi se o pokušaju negiranja činjenice da je BiH država svih njenih naroda i građana koji moraju biti ravnopravni na svakom njenom pedlju.

Insistiranje na 9. januaru isključuje Bošnjake, Hrvate i Ostale iz ustavnopravnog poretka RS jer slavi dan kad je, također neustavno, proglašena Republika srpskog naroda u BiH, što je bio direktan poziv na rat i početak agresije. Podsjećamo, RS u Dejtonu nije određena kao entitet jednog naroda, već svih građana i građanki koji u njoj žive. Svaki pokušaj njene etničke monopolizacije prijetnja je novim nasiljem.

Pozivamo sve građanke i građane da odbace obilježavanje ovog datuma i da se zalažu za promovisanje vrijednosti tolerancije, jednakosti i mira u našoj zemlji.

Svima onima koji unatoč odluci Suda BiH i Venecijanske komisije nastavljaju insistirati na ovom datumu kao zvaničnom entitetskom prazniku mora se pozabaviti Tužilaštvo Bosne i Hercegovine - navodi se u saopštenju.

## DANI BH KULTURE NA EXPO HOUTENU U HOLANDIJI



Radio BH dijaspora je u holandskom gradu Houten kod Utrechta 23., 24., 25. i 26.12. 2023..organizovao Dane BH Kulture koji su bili dio jednog velikog Multietničkog festivala.



Dio štanda Bosne i Hercegovine - Predstavljanje Bosanskohercegovačke tradicije na Expo Houten



**BH štand je privukao pažnju mnogih posjetilaca**



**Slobodanka Kulina je sa Hankom H. Gorinjac i Naidom Ribić, koja ih je pozvala da zajednički organizuju prezentaciju BH dana kulture na Expo Houten u Holandiji.**



Pjesnikinja Slobodanka Kulina je na Danima BH kulture recitovala svoju pjesmu "Hoću kući".

- Da,bilo je ponosno, gizdavo kao u pesmi "Bosno moja lijepa gizdava" Gospođa Naida Ribić poznata dama širom sveta po širini svoga džana, po toplini svoga srca, po pravdi za koju se bori, svojim nastupima uživo i putem talasa RadioBH Dijaspore je dobila poverenje da predstavi BiH na ovom velikom svjetskom skupu. Pozvala je četiri Bosanke i zajedno su stvorile BiH na ovom multietničnom sajmu sa svim njenim ljepotama a ima ih hvala Bogu.

Najbolje govore fotografije, video zapisi, zvanični gosti, dragi ljudi.

Uživajte u fotografijama i svemu.

Veliko hvala našoj NAIDI RIBIĆ, PONOS BIH, istakla je Slobodanka Kulina.



### **Muhabet i slikanje uz pravu Bosansku kahvu iz džezve i fildana na Expo Houten**

Urednici RBHD Naidi Ribic je o značaju ovog događaja dao intervju i ambasador BiH u Kraljevini Nizozemskoj gospodin Almir Šahović: Uz iskrene čestitke gđi. Naidi Ribić i njenom timu na predstavljanju naše BiH u najljepšem svijetlu na ovom važnom događaju.

Zaista možemo biti ponosni na naš stand. Zahvaljujem se na vašoj toploj dobrodošlici koja na najbolji način pokazuje prirodu naših ljudi.

Srdačno.

Almir Šahović, Ambasador BiH u Holandiji



**Organizator je takodjer svim posjetiovcima i gostima poželio sretnu Novu 2023. godinu: Sretna vam Nova godina. Da ste nam živi i zdravi i da vam se ispune sve želje!**

**Vjerujemo u sebe ali i u druge!**

**Volimo i poštujemo sebe ali i druge!**

**Neka tolerancija prema različitostima bude naša vodilja....**

**DzK**

**TEKST AP-A**

**Ukrajinci primjenjuju lekcije iz Sarajeva kako bi preživjeli agresiju**

Porodice, komšije i čitave zajednice se udružuju, smišljaju nova rješenja, odolijevaju kao što su to radile i Sarajlije

- A. K. / AP 29.12.2022.
- B. "We are convinced that the crimes (Russia) is committing in Ukraine bear all the hallmarks of genocide," Kostin said in a statement. "The aggressor state is 'weaponizing winter,' depriving Ukrainians of the basics — electricity, water and heating."
- C. This story is part of an AP/Frontline investigation that includes the [War Crimes Watch Ukraine](#) interactive experience and the documentary "[Putin's Attack on Ukraine: Documenting War Crimes](#)" on PBS.



**Ukrajincima je zima donijela nove probleme**

FOTO: DW / AP

Vildana Mutevelić je tokom rata u BiH bila bez grijanja, struje i tekuće vode. Živjela je u svom stanu sa dvoje male djece i starijim rođacima, nakon što im je artiljerijska paljba razorila krov zgrade i zamalo ih ubila. Da bi preživjela, morala je improvizirati, navodi se u AP-ovom tekstu o lekcijama iz Sarajeva koje ukrajinci danas primjenjuju da bi preživjeli.

Vildana se prisjetila kako je pravila lampu (kandilo) od iskorištenog motornog ulja i vode, a za fitilj je koristila pertle. Kuhala je na vatri koju su potpirivale knjige, namještaj, cipele ili odjeća.

Otkrila je Vildana i da se plastična kašika može koristiti i kao privremena baterijska lampa kada se zapali, u slučaju da mora izaći napolje. Polupane prozore bi prekrivali plastičnom folijom koja je bila

slabašna odbrana od velike hladnoće. Vijesti iz svijeta je slušala preko komšijinog radija koji se napajao iz automobilskeg akumulatora.

### **Primoravanje na patnju**

- Struja je odmah nestala - kazala je sedamdesetogodišnja Mutevelić.

Pričajući za AP, prisjetila se života od prije tri decenije, kada su bosanski Srbi opkolili Sarajevo i nanijeli hiljade civilnih žrtava. Sve se to ponovo dešava u Ukrajini. Ruske oružane snage usmjerile su svoju paljbu na energetske infrastrukturu Ukrajine pred nastupajuću zimu.

Ukrajinski predsjednik Volodimir Zelenski (Zelensky), koji je optužio Rusiju za "energetski terorizam", rekao je ranije ove sedmice da je oko 9 miliona ljudi ostalo bez struje. Glavni tužilac u zemlji, Andriy Kostin, izjavio je za AP da je namjerno gađanje najosnovnije komunalne infrastrukture još jedan čin genocida, najgnusniji od ratnih zločina.

- Uvjereni smo da zločini koje (Rusija) čini u Ukrajini nose sva obilježja genocida - naveo je Kostin u saopštenju.

Dodao je da država agresor koristi zimu kao oružje, lišavajući Ukrajinke osnovnih uslova za život – struje, vode i grijanja.

Primoravanje civila na patnju i smrt kao način da se njihova vlada prisili na popust nije nova ratna strategija. Ali je svakako sklona neuspjehu. Porodice, komšije i čitave zajednice se udružuju, smišljaju nova rješenja i odolijevaju kao što su to radile i Sarajlije. I kao što je to činila Velika Britanija kada je odolijevala iscrpljujućim napadima nacističke Njemačke prije 80 godina.

### **Ista odlučnost**

Ukrajinci pokazuju istu odlučnost i domišljatost. Stan Larise Ševcove u gradu Hersonu na jugu Ukrajine ostao je bez struje i vode. Ali plin je i dalje napajao šporet u skućenoj kuhinji. Uz dvije vatrootporne cigle i savjet porodičnog prijatelja, ona i njen suprug uspjeli su održati temperaturu u svom domu podnošljivom, a da nisu bili zatvoreni u kuhinji.

Postavili su ciglu direktno na jedan od četiri gorionika peći, dok su ostala tri pokrivena velikim loncima i kotlićem. Kada se cigla dovoljno zagrije, pažljivo se odnesi u dnevnu sobu i postavlja na grijalicu iz sovjetskog doba koja više ne radi. Ševcova, njen muž i dva sina, od kojih jedan ima 3 godine, skupili su se oko cigle da bi se zagrijali.

- Koristimo ovu metodu za zagrijavanje prostorija - rekla je Ševcov.

Neprekidni napadi su Ukrajinke navikli na svakodnevne nestanke struje kako bi spriječili preopterećenje sistema dok temperature nastavljaju da padaju.



FOTO: AP **Stan Larise Ševcove**

Rusija ne pokazuje znake da bi smanjila napade na ukrajinsku energetska mrežu. Ruski predsjednik Vladimir Putin rekao je da su talasi udara odgovor na bombaški napad kamionom koji se desio 8. oktobra na most koji povezuje rusko kopno sa poluostrvom Krim, koji je Moskva anektirala jos 2014. godine.

Svjetska zdravstvena organizacija procjenjuje da će 2 – 3 miliona Ukrajinaca ove zime napustiti svoje domove u potrazi za toplinom i sigurnošću.

- Ovdje se apsolutno radi o terorisanju civilnog stanovništva, pokušaju da se sruši njihov moral, da ih se navede da zahtijevaju od svojih vođa da se predaju, ovdje se ne radi o bilo kakvim vojnim ciljevima - rekla je Meri Elen O'Konel (Mary Ellen O'Connell) sa Univerziteta Notre Dame, profesorica prava i stručnjak za međunarodno pravo.

Čak i ako napadate vojni cilj, ako je namjera da se terorizira civile, onda ste počinili ratni zločin, dodaje.

Od početka ruske invazije u februaru, Moskva je izvela 168 raketnih napada na energetska infrastrukturu Ukrajine, pri čemu se skoro 80 posto napada dogodilo u oktobru, novembru i decembru. Ukrajinska naftna i gasna kompanija Naftogas, koja je pod kontrolom države, izvijestila je ranije ovog mjeseca da je oštećeno više od 350 njenih objekata i 450 kilometara gasovoda.

### **Primarna meta**

Rusija je ukrajinsku električnu mrežu učinila svojom primarnom metom "jer je to najlakši način da se poremeti civilizacija i stvori humanitarna katastrofa", rekao je za AP Volodimir Kudricki, izvršni direktor državnog operatera električne mreže NEC Ukrenergo.

Ali popravljnje štete na infrastrukturu ponekad može biti sizifov zadatak. Rusko granatiranje početkom decembra prekinulo je snabdijevanje strujom u velikom dijelu novooslobođenog ukrajinskog grada Hersona samo nekoliko dana nakon što je obnovljeno.

Sarajlije su doživjele isti pad u mrak i hladnoću sredinom 1990-ih kada su srpske snage opkolile bosansku prijestolnicu tokom krvavog raspada Jugoslavije.



Poput Ukrajine i Bosna se suočila s egzistencijalnom prijetnjom susjedne nacije koja je nastojala kontrolirati zemlju tako što ju je razjedinila.

Eklatantna razlika između Sarajeva i Ukrajine je odgovor zapadnog svijeta.

Tokom gotovo četiri godine, oko 350.000 stanovnika Sarajeva bilo je zarobljeno i svakodnevno se suočavalo s granatiranjem i snajperskim napadima. Odsječeni od redovnog pristupa struji, toplini i vodi, preživljavali su od ograničene humanitarne pomoći Ujedinjenih naroda dok su pili vodu iz bunara i tražili hranu.

Bojeći se većeg krvoprolića i tražeći političko rješenje, Sjedinjene Države i Evropska zajednica, prethodnica Evropske unije, podržale su embargo UN-a na oružje za bivšu Jugoslaviju koji je blokirao bosansku vladu da nabavi oružje kako bi se suprotstavila napadima.

Za Ukrajinu novac i oružje i dalje pristižu. Sjedinjene Države su isporučile ili obećale milijarde dolara vojne pomoći, uključujući bateriju zemlja-vazduh raketa tipa Patriot, najmoćnije oružje takvog tipa do sada.

- **Ukrajina ima oružje. A ono što smo mi tada dobili je embargo na oružje** - rekao je Mirza Mutevelić, 38-godišnji sin Vildane Mutevelić i dodao da to doživljava kao još jednu nepravdu.

Lamija Polić, penzionisana medicinska sestra iz Sarajeva, izbjegavala je metke kako bi dobila vodu i koristila metalnu kantu za smeće kao peć. Do drva je bilo teško doći. **Do ljeta 1993. godine većina sarajevskih stabala je nestala i ljudi su otkopavali panjeve.**

#### Nestanci struje

- **Tako da smo spalili sve što smo imali: papuče, obuću, staru odjeću, knjige... sve** - rekla je Polić.

- Grijali smo najmanju prostoriju u stanu, kuhinju, i tu smo provodili sve vrijeme. Zapalite vatru, ali ona traje samo nekoliko minuta, a zatim čekate dok više ne možete podnijeti hladnoću da zapalite još jednu. **Sjećam se da su nam deke i čaršafi bili toliko hladni da ste imali osjećaj da su mokri.**

Dok su se povlačili u novembru, ruske snage su porušile dalekovode i drugu ključnu infrastrukturu na jugu Ukrajine, bacivši hiljade novooslobođenih stanovnika Hersona u mrak.

U Kijevu, glavnom gradu Ukrajine, Mariia Modzolevska se oslanjala na agregat i automobilski akumulator kako bi se njen kafić Blukach održavao i radio kroz skoro svakodnevne nestanke struje.

Mušterije i dalje dolaze. Pune svoje mobilne telefone i druge uređaje dok piju kafu u kafiću i jedu kolačiće. Modzolevska koja ima 34 godine, osmislila je načine da u svojoj radnji održi struju. Stari akumulator održava mašinu za kreditne kartice u radu. Dizel agregat napaja espresso aparate.

- Zarađivali smo do prvog napada dronom i nestanka struje, a onda je prihod pao za preko 30 posto - rekla je.

Prihod se popravio otkako su opremili kafić strujom i internetom. Dodaje da ne zna koliko dugo mogu raditi na ovaj način.

Stan na uglu zgrade Tetiane Boichenko u Kijevu je okrenut prema sjeveru. Čak je i u novembru njena spavaća soba bila hladna. Toplota i struja dolazili su i odlazili u njenom susjedstvu, ovisno o tome da li su ruski projektili pogađali svoje mete.

Boichenko je kupila mali šator za 10 dolara i postavila ga na vrh svog kreveta. Unutar šatora, na vrhu nekoliko ćebadi, gdje je temperature bila 3 do 4 stepena toplija od ostatka sobe. Za AP je rekla da ne planira da skine šator do proljeća. - Spavat ću u njemu jer je toplije tako - rekla je.

**"UZ PRIJATELJE SMO JAČI"**

**Kličko pisao Karić: Zbog vaše podrške, naše svjetlo u tami sjaji još jače**

**A dan pobjede bit će trenutak koji ćemo zajednički proslaviti, naveo je Kličko**

Preuzeto: Avaz.ba

H. J. I. 29.12.2022.



**Benjamina Karić i Vitali Kličko**

FOTO: PRINTSCREEN

**Gradonačelnik Kijeva Vitali Kličko uputio je pismo gradonačelnici Sarajeva Benjamini Karić, u kojem je, između ostalog, poslao snažnu poruku zahvalnosti Sarajevu.**

- "Zbog vaše podrške, naše svjetlo u tami sjaji još jače." Grad Sarajevo je uz nedužni narod Ukrajine - napisala je kratko Karić na Facebooku.

- Kada imamo prijatelje oko nas, postajemo jači. A naša snaga se nalazi u slobodi i demokratiji. Teroristi uništavaju našu infrastrukturu, ne možemo da ugostimo nama bliske osobe, da se ugrijemo tokom zimskim dana pa čak ni da operemo ruke. Ipak, to nije toliko teško koliko gubitak ljudskih života - naveo je Kličko i zaključio:

- A dan pobjede bit će trenutak koji ćemo zajednički proslaviti.

U ime delegacije Grada Kijeva, Kličko je Karić poželio sreću, uspjeh, mnoštvo novih prilika i "istinsko čudo".

**GRADONAČELNICA SARAJEVA Karić odgovorila Ambasadi Rusije: Vi koji ste uložili veto na Rezoluciju o genocidu u Srebrenici ne možete držati pridike o moralu Vi, Putinova Rusija, trenutno ste vodeća sila terora, diskriminacije, gušenja istine i širenja laži u svijetu**, napisala je Karić na Facebooku  
Preuzeto sa Avaz.ba H. J. 1.29.11.2022



Karić odgovorila Ambasadi Rusije: Niste mjerodavni da govorite o ljudskim pravima

FOTO: FACEBOOK

**Gradonačelnica Sarajeva Benjamina Karić** oglasila se na Facebooku povodom optužbi Ambasade Rusije.

Njen status prenosimo u cijelosti.

- Niste mjerodavni da govorite o ljudskim pravima, međunarodnom pravu te o suživotu u Evropi. Jer sama činjenica da je vaša zastava spuštena u Vijeću Evrope dovoljno govori da vi ne pripadate više evropskim vrijednostima koje su sve suverene i nezavisne države Evrope zajednički kreirale. Vaše ponašanje i djelovanje vas je odvojilo od evropske porodice zbog čega pati cijela Evropa kao i sami građani Ruske Federacije.

### **Ruska kultura, balet, muzika su uvijek dobrodošli u Sarajevu**

Vlast u Ukrajini je izabrana na demokratskim izborima, i svojim glasanjem na Generalnoj skupštini UN-a država Bosna i Hercegovina je jasno stala uz teritorijalni integritet i suverenitet Ukrajine. Stanovništvo Ukrajine svakodnevno pati zbog agresije Ruske Federacije na teritoriju Ukrajine i anektiranja ukrajinskih teritorija suprotno međunarodnom pravu.

Ambasada Ruske Federacije bi trebala poznavati pravni sistem države u kojoj je otvorena. Gradonačelnik Sarajeva ne odlučuje o nazivima ulica. Ruska kultura, balet, muzika su uvijek dobrodošli u Sarajevu kao i svaka druga kultura. Ruske agresorske snage nisu ni danas dobrodošle u Sarajevo kao što nisu bile dobrodošle ni u periodu od 1992.-1995. kada isti oni koji su učestvovali u opsadi Sarajeva učestvuju u ratnim zločinima i danas. Treba biti iskren, tada su i ukrajinski dobrovoljci učestvovali u opsadi Sarajeva, ali mi ne identifikujemo cijeli narod sa njihovim zločincima kao što ne identifikujemo ni ruski narod sa agresorima i zločincima koji danas ubijaju hiljade nedužnih u Ukrajini.

### "Vodeća sila terora"

Nikada se ne odričem ni bosanskog, ni srpskog, ni hrvatskog jezika, ni latinice ni ćirilice.

**Ne dozvoljavam državi koja je uložila veto u Vijeću sigurnosti na Rezoluciju o genocidu u Srebrenici da drži pridike o moralu. Vi, Putinova Rusija, trenutno ste vodeća sila terora, diskriminacije, gušenja istine i širenja laži u svijetu** - napisala je Karić na Facebooku.

Podsjećamo, Ambasada Rusije oglasila se danas povodom potpisivanja Sporazuma o prijateljskoj saradnji između Sarajeva i Kijeva. Sporazum je potpisan u Briselu na marginama Kijevskog investicionog foruma.

[Nenad Filipovic](#) ...

2. januar 2023. ·

### ONE CAN NOT BE NON/ALIGNED WHEN UKRAINE IS INVADED BY

THE MUSCOVITE HORDE OF KALGA CUCE PUTIN...

Bosnians know that very well...every single voice of nonalignment and sympathy for us meant to us tremendously back in 1992/1995...in the end the US pragmatism and notorious Mr. Holbrooke forced us into an unjust peace accord...

Later Mr. Holbrooke/lanet olsun kari sakarda o herif/ said...oh my ghosh it was a mistake that accord of mine...what an idiot!!!

Ukrainians should resist Putin and putinites but they also should be aware of danger for their freedom ingrained in Holbrookes of our days and holbrookites from the Biden administration and from les salons de Bruxelles et Berlin ...



**Boris Varga**

31. decembar 2022.

Ovu godinu posvetio sam, profesionalno i ljudski, borbi za odbranu i oslobođenje Ukrajine. Ne samo zato što sam poreklom iz tih krajeva i što sam tamo upoznao veoma bliske ljude, već zato što se u Ukrajini vodi borba za budućnost naših vrednosti, evropskih i demokratskih. Nije samo važno da postoje Srbija i Ukrajina, već kakve će one biti i da li će to biti slobodna i dobra društva. Istovremeno, borio sam se protiv savremene društvene apatije, jer isključivo od svakog od nas zavisi kakav svet ostavljamo generacijama koje dolaze.. Zato u Novu 2023. samo pozitivno i pobjednički!

**SPORTSKI AERODROM ZALUŽANI KOD BANJALUKE**

**Sportski aerodrom Zalužani, 12.08.2022.**



**MAGISTAR I DIPL. ING. NIJAZ DURIĆ, TEHNIČKI DIREKTOR RZ “KOSMOS”, KOJI JE ‘92. MORAO NAPUSTITI BANJALUKU, ISPRED BISTA PARTIZANSKIH RATNIH PILOTA RUDI ČAJVECA, FRANJE KLUZA, MIŠE JAZBECA I IVICE MITRIČIĆA BREGEJCA**

## EUOBSERVER

**EU treba dobro razmisliti prije nego Bosni i Hercegovini odobri status kandidata**  
BiH podnijela zahtjev za članstvo 2016. godine, a Evropska komisija je 2019. godine objavila detaljnu analizu u kojoj se istaklo da je BiH bila neuspješna u ispunjavanju svih kriterija A. Č. / Fena 11.11.2022.



**Evropska unija neće učiniti nikakvu uslugu Bosni i Hercegovini time što će je pomaknuti naprijed na stazi kandidature za koju država nije spremna**

**FOTO: EUROPA.BA**

Evropska unija neće učiniti nikakvu uslugu Bosni i Hercegovini time što će je pomaknuti naprijed na stazi kandidature za koju država nije spremna, a ni sebi neće učiniti nikakvu uslugu time što će napustiti vlastite vrijednosti, navodi portal EUobserver u tekstu koji potpisuje Kristian L. Nielsen u osvrtu na odnos EU prema BiH i potencijalne posljedice davanja kandidatskog statusa našoj zemlji prije nego što se implementiraju ključne sudske presude koje bi trebale okončati diskriminaciju protiv jednog dijela stanovništva u Bosni i Hercegovini.

Nielsen u svom tekstu ističe da Hrvatska preko HDZ-a dijeli BiH i želi učvrstiti etnodemokratiju te da je Christian Schmidt ponukan savjetima iz Zagreba učvrstio sistem koji je BiH na putu u EU već trebala prevazići.

Na početku analize se napominje da je BiH podnijela zahtjev za članstvo 2016. godine, a Evropska komisija je 2019. godine objavila detaljnu analizu u kojoj se istaklo da je BiH bila neuspješna u ispunjavanju svih kriterija.

- Komisija je navela 14 ključnih tačaka, što predstavlja duboke ustavne reforme, koje treba riješiti prije nego što se dobije potpuni status kandidata - navodi se.

**Nikad se ništa nije dogodilo**

EU Observer ističe da je indeks demokratije koju je objavio The Economist Intelligence Unit za 2021. godinu rangirao BiH kao "hibridni režim", jedinu evropsku zemlju koja ne zaslužuje čak ni oznaku "demokratija s nedostatkom".

- Najkritičniji je sistem etničke diskriminacije u BiH. Pripadnost jednom od 'konstitutivnih naroda' je formalni preduslov za obavljanje niza javnih funkcija, uključujući mjesto u državnom predsjedništvu i gornjem domu parlamenta i neformalno određuje šanse osobe za pozicije u državnoj službi - piše EUobserver.

Portal napominje da građani izvan tri dominantne etničke zajednice čine otprilike četiri posto stanovništva i "prilično odvratno ih se naziva 'ostalima'".

- Jedna je stvar dozvoliti takvu praksu pri okončanju rata 1995. godine, ali sasvim nešto drugo dozvoliti njeno dalje postojanje u 21. vijeku, jer je to očigledno neprihvatljivo - podvlači se u tekstu.

Autor napominje da je EU zamrznuła ratifikaciju Sporazuma o stabilizaciji i pridruživanju (SSP) BiH dok se ustav zemlje ne izmijeni u skladu s presudom "Sejdić-Finci".

- Nikad se ništa nije dogodilo. Ustav BiH tehnički nije teško promijeniti, ali ne postoji politička volja u sistemu kojim dominiraju etno-nacionalističke stranke, od kojih sve imaju koristi od statusa quo - piše EUobserver.

**Dvostruki pristup Evropske unije**

U nastavku teksta ističe se da je 2015. godine, nakon lobiranja Hrvatske, EU odlučila ratificirati SSP, ali je ustavne promjene stavila kao uslov za kandidatski status.

- Ostaje, međutim, činjenica da je EU već jednom odustala po pitanju etničke diskriminacije i ljudskih prava, a čini se da je nekoliko članica Vijeća sada spremno to učiniti ponovo. Treba pažljivo razmotriti poruku koja se šalje na ovaj način. Etnonacionalisti u BiH koji su u velikoj mjeri zadržali svoju vlast na nedavnim parlamentarnim i predsjedničkim izborima, ostvarit će simbolično važnu pobjedu pred domaćom javnosti bez ispunjavanja potrebnih uslova - navodi se.

Dodaje se da će EU, suštinski, nagraditi kršenje Evropske konvencije o ljudski pravima.

- Može li EU to učiniti još jednom bez gubitka kredibiliteta? Šta će se, recimo, dogoditi kada BiH za tri godine bude zahtijevala stvarne pregovore za pristupanje EU, a da i dalje zadrži svoj sistem etničkih kvota? To je vrlo sklizak teren - napominje EUobserver.

Autor predlaže dvostruki pristup Evropske unije prije nego dodijeli status kandidata Bosni i Hercegovini.

Na prvom mjestu, dovesti u red svoju vlastitu kuću i stati na kraj tome da njeni najneodgovorniji članovi potkopavaju zajednički stav EU.

- Mađarski premijer Viktor Orban razvio je popriličnu jaku vezu sa liderom stranke SNSD sa srpskim predznakom, Miloradom Dodikom, koji će izvjesno preuzeti dužnost predsjednika entiteta Republika Srpska uprkos vjerodostojnim optužbama o prevarama na nedavno odžanim općim izborima - piše EUobserver.

**Staviti pod kontrolu**

Napominje se da Hrvatska, "kojom upravljaju nacionalisti iz HDZ-a od 2016. godine, podstiče svoju sestrinsku stranku u BiH u nastojanju da podijeli zemlju i učvrsti sistem upravljanja zasnovan na etničkoj pripadnosti."

- Ovakvo stanje slanja kontradiktornih poruka je očigledno neodrživo. Obje zemlje su veliki primatelji sredstava EU, što bi se mogao iskoristiti kao uteg protiv njih i vratiti ih u okvire zajedničkih i dogovorenih pozicija EU - navodi se.

Na drugom mjestu, smatra autor, EU mora "staviti pod kontrolu" Ured visokog predstavnika.

- Osim što ima široke ovlasti za donošenje uredbi, OHR može poslužiti za podsticanje reformi. Ipak, veći dio svog vremena u BiH, visoki predstavnik Christian Schmidt, bivši njemački ministar poljoprivrede, djelovao je kao da nije u stanju da se nosi sa situacijom i naizgled se

oslanjao na savjete vlade Republike Hrvatske o pitanjima koja se tiču Bosne i Hercegovine - naglašava EU Observer.

Autor dodaje da je u kontroverznom potezu u izbornoj noći Schmidt nametnuo izmjene Izbornog zakona za koje su mnogi tvrdili da će favorizirati HDZ.

- Bez obzira da li je to tako ili ne, najveći problem sa Schmidtovim potezima bio je sam pokušaj da se popravi ili poboljša sistem koji je odavno diskreditiran. Schmidt je svojim djelovanjem učvrstio sistem kojeg bi Bosna i Hercegovina trebala prevazići - piše EUobserver.


Autor na kraju zaključuje da EU neće učiniti nikakvu uslugu Bosni i Hercegovini time što će je pomjeriti naprijed na stazi kandidature za koju država nije spremna, a ni sebi neće učiniti nikakvu uslugu time što će napustiti vlastite vrijednosti.

**Zemljo naših djedova...  
Sretan Dan državnosti BiH  
25.11.1943. - 25.11.2022.**





Šemsudin Mehmedović



15 november 2022

● UZ ČESTITKE NA BRILJANTNOJ POBJEDI!

**? Zašto njemačka i američka ambasada i PIC šute o onom na što javno upozorava nova slovenska predsjednica?!  Nova slovenska predsjednica je kritikujući preveliku upetljanost Hrvatske u BiH, raskrinkala Schmidta. Schmidt se razotkrio i štiti miješanje Srbije i Hrvatske u BiH: Schmidt kaže da susjedi BiH „strahuju od novog nasilnog sukoba u BiH“ a upravo susjedi BiH kreiraju sukobe i separatizam - pa zašto Schmidt ne reaguje na izjave Milanovića i Plenkovića, oni su mu kreirali izborni zakon, oni „šutaju“ presude Haškog tribunala, .MSLJP iz Strazbura..**

**Schmidt je čovjek koji je najavio novu eru u odnosu međunarodne zajednice prema BiH – to je poslanje da se opravda miješanje Hrvatske i Srbije u BiH. Schmidt maskira i zamagljuje stvarnu ulogu Hrvatske i Srbije u BiH. Ne reaguje na izjave Milanovića, Plenkovića, Vučića i Grlić Radmana i njih je svrstao u red onih koji strahuju od sukoba u BiH, kao da mi generiramo sukobe a ne upravo oni koji su agresivni prema BiH. To je jako Miloševićevski. Tako je govorio Milošević dok je slao JNA na BiH.**

To je brutalno glorificiranje i negiranje stvarne uloge Srbije i Hrvatske. Očito da je njegova misija prikriti trodecenijske aktivnosti, agresije i hegemonije Srbije i Hrvatske i optužiti BiH da je izvor nestabilnosti u regionu. Kad Plenković govori Dodikovim rječnikom o povratku na izvorni Dayton, kad Milanović postaje prateći vokal Dodika i ponižava Majke Srebrenice i omalovažava presude Haškog tribunala, kad Vučić govori o državnoj imovini BiH – onda Schmidt kaže da oni strahuju od sukoba u BiH!

Zato snažno pozdravljam izjavu nove slovenske predsjednice koja je javno optužila Hrvatsku za preveliku involviranost u BiH – ta izjava još više razotkriva Schmidtovu ulogu. Nismo nikad čuli Schmidta da kritikuje Hrvatsku zbog miješanja u BiH. Zašto ovo nismo čuli od Schmidta: od njega smo čuli da Hrvatska strahuje od novog sukoba u BiH a ne da je previše involvirana u BiH! Ali nova slovenska predsjednica je to rekla umjesto Schmidta. Ponizila ga je i razotkrila: Ovo je davno trebao reći Schmidt. Ali nije, a znamo zašto ordenovani nije to rekao. Zašto njemačka i američka ambasada i PIC šute o onom na što javno upozorava nova slovenska predsjednica o prevelikoj involviranosti Hrvatske u BiH?!

CITAT: Pirc Musar: „Naravno, ne zaboravljam Hrvatsku, ali ona je malo previše involvirana u ono što se događa u BiH, gdje će se strasti morati malo smiriti. Ali najviše me brine odnos Srbije i Kosova, tako da će ova turneja vrlo vjerojatno biti moje prvo putovanje“, rekla je Pirc Musar, a prenosi Slovenska tiskovna agencija STA.

CITAT: Schmidt: “Tri etničke grupe i dva dijela zemlje, entiteti, imaju snažan vlastiti identitet u Bosni i Hercegovini. Raspad zemlje krši Dejtonski mirovni sporazum i predstavlja rizik od novog nasilnog sukoba. Međunarodna zajednica, susjedne zemlje u regionu i većina stanovništva u Bosni i Hercegovini se protive tome”, objasnio je on

[https://www.slobodna-bosna.ba/.../njemacki\\_forumzfd...](https://www.slobodna-bosna.ba/.../njemacki_forumzfd...)

[https://www.slobodna-bosna.ba/.../nova\\_predsjednica...](https://www.slobodna-bosna.ba/.../nova_predsjednica...)

Minder weergeven



682Zlatko Hadzidedic en 681 anderen



[Šemsudin Mehmedović](#)

[10 november 2022](#)

✅ OBAVLJAJUĆI svoju ljudsku misiju, želim javno istaći nekoliko činjenica!

▶ Prije nekoliko dana, a nakon održanih Izborna 2022... 📣 pozvao sam lidere političkih stranaka na jedinstven stav po pitanju provedbe Schmidtove odluke o izmjenama Izbornog zakona, a u dijelu raspodjele delegata u Domu naroda Parlamenta FBiH.

▶ Kao primjer navest ću HNK gdje će 118.297 građana H etničke pripadnosti predstavljati 5 delegata u Domu naroda, dok će u isto vrijeme 92.005 građana B etničke pripadnosti predstavljati 1 delegat u Domu naroda federalnog Parlamenta, a također

6432 građana S etničke skupine predstavljati 2 delegata i 4617 Ostalih tako predstavljati 1 delegat.

▶ Slična je situacija i sa SBK, kao i ostalim kantonima.

✅ Ako nakon ovog argumenta neki od lidera snishodljivo želi da provodi ovakvu odluku da bi se domogao vlasti u FBiH i na taj način potrčao da razgovara sa HNS-om, čime pojeftinjuje i svoj politički kapacitet, onda mi i imamo veliki problem ma ko bio u pregovorima.

✅ 🗳️👉 Potrebna je politička inicijativa kojom će se zaustaviti dalje ružiranje građanskog na račun HNS-a, time što je prijeko potrebno zaustaviti sve aktivnosti na provedbi dok Ustavni sud ne donese Odluku po ovom pitanju.

✅ Ovo je definitivno još jedna omča oko vrata bosanskim građanima, a rukama naših lidera. Prestanite biti naivni i/ili gramzivi za vlašću!

U suprotnom ostarćete upamćeni kao neko ko je uništavao bh društvo i državu učinio nepodnošljivom za bh građane, a što izgleda i jeste cilj.

**MI ODUSTATI NEĆEMO !**

OUR SPIRIT IS NEVER DIE, YOU CAN'T KILL CULTURE  
PROSLAVA DANA DRŽAVNOSTI BOSNE I HERCEGOVINE U BIRMINGHAMU



**KUD MLADOST BOSNE I HERCEGOVINE**

Dragi naši Bosanci i Hercegovci, još jednom Vam čestitamo Dan državnosti BH u nadi da ćemo jednoga dana dočekati da naša draga BiH bude zemlja jedinstvena, zemlja svih naroda i narodnosti, zemlja bratstva i jedinstva bez unutarnjih podjela.

Centralna proslava u Velikoj Britaniji je održana u Coventryu koji je bio izvrstan domaćin. Proslavi su prisustvovali mnogobrojni gosti kao i naš Ambasador BiH u Londonu Vanja Filipović. Program su otvorila skolska djeca iz Coventryja i Hertfordshirea i bili su zaista dobri i na tome im hvala.

Spektakl je obično na kraju, KUD Mladost Bosne iz Birminghama odigrao je splate narodnih kola. Nastupile su dvije grupe mlāda i starija. Kada su zaigrali, aplauz ih je pratio sve do kraja programa. Čestitke su pljuštale na sve strane kako njima tako i koreografu. Nakon programa usljedila je večera koju su vrijedne domaćice pripremile za sve goste. Hrana je bila raznovrsna i ukusna a bilo je svega, od slanog do slatkog. Ovom prilikom im se zahvaljujemo kao i domaćinima koji su u saradnji sa BH UK Networkom organizovali nezaboravanu proslavu. Hvala im na gostoprimstvu i trudu koji su učinili da nam ovaj najdraži dan ostane u nezaboravnom sjećanju.

Fahira Hasedžić

**ŠEF DELEGACIJE EU**

**Satlerova videoporuka nakon kandidatskog statusa:  
BiH je srce Evrope**

Znamo da je puno izazova pred nama, ali novi politički zamah je tu. Iskoristimo ga! Vjerujemo u ovu zemlju, poručio je Satler  
E. Č. 15.12.2022.



Satler: Dijelim sreću s građanima zbog kandidatskog statusa

FOTO: TWITTER

**Šef Delegacije Evropske unije u Bosni i Hercegovini Johan Satler (Johann Sattler)** objavio je videoporuku građanima naše zemlje koja je danas dobila kandidatski status za članstvo u EU.

- Dragi građani i građanke Bosne i Hercegovine! Dijelim sa vama sreću što je Bosna i Hercegovina dobila kandidatski status za članstvo u EU!

Ujedinjeni u različitosti je vodilja i temeljna vrijednost EU. Bosna i Hercegovina i EU počivaju na istim temeljima – princip "ujedinjeni u različitosti" je naša zajednička vrijednost, snaga i bogatstvo.

Ova zemlja obiluje energijom i talentom. Bilo gdje da krenete u ovoj zemlji, naići ćete na kulturno naslijeđe i prirodne ljepote, uspjehe u oblasti umjetnosti i sporta, inovacije i tradicije – i najvažnije nepokolebljivi duh - istakao je Satler.

On je naveo da je kandidatski status znak EU da vjeruju u Bosnu i Hercegovinu, te da dijele naše nade za bolju budućnost.

- Snažnija zaštita ljudskih prava, više povjerenja, djelotvorna borba protiv korupcije, funkcionalne javne institucije, jača ekonomija, bolja zdravstvena zaštita i obrazovanje.

To je ohrabrenje za sve građane i građanke koji znaju da je put ka EU – put ka boljoj Bosni i Hercegovini. Ali je i poruka političkim liderima da okrenu novu stranicu i provedu potrebne reforme koje će donijeti dobro građanima i građankama, a BiH približiti EU.

Znamo da je puno izazova pred nama, ali novi politički zamah je tu. Iskoristimo ga! Vjerujemo u ovu zemlju. Zemlju koja je - oduvijek u srcu Evrope - poručio je Satler.

## SIPA uhapsila državnog ministra u čiji resor djelimično spada i bh. dijaspora

by BHD Info Desk Administrator 06/12/20220792



**Ministar za ljudska prava i izbjeglice Bosne i Hercegovine Miloš Lučić uhapšen je danas u akciji SIPA-e.**

Lučić je uhapšen po nalogu Tužilaštva BiH, a kako javlja portal Istraga, osumnjičen je za zloupotrebu položaja.

Prema informacijama Istrage, **Lučić je osumnjičen da je službenu karticu koristio za plaćanje privatnih usluga.** Također je osumnjičen za **uzimanje novca za fiktivna putovanja, kao i korištenje službenog automobila u privatne svrhe.**

On je uhapšen u Istočnom Sarajevu, kako saznajemo, ispred jedne teretane. Bio je u pratnji tjelohranitelja Direkcije za koordinaciju policijskih tijela. Nije pružao otpor. Mjesecima je bio pod posebnim istražnim radnjama.

Podsjećamo, SIPA je u u operativnoj akciji „Dijamant“ gdje je otkriveno i privremeno oduzeto 15 kilograma opojne droge spid u aprilu uhapsila Lučićevog tjelohranitelja Miloša Nikolića.

Lučića je za ministra u Vijeću ministara predložio DNS kao nestranačkog kandidata, umjesto Mlađena Božovića koji nije imao potrebnu podršku ostalih stranaka koje su formirale državnu vlast.

Lučić je kadar **Nenada Nešića** i Demokratskog narodnog saveza.  
BHDINFODESK

## POTOČARI

### Reisu-l-ulema Husein-ef. Kavazović: Majke Srebrenice su blistave zvijezde naše civilizacije

On je u svom obraćanju kazao da je borba majki Srebrenice za istinu i pravdu, njihova upornost u traganju za svojom djecom i svojim najmilijim, inspiracija za ljude širom svijeta  
S. S. / Mina23.10.2022



**Husein-ef. Kavazović: Pred njima stojimo ponizno i osjećamo stanoviti stid FOTO: MINA**  
Majke Srebrenice su sve ove godine na svoj način čuvale dostojanstvo čovjeka, dostojanstvo svoje zemlje i dostojanstvo kulture kojoj pripadaju, one su blistave zvijezde naše civilizacije - izjavio je danas reisu-l-ulema Islamske zajednice (IZ) u Bosni i Hercegovini Husein-ef. Kavazović.

Reisul-ulema je prisustvovao svečanom otvaranju "Doma za majke Srebrenice" u Potočarima, projekat Međunarodnog foruma solidarnosti (MFS) EMMAUS u okviru kojeg će majke Srebrenice i druge starije osobe s područja Podrinja imati potpuno besplatan smještaj i njegu.

On je u svom obraćanju kazao da je borba majki Srebrenice za istinu i pravdu, njihova upornost u traganju za svojom djecom i svojim najmilijim, inspiracija za ljude širom svijeta.

#### Duboke emocije

- Pred njima stojimo ponizno i osjećamo stanoviti stid. Svi naši napori, sva naša zalaganja su beznačajna pred njihovom duhovnom i moralnom snagom i onim što one pokazuju. Ovaj dom, drage majke, izgrađen je za vas, on je skromni poklon vama. Predajemo vam ga s ljubavlju. Do sada ste svoj zajednički dom imale u našim srcima, od sada ga imate i u svom gradu - gradu u kom su svoj smiraj našli vaši najmiliji; u koji ste vratile svoje najmilije - kazao je reisu-l-ulema Kavazović.

Kazao je kako se godinama nakon zločina počinje da pomalja čovječnost.

- Danas imamo potvrdu toga, ovo što vidimo i slušamo u naše srce unosi malu radost, tračak nade. Danas ovdje prisustvujemo maloj ali značajnoj obnovi čovječnosti, danas se u ovom primjeru čovjek predstavlja u drukčijem svjetlu i pokazuje sposobnost da se iz ambisa vine u visinu. Eto, to je ono što ga čini posebnim stvorenjem, čovjekom. Nikada ne trebamo zaboraviti da život boljim čine male stvari - naglasio je reisu-l-ulema.

Dodao je i da današnji skup u Potočarima pobuđuje duboke emocije.

- Ovdje se za vrijeme strašnih događanja genocida nalazio nizozemski bataljon međunarodnih snaga. Ne znamo sve okolnosti oko njegove uloge, da li su šta mogli učiniti da spriječe zločine, da li su htjeli, umjeli, hrabrosti očito nisu imali, jer znamo da nisu bili prepreka da se zločin počinu. Kakve su bile namjere - ne znamo. Ali, evo, iz iste te Nizozemske imamo danas druge ljude koji nastupaju drukčije: smjelije, hrabrije i humanije. Imamo gospodina **Willema Pronka** i ekipu koja je danas ovdje sa njim. Kršćani su, pripadaju Protestantskoj crkvi. Oni su postupili drukčije: najveći su donator, polovicu sredstava su oni osigurali za izgradnju ovoga centra. A ta sredstva nisu mala. Izražavam im iskreno i duboko poštovanje za taj čin - istaknuo je reisu-l-ulema.

### **Zahvalnost EMMAUS-u**

Posebnu zahvalnost je uputio i Međunarodnom forumu solidarnosti EMMAUS i direktoru **Hamzaliji Okanoviću**.

- Ako u našem narodu postoje vitezovi dobrote i humanosti to su ovi ljudi. Hvala im, neka nama svima njihov trud i posvećenost dobru budu zvijezda vodilja. Obaviješten sam i da je aktuelni načelnik ovoga grada koji dolazi iz etnosa, čiji su neki pripadnici i počinili ovaj strašni zločin, također podupirao izgradnju ovog zdanja i pružao svu potrebnu pomoć. To je ispravan put kojim u Srebrenici treba ići a ne put veličanja zločina i zločinaca koji su unesrećili ova dva naša naroda. Želim vjerovati da će čovječnost ovdje u dogledno vrijeme odmijeniti zločin i sve dublje prodirati među ljude. I nadu koja je bila otišla ponovo vratiti u ovaj grad - naglasio je reisu-l-ulema Kavazović.

Ocijenio je da je odziv za učešće u ovom projektu mnogih "pouzdan znak da i u svijetu današnjice u kome skončavaju mnoge vrijednosti i umiru mnoge nade, još uvijek snažno egzistira čovjek".

- Veoma sam radostan zbog činjenice da su u pripremi i izgradnji ovog doma, pored ovih dobrih ljudi iz Nizozemske, učešća uzeli i mnogi ljudi širom naše domovine i naše dijaspore, čak i iz Turske. Odazvali su se pozivu Islamske zajednice i dali svoj prilog. U svemu navedenom vidim znak, nagovještaj dobra za našu zemlju. Vidim novu perspektivu i nadu za sve ljude ove zemlje. Čovjek doista ima sposobnost da se preporodi i da se iz blata vine u visine. Molim Dragoga Boga da nam otvori puteve prema visinama - poručio je danas u Potočarima reisu-l-ulema Kavazović.

## **BOŠNJAČKI INSTITUT**

### **U Sarajevu predstavljen dokument "Bosanski genocid, hrestomatija"**

**Emir Suljagić, direktor Memorijalnog centra Potočari-Srebrenica, izjavio je da je riječ o dokumentu na kojem je Memorijalni centar uz pomoć britanske vlade radio godinu.**

A. Č. / Anadolija



BOŠNJAČKI INSTITUT U Sarajevu predstavljen dokument "Bosanski genocid, hrestomatija"



1/10

Sa prezentacije dokumenta "Bosanski genocid, hrestomatija" FOTO: ANADOLIJA  
Vitalno je važno da se genocid u [Srebrenici](#) izučava na univerzitetima i u školama, poručeno je večeras u [Bošnjačkom institutu u Sarajevu](#) tokom prezentacije dokumenta "Bosanski genocid, hrestomatija" Memorijalnog centra Srebrenica, javlja Anadolija.

[Emir Suljagić](#), direktor Memorijalnog centra Potočari-Srebrenica, izjavio je da je riječ o dokumentu na kojem je Memorijalni centar uz pomoć britanske vlade radio godinu.

- Riječ je o dokumentu koji treba da posluži kao osnov za nastavne planove i programe i za učenje o bosanskom genocidu. Odlučili smo da proširimo fokus i narativ i da ne pokazujemo samo Srebrenicu u njenom uskom geografskom specifičnom kontekstu. Izabrali smo da pokažemo da postoji fenomen, da postoji stvar koja se može nazvati i opisati kao bosanski genocid - kazao je Suljagić.

### Vlastita historija

Dokument se sastoji od članaka i tekstova najuglednijih istraživača iz Bosne i Hercegovine iz ove oblasti.

- Ovo je prvi put da mi preuzimamo na ovaj način taj komad i vlasništvo nad tim komadom naše historije. Ovo je historija koju ćemo mi napisati i ovaj dokument je prvi korak u tom pravcu - rekao je.

Kako je dalje kazao Suljagić, vitalno je važno da se genocid u Srebrenici izučava na univerzitetima i u školama.

- Sve dok ovaj dokument ne bude bio korišten za učenje i izučavanje bosanskog genocida, za izučavanje Srebrenice ali i drugih elemenata toga što smo zajedno doživjeli i preživjeli 1990-tih godina,

mi ćemo smatrati da nismo uspjeli u svom poslu. Vitalna stvar je da to uđe u učionicu, u nastavne planove i programe i tako se naime pravi i stvara vlastita historija - rekao je Suljagić.

### Heroine Majke Srebrenice

**Faris Gavrankapetanović**, direktor Bošnjačkog instituta, istakao je da je vrlo važno da se tema genocida u Srebrenici istražuje i izučava u školama.

- Nama Bošnjacima je Srebrenica planetarno i kosmički važna i ona treba da bude temelj u određivanju identiteta našeg naroda do kraja svijeta - kazao je Gavrankapetanović te dodao da je vrlo važno učiti iz onoga što se desilo u prošlosti.

- Posebno želim ovdje da istaknem heroine Majke Srebrenice koje istrajavaju u prikazivanju istine o genocidu i ustvari one su jedan od temelja prikazivanja te istine u Bosni i Hercegovini i širom svijeta. Moramo im pružiti mogućnost da nam daju što više podataka jer su one neposredni svjedoci onoga što se dešavalo njihovim najbližima - kazao je Gavrankapetanović.

Prezentaciji dokumenta "Bosanski genocid, hrestomatija" prisustvovala su Majke Srebrenice, Reisu-ulema Islamske zajednice u Bosni i Hercegovini Husein-ef. Kavazović i drugi građani.

### KRUG 99

## Petigru: BiH se zabranjuje da bude normalna demokratija učvršćivanjem etničkih podjela

"Ruski svijet" ima odjeka na Balkan kroz "srpski svijet", rebrendiranom konceptu "Velike Srbije", koja se odlikuje sličnim imperijalističkim dizajnom u svom odnosu prema BiH, stava je Petigru

H. J. I.227.11.22.



Petigru: BiH prijete i "hrvatski svijet" FOTO: FENA

**Bosni i Hercegovini zabranjuje se da funkcioniše kao normalna demokratija jer etnički formirani glasački blokovi učvršćuju etničke podjele, pružajući dodatni uticaj nacionalističkim strankama bosanskih Srba i bosanskih Hrvata i potencijalno izolirajući bošnjačku većinu, kazao je danas u Sarajevu profesor filozofije, studija holokausta i genocida na Državnom univerzitetu Southern Connecticut Dejvid Petigru (David Pettigrew).**

On je danas bio uvodničar na sedmičnoj sesiji Asocijacije nezavisnih intelektualaca - Krug 99 na kojoj su učesnici razgovarali o temi "Ruska invazija na Ukrajinu i zločini agresije: kriza suvereniteta za Bosnu i Hercegovinu".

### **Prijetnje teritorijalnom integritetu BiH**

Kako je kazao profesor Petigru, sada se raspoznaje kriza suvereniteta koja je dijelom izazvana ilegalnom invazijom Ruske Federacije na Ukrajinu, podsjećajući da je Parlamentarna skupština Vijeća Evrope (PSVE) pozvala na uspostavljanje ad hoc internacionalnog krivičnog suda koji bi "istražio i procesuirao zločin agresije koji je navodno počinio politički i vojni vrh Ruske Federacije".

**Otkako je Ruska Federacija okupirala Donbas i Krim 2014. godine, prijetnje teritorijalnom integritetu BiH su nastavile da rastu, naglašava Petigru, a Ruska Federacija podrškom Srbiji i Hrvatskoj aktivno podriva suverenitet BiH oživljavajući ruski imperijalizam u regionu.**

On kaže da bi Sjedinjene Američke Države, Evropska unija i NATO trebali da se suprotstave i naporima Srbije, bosanskohercegovačkog entiteta RS i Hrvatske da potkopaju suverenitet BiH na sličan način kako to čine u Ukrajini.

- Važno je napomenuti da je invazija Rusije motivirana ideološkom koncepcijom "ruskog svijeta" ta vizija dijelom imperijalistička, dijelom fašistička, a dijelom je genocidna. "Ruski svijet" ima odjeka na Balkan kroz "srpski svijet", rebrendiranom konceptu "Velike Srbije", koja se odlikuje sličnim imperijalističkim dizajnom u svom odnosu prema BiH - stava je Petigru.

Profesor tvrdi da još jedan "svijet" prijete BiH, a to je "hrvatski svijet", naglašavajući da je utvrđeno da su hrvatski državljani bili uključeni u zločine u BiH u okviru onoga što je ocijenjeno kao "udruženi zločinački poduhvat" i "oružani sukob internacionalnog karaktera". Ipak agresija izvršena iz Srbije i Hrvatske na BiH nije procesuirana kao "zločin agresije" jer Međunarodni krivični sud za bivšu Jugoslaviju (MKSJ) jednostavno nije imao nadležnost za to.

### **Konstitutivnost jedan od ključnih elemenata**

**Osvrnuo se profesor i na odluke visokog predstavnika međunarodne zajednice u BiH Kristijana Šmita (Christian Schmidt) koji je 2. oktobra nametnuo izmjene Izbornog zakona BiH, a za koje Petigru kaže da su problematične posebno jer su osmišljene da zadovolje slučaj "Ljubić" koji je pokrenuo pitanje "legitimnog" hrvatskog predstavljanja. Ističe da su njegovom odlukom glasovi Bošnjaka devalvirani, a glasovi bosanskih Hrvata precijenjeni navodeći za primjer Goražde gdje živi oko 22.300 Bošnjaka, 24 Hrvata, 885 Srba i 512 Ostalih, a svi imaju pravo na jednog delegata u Domu naroda Parlamenta Federacije BiH.**

- Čini se da je ravnopravnu raspodjelu delegata teško objasniti, a ima i problematičnijih slučajeva. Postoji i opći nedostatak u smislu da je reforma visokog predstavnika organizirana u smislu konstitutivnih naroda i vitalnih interesa te je time samo ojačana uloga etničkih stranaka u izboru predstavnika - zaključio je Petigru.

**Na problem miješanja politika iz regije u unutrašnja pitanja BiH ukazao je i predsjednik "Krug 99" Adil Kulenović koji je napomenuo da bi se oni koji namjeravaju formirati vlast u BiH nakon općih izbora trebali oduprijeti i vanjskim i unutrašnjim prijetnjama suverenitetu BiH, dodajući da je konstitutivnost jedan od ključnih elemenata za urušavanje suvereniteta BiH za interese susjednih država.**

## OTVORENI RAZGOVOR

**Reis ef. Kavazović: Uzalud su sve političke borbe i iznurivanja ako ova država ostane prazna. Kada me pitate o Bošnjacima, plašim se nastojanja koja pokušavaju da ih pod svaku cijenu radikaliziraju, izjavio je reisu-l-ulema**

A. O. / Fena 4.12.2022.



**Reis ef. Kavazović: Plašim se istih tih politika koje i u Bosni čine iste greške**

FOTO: FENA

**Reisu-l-ulema Islamske zajednice u Bosni i Hercegovini Husein ef. Kavazović izjavio da neuređena i nefunkcionalna država ne može biti ničiji interes i zato se čudimo svim onim snagama u državi i svijetu koje ovakvo stanje održavaju i čak podstiču.**

Ovom prilikom on je govorio o aktuelnoj političkoj, ekonomskoj i socijalnoj situaciji u BiH, sve većim vjerskim tenzijama, položaju Bošnjaka u BiH, odlasku mladih, diskriminaciji, korupciji, islamofobiji...

### Odlazak mladih

Bosna i Hercegovina, 30 godina nakon rata, egzistira u poziciji teške ekonomske situacije, konstantnog negiranja državnih institucija, stvaranja stalnih nacionalnih tenzija te osjećaju besperspektivnosti njenih stanovnika. Komentirajući položaj Bošnjaka i ulogu Islamske zajednice u tom kontekstu, reis Kavazović podsjeća da je IZ tradicionalna vjerska zajednica koja na ovim prostorima okuplja muslimane, prije svega Bošnjake, ali i druge koji je prihvataju kao svoju i jako je zainteresirana da ne izlazi izvan okvira koje je sama sebi odredila kao smisao svoga postojanja i djelovanja.

- Tu prije svega mislim na neuplitanje u dnevno-političke procese, ali to ne znači da smo kao zajednica nezainteresirani za stanje u društvu i državi u kojoj djelujemo i u kojima žive naši članovi i pripadnici – rekao je.

Odlazak mladih, sistemska korupcija i besperspektivnost, stalno poticanje podjela i mržnje, kazao je, ne mogu nikoga učiniti sretnim niti ikome donijeti bolju budućnost. Smatra da nažalost vidimo kako nosioci takvih politika koji konstantno drže državu u blokadama i produbljuju podjele, ne samo da ne slabe, nego i jačaju i još za takve politike bivaju nagrađeni od međunarodnih faktora.

- Uočavam ono što nikada do sada nije bilo: podršku dobijaju one politike koje su sve učinile da se ovo društvo razori a država podijeli i uništi. Sada mi se čini da međunarodni faktor i među nama Bošnjacima i Bosancima traži one politike koje će takve rušilačke politike podržati i omogućiti im da postignu svoje ratne ciljeve – istakao je Kavazović.

### Nezadovoljstvo i razočarenje

Otud razumije, dodao je, nezadovoljstvo i razočarenje kod velikog broja građana ove države koji se osjećaju taocima takvih politika i koji u njima vide prijetnju.

- Kada me pitate o Bošnjacima, plašim se nastojanja koja pokušavaju da ih pod svaku cijenu radikaliziraju, da ih otjeraju od Zapada kako bi ih se onda optužilo da ne pripadaju ovim prostorima i kako time "nemaju pravo" živjeti ovdje a kamoli biti političkim narodom ili imati svoju državu koju dijele s drugim narodima i u kojoj je svaki građanin ravnopravan na svakom njenom dijelu – pojasnio je.

Sve više Bošnjaka osjeća, s pravom ili ne, naveo je, da je njihovo postojanje i to što su preživjeli genocid u Bosni za neke najveći problem i da se, ukoliko ih se ne raseli zbog sveopće permanentne krize koja se održava, čini sve da se njihova politička volja i utjecaj poništi, da se onemoguće da budu politički faktor koji o bilo čemu, ne samostalno, nego uopće - odlučuje.

Zamoljen da ocijeni aktuelni položaj povratnika Bošnjaka u Republici Srpskoj, probleme s kojima se oni suočavaju, status institucija i predstavnika IZ u RS-u, sa posebnim akcentom na povratnike u Srebrenici, te koliko Islamska zajednica u tom smislu može pomoći, reisu-l-ulema je naveo da su povratnici u bh. entitet RS najbolji dokaz spomenute frustracije koju sve veći broj Bošnjaka osjeća.

- Tamo se sistemski krše prava građana Bošnjaka, nemaju pravo na jezik, na posao, na minimum dostojanstvenog života. Entitetske institucije pripadaju samo jednom narodu. Dok se IZ optužuje za neko uplitanje u politiku, dok se Bošnjaci optužuju da su "islamizirani" nikome ne smeta da u tom entitetu skoro da nemate sekularne institucije i da skoro ne postoji ikakav odmak crkve od državnih institucija, slično je i u nekim drugim dijelovima BiH gdje su srodne politike na vlasti a koje nastupaju u ime hrvatstva i katoličanstva – navodi.

### Vjerska obilježja

Vjerska obilježja, dodaje, su u državnim institucijama, sekularne državne institucije imaju slave, sve to se nameće silom i Bošnjacima i njihovoj djeci. Kavazoviću je sporno da sve to godinama nikome nije problem, ni domaćim, regionalnim ili međunarodnim faktorima. Niko ne govori o legitimnom predstavljanju u RS. Čak se, kaže, i OHR svojim zadnjim odlukama pretvorio u instituciju koja uređuje samo u FBiH i samo tamo gdje su Bošnjaci većina.

- Zato smo sa svojim prijateljima u svijetu podijelili svoje strahove, ali i nezadovoljstvo posljednjim izmjenama Ustava FBiH i Izbornog zakona mimo volje većine građana ove države – ustvrdio je.

**Što se tiče odnosa prema Srebrenici i genocidu** koji je tamo izvršen, Kavazović smatra da je to za Islamsku zajednicu i Bošnjake pitanje prije svega civilizacijskog odnosa i samopoštovanja. **Oni koji negiraju zločin, koji ga relativiziraju, a kamoli oni koji se izivljavaju nad žrtvama i vrijeđaju ih, podvlači reis, ne zaslužuju našu pažnju niti mogu biti sagovornici za bilo kakve procese.**

- Ono na čemu treba insistirati jeste da se Srebrenice ne sjećamo samo na dan dženaze i godišnjice genocida. Političke stranke su se u tom smislu obavezale na konkretne mjere kako bi se pomoglo

povratnicima, čak je potpisan i dokument, i mi smo kao Zajednica jako zaniteresirani da vidimo rezultate i da se do sljedeće godišnjice genocida može napraviti analiza šta je od obećanog realizirano – ustvrdio je Kavazović.

S obzirom na to da Islamska zajednica još uvijek nije potpisala ugovor s državom BiH i da za to nema saglasnosti u Predsjedništvu BiH, Kavazović je mišljenja da je to zapravo još jedan dokaz kako se prava Bošnjaka sistemski godinama krše dok se njih okrivljuje kako nekoga majoriziraju i kako nekome navodno uzurpiraju prava.

- Niko od međunarodnih faktora ili predstavnika nije vidio potrebu da o ovome ikada progovori, da išta problematizira, niko, nijedna ambasada, nijedna međunarodna organizacija, nijedan izvještaj to ne problematizira. Ne mogu ni zamisliti šta bi se dešavalo da su kojim slučajem političari i stranke koje dolaze iz bošnjačkog naroda blokirale potpisivanje sličnog ugovora sa jednom od dvije tradicionalne crkve a da je ugovor potpisala IZ u BiH – ističe reisu-l-ulema.

### **Mir i stabilnost**

On smatra da oni koji sve ove godine na tom pitanju diskriminiraju Islamsku zajednicu i sve njene pripadnike trebaju biti svjesni poruke koju šalju, kao i oni koji pred ovom nepravdom zatvaraju oči. Reis podvlači da i pored svega IZ u BiH ne odustaje od ideje međureligijskog dijaloga i dobrih komšijskih odnosa, ne zbog političke korektnosti, "nego zato što su to vrijednosti kojima nas uči naša vjera i naša tradicija i od kojih nećemo odustati".

Komentirajući današnju turbulentnu svjetsku geopolitičku scenu, uz sve češće prisutne aluzije na mogući novi svjetski rat, Kavazović smatra da je na žalost kriza u kojoj se sada nalazimo posljedica nedosljednih politika i realpolitike koja je godinama podilazila jačima i koja je mislila da će postići stabilnost tako što će silnike namirivati pravima onih koji su slabiji.

To ne samo da neće donijeti mir i stabilnost, naglašava on, već silnicima samo šalje poruku da silom mogu postići svoje ciljeve.

- Plašim se istih tih politika koje i u Bosni čine iste greške. Volio bih da ja kao reisu-l-ulema na ovo ne moram upozoravati, ali nam naša savjest nalaže da ne šutimo. Plašim se da bi nekada u budućnosti moglo biti kasno i da tada sebi nećemo moći oprostiti što smo na sve ovo šutjeli vjerujući da su istina i pravda same po sebi dostatne da se brane – tvrdi Kavazović.

### **Mi u Bosni, ističe, posebno se solidarišemo i suosjećamo s narodom Ukrajine.**

- Molimo Boga da se rat tamo zaustavi, da zlo nasilja, agresije i sile bude poraženo za sva vremena i da se ljudi vrate razumu i dijalogu. Voljeli bismo da možemo uraditi više da pomognemo nevinim žrtvama agresije i rata. Ali mi nismo moćni da im značajnije pomognemo, zato samo apelujemo na one koji misle da je rat i sila rješenje za bilo kakve probleme da se dozovu pameti i da kao čovječanstvo izvučemo pouke iz prošlosti i ne dozvolimo ponavljanje grešaka - poručio je Kavazović.

### **Multietnička saradnja**

Zbog stalnog održavanja međunacionalne napetosti u BiH, na pitanje koliko je potreba za multietničkom saradnjom presudna za pomirenje naroda u BiH i vraćanje narušenog međusobnog povjerenja, te koliko je tu primarna uloga vjerskih zajednica, Kavazović je mišljenja da je uloga vjerskih zajednica bitna, ali nije presudna.

- Na nama je da učinimo sve da umanjimo štetu od negativnih politika koje rade na razgradnji društva i države, koje siju nepovjerenje i mržnju na kojoj onda profitiraju. Volio bih vidjeti duhovne vođe naroda u Bosni i Hercegovini, ali i svijetu, koji su spremni živjeti vrijednosti vjere koju naučavaju – ističe on.

Mišljenja je da se narod treba voditi kroz promovisanje dobra i istine, a ne za njim se povoditi, te stoga, tvrdi reisu-l-ulema, "treba biti spreman nekada reći i ono što ljudi ne žele čuti ako je namjera dobra i ako je cilj da se stvari poprave".

- Hitno su nam potrebni potezi i politike koje vraćaju povjerenje. Zle politike koje bi da podijele ovu državu i da prekrajaju granice stvarajući "etničke čiste" prostore na kojima dominira samo jedan identitet, jedna stranka, jedan vođa, vrlo dobro znaju da ne mogu podijeliti državu ako ne podijele društvo i zato ovoliko sijanje mržnje i razdora. Mi toga trebamo biti svjesni i ne nasjedati na njihovu igru. Jasno im se suprotstaviti, ali nikada postati kao oni – kategoričan je Kavazović.

Reisu-l-ulema je komentirao i još uvijek neriješeno pitanje povratka vakufske imovine, izrazivši žaljenje što jedino Bosna i Hercegovina od država bivše Jugoslavije nije donijela zakon o restituciji i ne vidi bilo kakve pokušaje da se to pitanje riješi.

Također, u IZ nisu vidjeli da je to pitanje stavljeno kao uslov za napredak BiH na putu EU. Podvlači da će prije ili kasnije država ovo pitanje morati riješiti, ali se u međuvremenu nanosi velika šteta vjerskim zajednicama.

Trenutno se Bosna i Hercegovina suočava sa problemom koji može imati dalekosežne posljedice po budućnost države, a to je odlazak ljudi, posebno mladih, za šta reis Kavazović ocjenjuje da vjerske zajednice mogu savjetovati i pozivati, ali je na narodu da prepozna prioritete.

- Uzalud su sve političke borbe i iznurivanja ako ova država ostane prazna. Vremena nema da se u ovoj državi nastavlja jalova politika domaćih političara koji u miru pokušavaju postići ono što nisu mogli u ratu i međunarodnih birokrata koji ovdje grade karijere trgujući na međunarodnoj geopolitičkoj tržnici budućnošću ovog naroda i države. Ali nije na vjerskim zajednicama da to rješavaju. Mi možemo govoriti, savjetovati i pozivati. Na narodu je da prepozna prioritete i da ih kroz svoju političku volju pretoči u politike – ističe on.

### Nasilne ideologije

Ono što Islamska zajednica može i što čini jeste da bude uz svoje ljude i kada odu da žive i rade i negdje izvan domovine. Ovih dana IZ je imala sastanak sa predstavnicima krovnih organizacija u Evropi i zajednica će svoj angažman na ovom polju samo jačati u narednom periodu.

Promišljajući o islamofobiji na svjetskoj sceni kao iznimno opasnoj pojavi za globalno muslimansko stanovništvo, Kavazović navodi da smo nažalost svjedoci globalnog uspona netolerantnih, isključivih i nasilnih ideologija. Muslimani, njihova vjera, kultura i civilizacija se posebno targetiraju, smatra on. Sve češće smo svjedoci kako se donose zakoni koji targetiraju samo muslimane, ograničavaju samo njihovu vjersku praksu i simbole. Bez ikakvog opravdanja, mišljenja je reis, islam i muslimani se posiguravaju, tj. pretvaraju u sigurnosno pitanje pa i prijetnju, i samo njihovo biološko postojanje se tretira kao opasnost.

Smatra da iako vidimo skromne pokušaje u nekim državama i na nivou UN-a da se sistemski počne baviti ovim izazovom, još je to daleko od ozbiljne akcije i ozbiljnih mjera da se hrabro suprotstavimo ovim opasnim trendovima.

- Jedan slovački ambasador mi je rekao da je islamofobija na Zapadu dobila status javnosti bez posljedica. Fenomen islamofobije ili antimuslimanske mržnje i diskriminacije prema muslimanima je problem koji ne bi trebao brinuti samo muslimane. **Čim prije shvatimo da je islamofobija poput nacizma, fašizma, rasizma i antisemitizma zajednički problem i izazov čovječanstvu, prije ćemo krenuti putem iznalaženja rješenja – smatra Kavazović.**

Na pitanje da li je današnje doba, 21. vijek, donijelo svojevrstu krizu morala i temeljnih ljudskih vrijednosti, te koja je tu uloga vjere i vjerskih institucija u njihovom eventualnom obnavljanju, reis

Kavazović kaže da materijalizam i postmoderna dekonstrukcija svega prijete da obesmisli sve što je sveto i uzvišeno, svaki ideal i svaku vrijednost.

S druge strane, navodi, vjerski formalizam i nedosljednost prijete da religiju i duhovnost kompromituju kao alternativu ovakvom obesmišljanju čovjeka i postojanja.

- Istinske duhovne vrijednosti i dosljedno insistiranje na moralu i etici mogu biti jedini put za neki bolji svijet. Ali ovaj boj čeka svoje vitezove i na nama je da, krenuvši od sebe, svijet pokušavamo mijenjati nabolje – zaključuje u intervjuu za Fenu reisul-ulema Islamske zajednice u BiH Husein ef. Kavazović.

## POKOLJ HRVATA U BRIŠEVU KOD PRIJEDORA

**Sadeta Šabić** heeft gereageerd op een bericht van 16 december 2020.



**Drago Perković**, 16. decembar 2020.

**Pokolj u Briševu 1992. počinili su pripadnici 5. Kozaračke brigade i 6. Krajiške brigade Vojske Republike Srpske iz Sanskog Mosta, šta sudstvu BiH nije jasno?**

Prije ubojstva gotovo sve žene su silovane, a muškarci masakrirani odsijecanjem noseva, spolnih organa i ušiju

Briševo je seoce u opštini Prijedor.

U selu je zvjerski ubijeno 68 Hrvata tog mjesta, ubijeni su 24. i 25. jula 1992., što je jedno od najmasovnijih stradanja Hrvata u jednom danu tokom proteklog rata na području Bosne i Hercegovine. Šta sudstvu BiH nije jasno?

U selu su zatrte cijele obitelji Briševa. Matanovića 13, Buzuka 10, Ivandića devetero, Marijana sedmero, Mlinara i Komljena po petero

Šta sudstvu BiH nije jasno?

U pokolju su ubijeni i otac Mladen Matanović te dvojica sinova, 16- godišnji Ervin i 18-godišnji Johan Matanović.

Buzuk Marku je oderano lice u obliku križa još dok je bio živ, nakon toga je zaklan.




Buzuk Mato je masakriran, odsječene su mu uši, nos i genitalije, a nakon toga je zaklan. Baki Ani su ubijena tri sina.

Šta sudstvu BiH nije jasno?

Da nije riječ o gotovo zaboravljenom zločinu koji su počinile srpske snage na početku rata nad ljudima koji uopšte nisu imali veze s vojskom ili borbama u svojoj BiH.

Da su ubijeni bili poljodjelci, seljaci, obični ljudi koje nije zanimala politika, jer da su pratili što se događalo na bojištima širom BiH zasigurno ne bi čekali kao janjad na milost i nemilost dvjema do zuba naoružanim srpskim brigadama da danas, 28 godina poslije. Samo jedna činjenica boli skoro jednako kao pokolj nad nevinim ljudima a to je šutnja javnog mnjenja i šutnja sudstva BiH da Briševo kao mjesto sjećanja i pijeteta gotovo nigdje i ne postoji 😞.






**Biba Razic Omeragic**

nodpsrteSol1t5moh 1n914hvam481tr206ch:eo453b 5h11a37he7015 ·

Zahvalnica mojoj ćerki Amri od Svjetskog Saveza Dijaspore i Bosanskoj skoli BIHRO, koju vodi za njihov trud i rad za nasu Domovinu Bosnu i Hercegovinu.



## U SREBRENICI SU MI UBILI OCA I SVE MOJE

GODINA 6 • BROJ 23 • NOVEMBAR/DECEMBAR 2022. GODINE

MAGAZIN ZA BH. DIJASPORU

Plima



Moje knjige su posvećene oca i istini.  
Sabina Hodžić Mehmedović

**SABINA HODŽIĆ MEHMEDOVIĆ:** Prije svega moj cilj je bio da sačuvam uspomene na oca, da ta ljubav koja nema rok trajanja živi dok i ja budem živjela. Naši voljeni žive s nama i kad nisu tu onoliko koliko mi činimo za njih kada odu. Ja sam svom babi tog 11. jula obećala da će svijet da čuje za nas dvoje. I hvala Bogu svijet je čuo za priču djevojčice Sabine i njenog babe Sabita ubijenog u genocidu u Srebrenici. Knjiga je obišla svijet, čitana na svakom dijelu zemaljske kugle. I to je, zapravo, moj uspjeh koji

sam prvobitno željela postići. Ujedno kroz knjige i promocije, kojih je bilo jako mnogo, upoznala sam veliki broj divnih ljudi i stekla veliki broj prijatelja širom svijeta.

**PLIMA:** Mlada i obrazovana ste osoba. Mnogi vaši vršnjaci i vršnjakinje svakodnevno napuštaju domovinu. Jeste li vi došli u iskušenje da napustite BiH?

**SABINA HODŽIĆ MEHMEDOVIĆ:** Općepoznata situacija u našoj zemlji natjerala je mnoge mlade, školovane ljude da idu trbuhom za kruhom. Razočarani u sistem naše države odlaze u obećanje zemlje gdje će omogućiti sebi dobru egzistenciju. Odlaze zbog toga što će njihovo znanje biti cijenjeno i neće biti diskriminirani po bilo kom osnovu. I ja sam često bila razočarana u sve. Dijete sam šehida, otac mi je dao život za domovinu, a nisam se nikad mogla pohvaliti da je vlast nešto učinila za mene i moju porodicu. Često sam razmišljala da odem zbog svoje djece i njihove budućnosti. Jedino što bi mi bilo žao da ostavim, i zbog toga još uvijek ostajem, jesu Potočari i mezar mog oca. Pokušavam se tješiti da je

on ostao uz Bosnu kad je bilo najteže i za nju dao ono najvrednije - život. Budućnost je ovdje neizvjesna, možda i odem. Vidjet ćemo hoće li poslije 2. oktobra svanuti neko bolje jutro za Bosnu i Hercegovinu.

**PLIMA:** S kim živite (gdje) i da li ste zadovoljna, sretna žena?

**SABINA HODŽIĆ MEHMEDOVIĆ:** Živim s mužem i dvije kćerke, Asjom i Nahlom. Jedna smo mala i sretna porodica. Živimo u Tinji, u blizini Srebrenika. Kao neko ko je živio bez oca i muških članova porodice, na početku je bilo teško navići se na muškarca u kući. Sada mogu reći da sam veoma sretna žena, imam pored sebe muža koji je moj najveći oslonac u životu, podrška i snaga. Sve ono što mi je nedostajalo kao djetetu, ta muška sigurnost, moj muž Admir mi je pružio. Zajedno imamo porodični biznis, u kome sam mu ja, kako on kaže, ispomoc i desna ruka. Dopunjavamo se i pomažemo jedno drugom u poslovima koliko možemo. Zahvalna sam Bogu na ovoj blagodati.

**PLIMA:** Možemo li očekivati vaše nove knjige i namjeravate li promocije svojih knjiga imati i u dijaspori?

**SABINA HODŽIĆ MEHMEDOVIĆ:** Što se tiče mog pisanja i nastanka novih knjiga, za sada je neizvjesno. Nisam nikad pisala s ciljem da budem pisac, taj epitet sebi nisam još uvijek dala. Ja sam s knjigom "Mom srebreničkom heroju" imala niz promocija u Njemačkoj, ali se nadam novim pozivima za promociju moje nove knjige "Srčana vena". Mislim da moje knjige, i jedna i druga nisu omeđene rokom trajanja i da priče o genocidu u Srebrenici nikad ne mogu biti ispričane. Knjiga "Mom srebreničkom heroju" se uveliko prevodi na njemački jezik, u saradnji sa divnim osobama, gospodinom Sejfidinom Dizdarevićem i gospodinom Mehom Travljaninom. Čitatelji i čitateljice iz Njemačke imat će priliku čitati tu knjigu na njemačkom jeziku. Kada knjiga bude ugledala svjetlost dana za njemačko tržište, magazin Plima će prvi dobiti informacije. Cilj mi je da se priča i genocid u Srebrenici nikad ne zaboravi i ne ponovi, a ja ću se truditi svojim pričama širiti istinu, i govoriti u ime svih onih 8.372 nišana, jer su nam u amanet ostavili da opominjemo i da ih se sjećamo. Jedini način da ne učestvujemo u posljednjoj fazi genocida, a to je zaborav, jeste da pričamo, pišemo i opominjemo. Nadam se ću uz Božiju pomoć obići svijet sa iskrenom pričom djevojčice iz Srebrenice.



Srčana vena, knjiga koja nikog ne ostavlja ravnodušnim



Sabina, sa mužem Admirom i našim ureduškom

13

Haris Halilović

## ETO, TO SE DOGODILO, PREDSDJEDNIČE



Sead Đulic [travnja 09, 2022](#)

**Kaže juče na svečanosti upriličenoj u povodu 30 godina od formiranja Hrvatskog vijeća obrane u Mostaru, predsjednik Republike Hrvatske Zoran Milanović, slijedeće:**

„Mi želimo Bosnu i Hercegovinu čitavu, cijelu i u EU. Tek tada ona može postati građanska država, do tada je ona BiH uređena Daytonskim sporazumom. Nastala je na krvi hrvatskih vojnika, ne na razornoj moći američkih raketa. **Što se pobogu dogodilo da nas smatrate neprijateljima?**“

Ovo obraćanje predsjednika Milanovića u Mostaru podsjetilo me na jedan prastari vic koji glasi: „Uhvatila žena muža u očiglednoj prevari, a on na sve kaže: Je li ti vjeruješ meni ili svojim očima?“

Pita predsjednik Milanović nas koji smo u Mostaru proveli sve ratne godine, a i ove poratne „Što se pobogu dogodilo..?“.

Pa gospodine Milanoviću dogodilo se puno toga što si prešutio i kontinuirano prešućuješ glumeći poglavnika ovog vremena.

Pošto si zaboravan, podsjetiću te na neke lične razloge, zbog kojih ti ne vjerujem ni kad darove nosiš, a ne nosiš ih.

Pa pođimo redom sa pitanjima:

- Zašto su se prvi uniformisani hrvatski vojnici u Mostaru sami ponosno nazivali ustašama, pozdravljali sa „ZA DOM SPREMNI“ i mnogi nosili na vidnim mjestima oznaku „U“?
- Zašto su ti, koje odlikujete, naredili da građani Mostara, Srbi, moraju pismeno izraziti lojalnost Herceg Bosni?
- Zna li kako su završili oni koji su ostali u gradu a nisu željeli to potpisati?
- Zna li da je te 1992. godine život Srbina u Mostaru bio bez ikakve vrijednosti?
- Zna li za svakodnevna izživljavanja, silovanja, ubistva, zatvaranja, otimačinu imovine, odvođenja na prisilne razmjene i slično?

- Znete li da su proglasi i druga saopštenja te 1992. godine bili identični sa onima iz 1941. godine uz razliku datuma i potpisa?
- Znete li da smo tada mislili da je uskrsla Nezavisna država Hrvatska?
- Znete li za proglas HVO-a od 9. maja 1993. godine kada je naređeno da svi Muslimani svoje kuće i stanove obilježe bijelim čaršafima?
- Znete li da je 9. maja 1993. godine Gradski stadion bio sabirni centar za pokupljene, snene, Muslimane, njih hiljade?
- Jeste li čuli za Heliodrom, Dretelj, Vojno ili možda podrume Mašinskog fakulteta?
- Jeste li kada pogledali čitulje u „Slobodnoj Dalmaciji“ iz tog perioda, jer ste se u vrlo kratkom periodu mogli uvjeriti koliko je mladića iz Hrvatske, tadašnji predsjednik, poslao u smrt, u borbama za „hrvatski“ Mostar?
- Je li znate da su logoraši iz Heliodroma bili sretni da ih na razne robovske poslove uzmu vojnici Hrvatske vojske umjesto onih iz HVO-a, jer su imali više poštovanja prema zatvorenima?
- Je li znate da su ovdje ratovale gardijske brigade Hrvatske vojske?
- Je li znate da je HVO otimao ogromne količine humanitarne pomoći upućene okruženom stanovništvu u Istočnom Mostaru?
- Je li znate da i u poratnom periodu biti neHrvat u Mostaru znači da nećete imati sva prava na način kako vam ih Ustav i zakoni propisuju?
- Jeste li kada pogledali popise stanovništva u Mostaru otkako se oni provode?
- Je li znate da je brojčana prevlast Hrvata u Mostaru ostvarena progonom, ubistvima, logorima i sličnim metodama 1992. i 1993. godine?
- Je li znate da je upravo na tome zasnovana teza o hrvatskom stolnom gradu?
- Je li znate da puno, puno nas i danas politiku HDZ BiH doživljava kao nastavak Pavelićeve politike?
- Da li znate da se ovdje vrlo ozbiljno kaže: Dabogda ja bio neravnopravan kao hrvati u Mostaru?
- Zašto i danas imamo osjećaj da živimo u NDH?

Ako ne želite tražiti odgovore na ova pitanja, prošetajte sami gradom, svratite u par gradskih kafana, park i slično. Građani, oni obični, u cijelom gradu reći će istinu, a ona je puno drugačija od „istine“ koju godinama serviraju oni koji sve te godine za vlastiti interes pljačkaju i Republiku Hrvatsku i Bosnu i Hercegovinu.

A da, da ne zaboravim, pripadnici HVO u Bosni i Hercegovini kažu da su učestvovali u domovinskom ratu. Sa tim neću polemizirati ali bih volio da mi kažu o kojoj domovini govore, jer zapovjednike im je postavljao predsjednik Republike Hrvatske, u važnim prigodama intonirana im je

samo himna Republike Hrvatske, a i ustroj i obilježja su preuzeta iz iste države, tako da zaključujem da kad govore o domovinskom ratu podrazumjevaju Hrvatsku. Kažete da ste odbranili BiH i da je ne bi bilo da nije bilo HVO. Ako to jeste tako, zašto je taj HVO spalio moju porodičnu kuću, zašto mi je opljačkao stan, zašto mi je majku i brata držao u logoru, zašto mi je više rođaka usmrtio u logoru, zašto, zašto, zašto..?

Ja znam da sam branio i grad i državu, te uzvraćao na napade. Kako sam onda bio meta tih vaših osloboditelja?

I na kraju, da ste došli kao prijatelj i državnik, došli biste sa sebi ravnim predstavnikom BiH. Da uvažavate državu BiH u Mostaru bi posjetili Mostar, a ne svojim prisustvom doprinosili daljnjem unošenju nemira u ovaj danas nesretni grad. Nesretan je jer oni koji vas dovode na ovaj način u grad žele na silu promijeniti njegov stoljetni identitet. Smiješno je to taman toliko koliko i nastojanje da se ljude u zapadnoj Hercegovini uvjeri da je klapsko pjevanje, a ne ganga, njihovo tradicijsko pjevanje.

Evo, to, i mnogo što drugo, se dogodilo Zorane Milanoviću. A što se tiče mržnje, nema je, što se tiče neprijateljstva, nema ga. Ima mnogo razočarenja, jer ima li išta gore do izdaje prijatelja.

Ono što me hrabri je činjenica da jako puno mladih ljudi tebe i tebi slične sa svih strana doživljava kao klaune i pajace. Bude se ubrzano i ustaju, a kad ustanu otići ćete svi u zaborav, kao što ste iz njega došli.

Ima jedan kratak vic: „Pita Bosanac Hrvata: Znaš li zašto je Mujo ubio Hasu? Ovaj odgovara: Ne, zašto? Kaže Bosanac: Zato što je pričao stare viceve.“

Predsjedniče, pričaš stare viceve, jer ovo sve što pričaš zvuči kao vic, čuvaj se!

**“Ne biva fašizam kad ima dovoljno fašista, nego kad ima dovoljno malograđana koji će ih dočekati cvijećem”**

**Boris Dežulović**



## FAŠIZAM JE DIJETE EVROPE

Sead Đulić



[20. studeni 2022.](#)

*/Dio izlaganja na Evropskoj konferenciji antifašista "Antifašizam danas i opasnost desničarske politike u Evropi danas" održanoj u Beogradu 24. i 25. oktobra 2022. godine uz učešće antifašista iz 19 država Evrope./*

Pozdravljam vas u ime Saveza antifašista i boraca NOR-a Bosne i Hercegovine. Zahvaljujem se na pozivu i, evo, mogućnosti da možemo razmijeniti mišljenja, čuti jedni druge i progovoriti o ovoj veoma ozbiljnoj temi.

Ja uvijek volim čuti dio kolegica i kolega pa onda reagirati na to, a kad sve završi zapišem. Tako će biti i ovaj put, pa mi nemojte zamjeriti ako to ne bude baš onako složeno kao kad bi čitao.

Kada danas u dvadeset i prvom vijeku govorimo o antifašizmu ja volim reći da to nije priča o prošlosti. I neću da govorim o prošlosti i neću da se sjećam i podsjećam vas na ono što svi manje-više znamo. Za mene je danas antifašizam priča o budućnosti i dijelom sadašnjosti, jer fašizam je dijete Evrope, fašizam je dijete kapitalizma.

Svi to znamo.

Ali nema ni Hitlera, ni Musolinija. Davno su već nestali, kao i svi njihovi kvislinzi iz perioda kada su svijetu nanijeli toliko zlo i tolike žrtve. Ali veoma često u našim antifašističkim aktivnostima, mi danas, današnji antifašisti, bijemo bitke protiv njih. Mi oživljavamo Titove dobivene bitke i bijemo bitke protiv Nijemaca, Talijana, Bugara, Mađara, ustaša, četnika, nemam pojma koga sve nije bilo na prostoru ex Jugoslavije na suprot partizanima i mislimo da je to dovoljno i da je to od nas dosta u antifašističkoj borbi.

To je u istoriji, u sjećanju živih, u knjigama, u pjesmama. Lijepo se toga sjetiti i obilježiti, ali dok se mi sjećamo prošlosti i bijemo i obnavljamo davno dobivene bitke oko nas niču, rastu, razvijaju se mali fireri, širom Evrope, pa i na ovom našem tlu, i u mojoj domovini, ovoj sad, one velike nema, nažalost. I onda se, kada prođe vrijeme, osvijestimo i kažemo: Pa mi živimo u fašističkom društvu.

Ali smo ih mi pustili, današnji fašisti su onoliko glasni koliko smo mi tihi. Oni onoliko djeluju koliko smo se mi bavili nekim drugim temama i koliko smo bili u prošlosti. Mi smo im omogućili da djeluju. Hajdemo biti pošteni prema sebi, da se ne lažemo, evo ovdje je puno puta pomenuta desnica i rečeno da su se na desnici razvili neki neofašistički pokreti i tako dalje. Ja evo postavljam pitanje u ovom trenutku: Da li je današnja ljevica ljevica ili je „ljeвица“ izdala ljevicu i veoma se približila desnici. Ja u mojoj zemlji ne mogu da ih razlikujem. A boga mi ni u susjedstvu nije puno različito, ali da ne prelazim granice.

Dakle, hajdemo se malo prosijati.

Sa druge strane, mi u antifašističkom pokretu, u antifašističkoj borbi, često, neki naši drugarice i drugovi, koriste, braneći antifašizam, zapravo fašističke metode, jer nam je okruženje takvo.

Dakle, ja mislim da je jako važno da mi definišemo, da probamo naći nekakav zajednički imenitelj, ako ne svi, bar što više nas, šta to danas, u našim sredinama, odnosno u Evropi, jeste neofašizam ili neonacizam, pa da onda na to tražimo moderne odgovore, antifašističke odgovore i načine borbe. Nema salonske borbe. Nije dovoljno reći: Smrt fašizmu ili ja sam antifašista.

Na djelu i u akciji se sve vidi. Koketiranje sa fašističkom vlašću, a pričati o antifašizmu, je saučesništvo. Sjetimo se šta su, evo jedan primjer iz prošlosti. Dakle, prije 81. godinu, ovdje u Beogradu, zasjedao je Politburo Komunističke partije Jugoslavije, u Ribnikarovoj kući, i donijeli su odluku da pozovu narode Jugoslavije na ustanak, 4. juli 1941. godine. U tom trenutku KPJ u Kraljevini Jugoslaviji je zabranjena. Ja volim reći: Svaka budala, bez ikakvog razloga, bez ičega, ako neko kaže ono je komunista mogla ga je ubiti i da za to bude nagrađen. Njih je u strogoj ilegali, na prostoru čitave Jugoslavije bilo 12800 i plus 60 hiljada SKOJ-evaca, kao podmladak. Dakle, mnogo manje nego što smo čuli od generala Kovačevića da danas ima članova SUBNOR-a samo u Srbiji, i oni su iz ilegale, njih 72800 mobilisali narode Jugoslavije i digli na ustanak i zapravo jedini u Evropi mi nismo imali pokret otpora nego pravu revoluciju, stvorili pravu vojsku i na kraju stvorili državu.

Ali su založili živote, vjerovali u slobodu, u ideju.

Jesmo li mi danas, svi koji se zovemo antifašisti, spremni na žrtve?

Ne mora biti život, ali odreći se malih, sitnih, benefita koje često dobivamo od ovih slatkoriječivih desničara, fašista ili kako ih sve ne zovemo.

Nama danas treba proaktivna, snažna, otvorena, direktna borba, imenovanje svega pravim imenom, bez ustručavanja i bez straha od posljedica.



Alija Behram

## MUGDIM KARABEG IKONA MODERNOG NOVINARSTVA I NAŠ MIMAR MIRA



U Čikagu (USA) umro je Mugdim Karabeg, dugogodišnji novinar i urednik „Oslobođenja“

### BIO JE IKONA MODERNOG NOVINARSTVA I NAŠ MIMAR MIRA

Rastužila nas je vijest da je danas 19.11.2022. u 19:56. u svom domu, u Čikagu (USA) u 93.oj godini, umro Mugdim Karabeg, dugogodišnji ugledni novinar i urednik dnevnika „Oslobođenje“. Rođen je 1929. godine. Bio je jedan od najboljih novinara koje je „Oslobođenje“ imalo u svojoj istoriji, ali i cijela tadašnja generacija medijskih djelatnika u BiH. Volio je ljude, bio otvoren, srdačan i pristupačan posebno mlađim kolegama, uvijek spreman da pomogne, da pruži mudar i koristan savjet. U mostarskom dopisništvu „Oslobođenja“, kao dugogodišnji urednik, pomogao je da se izgradi i podigne cijela jedna generacija novinara koji su sedamdesetih, osamdesetih godina i kasnije, slovili kao ugledna novinarska pera u brojnim medijskim ustanovama kako u Mostaru, tako diljem BiH i bivše Jugoslavije. Njegove novinarske kolege bez ustezanja će reći da je Mugdim bio velika moralna i ljudska veličina. U svom dugogodišnjem novinarskom djelovanju, izgradio je vlastitu prepoznatljivu brazdu doprinosa u borbi za mir, saradnju i bratstvo među ljudima. To je bio razlog da ga Centar za mir i multietničku saradnju iz Mostara nagradi priznanjem Mimar mira. Čak i kada je, potpuno nedužan i samo zbog toga što se kao novinar 90.tih godina snažno zalagao za očuvanje multietničke i kosmopolitske supstance Mostara u nepodijeljenoj zajedničkoj BiH, državi svih njenih naroda i građana, uhapšen je od strane HVO i bio višemjesečni zatočenik njihovog kazamata u Dretelju. Nakon izlaska izu logora, odlučio je da bude bliže svojoj djeci i skrasio se u Sjedinjenim američkim državama. Vječna mu slava,  
Spavaj mirno dobro čovječe !

## ČETNIK JE ČETNIK, A USTAŠA JE ČETNIK I PO



Sead Đulić  
[listopada 10, 2022](#)

U narodnom pamćenju, u Hercegovini, ostala je izreka nastala u toku Drugog svjetskog rata: Četnik je četnik, a ustaša je četnik i po. Čuo sam je još kao dječak, ali mi je nikad nisu razjasnili niti sam je do kraja razumio. Onda je došla 1992. godina i sve mi se samo kazalo. Svakodnevno sam svjedočio akcijama i aktivnostima u gradu mnogostruko prljavijim od onih koje su dolazile sa brda.

Naime, pojavili su se bojovnici sa oznakama HOS-a i HVO-a koji su u Mostaru po čitav dan pili i ratovali protiv običnih građana proglašavajući ih četnicima samo zato što su Srbi ili jugonostalgicarima i komunjarima, samo zato što nisu prihvatili taj novi način uspostavljanja vlasti. Svjedočili smo maltretiranju časnih ljudi na razne načine. Gonjeni su da pasu travu, satima za ljetnih vrelih dana u dugim vojničkim šinjelima sjedili su na konju, podmetane su im puške da bi ih se proglasilo snajperistima, bežični telefoni proglašavani su radio stanicama itd, itd. O brojnim silovanjima i ubistvima da i ne govorimo. Cilj je bila imovina, pare, nakit, automobili, stanovi i kuće. To su bile njihove crte bojišnice.

A onda je došla 1993. godina. Riješili su srpsko pitanje i valjalo je sad riješiti i muslimansko pitanje. Sve se ponovilo, ali su dodali i sabirni centar na Gradskom stadionu, te logore, progoni i ubijanja postaju svakodnevica. Bio je to lov na ljude i njihovu imovinu. Procjene kažu da se oteći stanovi i automobili broje u hiljadama, a zlato u tonama. Nije onda čudo da je skoro svako selo u zapadnoj Hercegovini par godina poslije rata imalo prodavnicu rabljene robe. Uz malo sreće mogli ste kupiti i svoj televizor, trosjed ili frižider. Onda je sve to nestalo, jer je nestalo i pljačke. Dejton zeznuo stvar.

Prisjećam se i brojnih izjava tadašnjeg predsjednika Hrvatske koji je isticao da Hrvatskoj kifli, misleći na oblik države, nedostaje stomak i kako to treba ostvariti. Slijedeći ideje svog predsjednika ratni gradonačelnik zapadnog dijela Mostara, ja bih rekao okupiranog, izvjesni Mijo Brajković se negdje 1994. godine, ako me pamćenje dobro služi, javno hvalio da je u Mostar iz središnje Bosne doveo 18000 Hrvata kako bi popravio etničku sliku prijeko potrebnu za priču o Hrvatskom stolnom gradu.

U tom kontekstu valja podsjetiti na tri popisa stanovništva koji vrlo upečatljivo govore o besmislu ideje o stolnom gradu.

Naime, po popisu stanovništva iz **1910.** godine stanje u Mostaru je izgledalo ovako:

Upravna

| jedinica | Ukupno | Pravoslavci | Muslimani | Katolici | Protestanti | Ostali |
|----------|--------|-------------|-----------|----------|-------------|--------|
|----------|--------|-------------|-----------|----------|-------------|--------|

Mostar

|        |        |       |       |       |    |     |
|--------|--------|-------|-------|-------|----|-----|
| /Grad/ | 20 295 | 5 502 | 8 844 | 5 764 | 32 | 153 |
|--------|--------|-------|-------|-------|----|-----|

Popis je provela Austro-Ugarska administracija i tu ne može biti greške, bar nas iskustvo tako uči.

Naredni popis koji je zanimljiv je onaj iz **1991.** godine, posljednji pred rat. Po tom popisu slika stanovništva izgleda ovako:

| Mostar | Ukupno  | Muslimani | Srbi   | Hrvati | Jugosloveni | Ostali |
|--------|---------|-----------|--------|--------|-------------|--------|
|        | 126 628 | 43 856    | 23 846 | 43 037 | 12 768      | 3 121  |

Poslije ovog popisa desili su se događaji sa početka ovog teksta i kao rezultat popis stanovništva iz **2013.** godine izgleda mnogo drugačije. Brojke sve govore.

| Mostar | Ukupno  | Bošnjaci | Srbi  | Hrvati | Ostali |
|--------|---------|----------|-------|--------|--------|
|        | 105 797 | 46 752   | 4 421 | 51 216 | 3 408  |

Ovaj popis rezultat je izгона, progona, logora, silovanja, mučenja, paleži, otimačine itd. Ukratko, rezultat je politike Republike Hrvatske u Hercegovini.

Slijedom doživljenog i brojki koje svemu svjedoče apsolutno me ne zanima šta je vrh Republike Hrvatske javno govorio i kakve je ulehe prodavao vrhu Bosne i Hercegovine. Znam da ništa ili skoro ništa od javno rečenog dole na terenu, u Mostaru, koji su zacrtali kao ratni plijen, nije provođeno, usudio bih se reći do danas. Istina, sredstva su nešto drugačija.

Pojednostavljeno rečeno, nikada se nije odustalo od tzv NDH, ili makar kao kompromisno rješenje Banovine Hrvatske. Istina i dio BiH rukovodstva nije imao ništa protiv takvih ideja. Svašta se i sa druge strane potpisivalo i obećavalo. Vaskrsne takav narativ i danas s vremena na vrijeme.

U ovom kontekstu valja tumačiti istupe samoproglāšenog poglavnika Milanovića, ili neupotrebljivog generala Prkačina, te tzv intelektualca Raspudića koji bljuje vatru kontinuirano nebili izdavši vlastitu domovinu, u novoj stekao bolje pozicije. I tu nas istorija uči da jednom izdajnik uvijek izdajnik. Zatreba li, zbog vlastitog probitka, promijeniće on opet stranu.

Puno bi se toga moglo još napisati, ali i nakon ovih razmišljanja ona davna izreka iz Drugog svjetskog rata sada mi je savršeno jasna.

I da ne bude zabune, ja nikoga nisam etiketirao ustašom, sami oni sa ponosom priznaju da to jesu ili pak svojim djelima potvrđuju da bi im i sam Pavelić pozavidio na provedbi njegovih ideja.

A mi, pamet u glavu i proučimo odluke ZAVNOBiH-a i iz Mrkonjić Grada i iz Sanskog Mosta. Tamo sve lijepo piše. Kad mi to shvatimo bićemo spremni svima sa svih strana glasno i ponosno, baš kao Gorčin sa stećka, reći: SIKTER!

**Almir Muratović**

**Ponekad morate ići jako visoko da biste shvatili koliko ste zapravo mali.**

Sometimes you have to go really high to understand how small  
you really are

**Velika Britanija: Ferid Kevrić počasni magistar Univerziteta Derby**



**Ferid Kevrić, počasni magistar Univerziteta Derby**

Želimo čestitati Feridu Kevriću na dodijeli prestižnog priznanja počasnog magistra Univerziteta (HonMUniv), kao priznanje za njegova izuzetna dostignuća u podršci izbjeglicama i azilantima u

Derbiju. Ovo je zaista jedno veliko dostignuće, biti priznat na takav način, biti dostojan i dobiti to od institucije kao što je Univerzitet Derby.

Ferid je čovjek izuzetne lične hrabrosti. Rođen je i školovao se u bivšoj Republici Jugoslaviji, a školovanje je završio na Ekonomskom fakultetu u Sarajevu. Pridružio se jugoslovenskoj vojsci kao oficir, i služio kao major do 1992. Na početku rata u Bosni, Ferid je osjećao da nema drugog izbora nego da tajno dezertira iz vojske. U maju 1992. izbjegao je atentat i oputovao u Ujedinjeno Kraljevstvo kao tražilac azila. Stigao je u Derby ne znajući ni jednu riječ engleskog.

Uz podršku svojih sunarodnika, osnovao je Bosansku zajednicu za pomoć narodu bivše Jugoslavije, pomažući svim ljudima bez obzira na vjeru i nacionalnu pripadnost. Pod Feridovim vodstvom, Centar je postao utočište za socijalnu podršku, umrežavanje i kućne i pravne savjete. Pružao je utjehu i mali djelić Bosne na engleskom tlu.

Sa najnovijim dolascima izbjeglica i azilanata u Derby, Ferid im je svima otvorio vrata Centra, pozdravljajući sve bez obzira na rasu, boju kože ili vjeroispovijest i ono što je ključno, dijelio je svoje iskustvo o dolasku u drugu zemlju. Ferid je pomogao da Bosanskohercegovački Centar postane drugi dom onima koji su morali ostaviti prijatelje i porodicu, često bježeći od prijetnje mučenjem ili smrću.

**Kao priznanje za njegova izuzetna dostignuća, Feridu je dodijeljena nagrada Počasni magistar Univerziteta na prezentaciji i ceremoniji dodjele nagrada Univerziteta Derby koja je održana 16. novembra 2022. godine u Derby Areni.**

**Izuzetno smo ponosni na Ferida i želimo da se zahvalimo Univerzitetu Derby što je prepoznao njegova dostignuća i altruistički rad u zajednici.**

**BH Asocijacija Derby**

--

**Lejla Solakovic**

**Admin Officer & Event Coordinator**

Bosnia & Herzegovina UK Network  
Bosnia House  
36 Medley Road  
Greet  
Birmingham  
B11 2NE  
Tel: 0121 772 3052

<http://bosniauknetwork.org>

<https://www.facebook.com/bosniauknetwork/>



***" The BH UK Network helps communities to develop, improving quality of life for over 10 000 Bosnian genocide survivors in the UK."***

Supported by:



## BALKAN

Islamska zajednica u BiH se ograđuje od izjava bivšeg reisa Cerića o Ujgurima

Islamska zajednica u BiH raspolaže podacima koji nisu u skladu s onim što su u Kini izjavili Cerić i Dudić, kad je riječ o muslimanima u Kini

Zlatan Kapic |11.01.2023



Sarajevo

Islamska zajednica u Bosni i Hercegovini se ograđuje od izjava bivšeg reisu-l-uleme Mustafe Cerića u vezi s kineskom borbom protiv terorizma usmjerenom protiv muslimana Ujgura u regiji Xinjiang.

"Ni Mustafa Cerić, ni predsjednik Mešihata Islamske zajednice u Srbiji Mevlud Dudić nisu išli u Kinu u ime i u organizaciji Islamske zajednice. Koliko je nama poznato, to je organiziralo neko udruženje iz Ujedinjenih Arapskih Emirata", rekao je za Radio Slobodna Evropa Mustafa Prljača, savjetnik reisu-l-uleme Huseina Kavazovića, prenosi Anadoluja.

Kineski medij CGTN javio je da je više od 30 svjetski poznatih islamskih stručnjaka i znanstvenika iz 14 zemalja posjetilo 8. januara Urumqi, glavni grad sjeverozapadne kineske autonomne regije Xinjiang Uygur, na poziv lokalne vlade.

**Među njima je bio i bivši reis u BiH Cerić koji je, kako piše CGTN, "pohvalio kinesku politiku borbe protiv terorizma i deradikalizacije za postizanje mira i sklada u regiji".**

**Islamska zajednica s tim nema ništa, potcrtao je Prljača.**

"Oni nek odgovaraju za svoje postupke i svoje riječi. Mi nemamo ništa s tim", rekao je.

Naglasio je i da Islamska zajednica u BiH raspolaže podacima koji nisu u skladu s onim što su u Kini izjavili Cerić i Dudić, kad je riječ o muslimanima u Kini.

"Imamo drukčije stavove, na osnovu informacija kojima raspolažemo", rekao je.

Cerić je, javio je CGTN, stojeći ispred panoa na kojem je prikazan drevni Put svile, rekao da je Kina velika zemlja s globalnim utjecajem i da posljednjih godina doprinosi gospodarskom oporavku svijeta.

Muftija Mevlud Dudić, prema objavi kineskog medija, rekao je da Kinu inače poznaje s televizije i novina, ali da vjeruje u izreku poslanika Muhammeda: "Znanje moramo tražiti, pa makar bilo i daleko u Kini", dodavši da je u ovoj posjeti sretan što vidjeti da muslimani u Xinjiangu žive u miru i sreći.

Kina je optužena za počinjenje zločina protiv čovječnosti i mogućeg genocida nad ujugurskim stanovništvom i drugim, uglavnom, muslimanskim etničkim grupama u sjeverozapadnoj regiji Xinjiang.

Grupe za ljudska prava vjeruju da je Kina u proteklih nekoliko godina protiv njihove volje zadržala više od jednog miliona Ujgura u velikoj mreži onoga što država naziva "preodgojnim kampovima" i osudila stotine hiljada na zatvorske kazne.

Također, postoje dokazi da su Ujguri prisiljeni na rad i da se ženama prisilno onemogućava trudnoća.

Neki bivši zatvorenici su tvrdili da su bili mučeni i seksualno zlostavljani. Sjedinjene Američke Države su među nekoliko zemalja koje su optužile Kinu za počinjenje genocida u Xinjiangu.

Vodeće grupe za ljudska prava Amnesty i Human Rights Watch objavile su izvještaje optužujući Kinu za zločine protiv čovječnosti. Kina negira sve navode o kršenju ljudskih prava u regiji, tvrdeći da je njen sistem kampova za "prevaspitanje" prisutan u borbi protiv separatizma i islamističke borbenosti u regiji.

## **HISTORIJSKA REGIJA SANDŽAK**

**Potpredsjednik Skupštine Srbije Usame Zukorlić za "Avaz": Sandžak je 100 godina zapostavljen**

Dan Sandžaka dočekujemo u ambijentu rada na polju aktivnog prava Bošnjaka, kaže Zukorlić  
A. Bajramović 20.11.2022.



**Usame Zukorlić: . Potrebna nam je razvijena saobraćajna i energetska infrastruktura**

FOTO: FACEBOOK

Na današnji dan 1943. godine u Pljevljima je održana sjednica Zemaljskog antifašističkog vijeća narodnog oslobođenja Sandžaka (ZAVNOS). Ovaj datum se od 2005. godine obilježava kao Dan Sandžaka.

- Dan Sandžaka dočekujemo u ambijentu rada na polju aktivnog prava Bošnjaka. Ovaj datum nam je važan jer su se tog datuma sandžački Bošnjaci, Albanci, Srbi, Crnogorci i Romi se ujedinili u borbi protiv fašizma, sa idejom očuvanja Sandžaka, historijske regije koja spaja ljude – kaže za “Avaz” potpredsjednik Skupštine Srbije i predsjednik Stranke pravde i pomirenja Usame Zukorlić.



FOTO: ANADOLIJA

U današnjoj čestitci on je istakao da je Sandžak postojao i da će postojati. Međutim, cijeli region suočen je sa brojnim izazovima.

- Sandžak je 100 godina zapostavljen i zato nije jednostavno brzo nadoknaditi sve što je propušteno. Potrebna nam je razvijena saobraćajna i energetska infrastruktura, koja će privući investitore, koji će uticati na smanjenje odliva stanovništva. Potrebne su nam razvijenije bolnice, škole i druge ustanove koje mogu podići stepen kvaliteta života ljudi u oblasti Sandžaka. Kao predsjedniku stranke, fokus mi je



na velikim infrastrukturnim projektima i podizanju prava svih nacionalnih zajednica u Srbiji – ističe Zukorlić.

U Novom Pazaru i općinama gdje žive Bošnjaci ovo je u javnim preduzećima i ustanovama neradni dan E. T.

### **Dan Sandžaka: Datum duboko urezan u historiju**

20.11.2022 u 12:47

#### **Bošnjaci u Srbiji danas obilježavaju jedan od najvećih nacionalnih praznika, Dan Sandžaka.**

Prije 79 godina u Pljevljima je osnovano Zemaljsko antifašističko vijeće narodnog oslobođenja Sandžaka (ZAVNOS) i današnji praznik je znak sjećanja na te događaje. Svake godine ovaj značajni praznik obilježava se mnoštvom manifestacija i događaja.

U Novom Pazaru i općinama gdje žive Bošnjaci ovo je u javnim preduzećima i ustanovama neradni dan.

Aktuelni ministar turizma i omladine i nosilac liste "SDP – Husein Memić", koja je dobila najviše podrške Bošnjaka u Srbiji, uputio je čestitku povodom 20. novembra – Dana Sandžaka.

- 20. novembar, jedan je od najznačajnijih historijskih datuma za narod Sandžaka. To je podsjetnik na antifašističku borbu, koja nas je svrstala u red boraca za spas civilizacije. Uz sjećanje na osnivanje Zemaljskog antifašističkog vijeća narodnog oslobođenja Sandžaka i njegove tekovine, želim da izrazim nadu da će ovo mjesto uvijek biti tlo na kojem će se radati oni koji će u harmoniji, uz međusobno poštovanje i uvažavanje različitosti, živjeti sa svojim komšijama, ponosni na svoj nacionalni identitet, jezik, kulturu i tradiciju. Sretan 20. novembar, Dan Sandžaka – poručio je Memić.



**Historičar Esad Rahić**

FOTO: SCREENSHOT

Sandžaklije su rasprostranjene širom svijeta. Rade, privređuju, uče i studiraju, ali svoju rodnu grudu ne zaboravljaju.

Turski grad Bursa je dom za mnoge studente Bošnjake iz Sandžaka.

Sandžak je zastava koja ne uspijeva biti savijena. Prepuštena je vjetru i ona zna kako da se izbori sa olujom ostatak vremena. Biti sandžački Bošnjak znači biti zastava uvijek vedra, uspravna i uvijek na vrhu – rečeno je na posebnom govoru na događaju "Sandžak u Bursi".

Historičar Esad Rahić ispričao je povijest i značaj obilježavanja današnjeg dana.

Naime, ZAVNOS je narodna ratna skupština i ona je imala i svoj Izvršni odbor, odnosno svoju Vladu, povjereništva i ministarstva.

Sandžak je trebao biti buduća Federalna jedinica. Događaji u kojima je presudnu ulogu imao i čovjek koji je bio vodeća ličnost ZAVNOSA, Sreten Vukosavljević, ići će u drugom smjeru i doći će do rasformiranja i ovog najvažnijeg organa tokom rata u Sandžaku, kao i najvažnijih partijskih organa. ZAVNOS je itekako simbol zajedništva, jer u odlučivanjima, kako u Pljevljima, tako i u Novom Pazaru, većina vijećnika su bili srpske i crnogorske nacionalnosti. To je bila jedna zajednička ideja, jedna zajednička platforma sva tri naroda koja su živjela u Sandžaku – priča Rahić.

## **NAJVIŠE RUSKO ODLIKOVANJE POGINULOM SVEŠTENIKU VASILJEVU U UKRAJINI**

**AFP 8.11.2022.**

**Putin odlikovao sveštenika koji je poginuo u Hersonu  
S ruskim vojnicima bio i u BiH**

**Prema Moskovskoj patrijaršiji Mihail Vasiljev rođen 1971. već je služio kao sveštenik tokom operacija ruske vojske na Kosovu, u Bosni i Hercegovini, na Kavkazu i u Siriji**



**Preminuli Mihail Vasiljev**

FOTO: TWITTER

Vladimir Putin danas je posthumno odlikovao najvišim ruskim ordenom pravoslavnog sveštenika koji je nedavno poginuo u Ukrajini.

Kremlj je u saopćenju naveo da je Mihail Vasiljev odlikovan ordenom Heroja Ruske federacije zbog njegove hrabrosti i heroizma u ispunjenju svoje građanske dužnosti.

Moskovska patrijaršija je u nedelju javila da je sveštenik poginuo u zoni operacija u Ukrajini dok je obavljao svoje sveštenečke dužnosti.

Specijalna služba u Moskvi

**Prema Moskovskoj patrijaršiji Mihail Vasiljev rođen 1971. već je služio kao sveštenik tokom operacija ruske vojske na Kosovu, u BiH, kao sa vojskom na Kavkazu i u Siriji.**

Ruski patrijarh Kiril, će u srijedu održati specijalnu službu u hramu Hrista Spasitelja u Moskvi.

Nedavno se o njemu govorilo poslije jednog intervjua na ruskoj pravoslavnoj televiziji Spas.

Upitan o slučaju jedne ruske majke koja je poslala sina u inostranstvo da izbjegne da bude mobilisan i poslat da se bori u Ukrajini, on je predložio ženama da prave više djece da bi im bol bila manja.

### **Poginuo u Hersonu**

- Ako jedna dama slijedi Božje preporuke "budite plodni, množite se" i odbija uopšteno sva vještačka sredstva za prekid trudnoće, ona bi imala uglavnom više od jednog djeteta. I prema tome ne bi bilo tako teško od njega se odvojiti - rekao je sveštenik u intervjuu.

Prema dopisniku ruske javne televizije on je ubijen u ukrajinskom granatiranju oblasti Herson, gdje Ukrajina sedmicama vodi kontraofanzivu.

- Umro je kao sveštenik vojnik, pored padobranaca - napisao je u nedjelju novinar preko Telegrama.

### **PUTINOVA SPECIJALNA OPERACIJA U UKRAJINI**



## BH. REŽISER

### Mustafić o reakcijama iz RS na odluku Ustavnog suda: Kada se kaže necivilizovan entitet, još su začuđeni

Tu zakone žele da kroje i presuđuju političari SNSD-a, kazao je  
A. K. 16.07.2022




Mustafić: Komentari su odraz društva

FOTO: ARHIV

Dino Mustafić, bh. režiser i direktor Narodnog pozorišta u Sarajevu, oglasio se na svom Twitter nalogu povodom jučerašnje odluke Ustavnog suda o stavljanju van snage Zakona o neprimjenjivanju odluke Valentina Incka (Inzko) o zabrani negiranja genocida, koji je usvojen u NSRS.

- Komentari na odluku Ustavnog suda BiH od strane zvaničnika RS-a na Inzkov zakon jeste odraz kakvo je to društvo. Tu zakone žele da kroje i presuđuju političari SNSD-a. Oni su hodajući "bogovi" mimo propisa, procedura, zakona... I kada se kaže necivilizovan entitet još su začuđeni - napisao je Mustafić.



Objava na Twitteru

FOTO: SCREENSHOT

**Mostarka Elvira Stojić, koja je ponudila 100.000 KM za informaciju, za "Avaz":**

**Masovna grobnica je javna tajna**

**Odgovorno tvrdim da postoje snažne indicije potvrđene izjavama svjedoka da se na tom mjestu nalazi na desetine Mostarki i Mostaraca**

M. Smajkić 19.11.2022.



**Vihovići: Potraga za tijelima ubijenih**

FOTO: M. SMAJKIĆ / TACNO.NET

Kada god priča o svojoj porodičnoj tragediji, bol Elvire Ele Stojić se osjeti u svakoj izgovorenoj riječi.

Ili napisanoj, kao što je to bilo u junu ove godine, kada je ova Mostarka na svom Facebook profilu objavila potresan status u kojem je navela da nudi visoku novčanu naknadu od 100.000 KM za informaciju koja će je odvesti do posmrtnih ostataka njenog oca Aleksandra Ace Stojića.

### **Godine traganja**

Bio je to očajnički potez, vapaj i krik kćerke koja punih 29 godina traga za ocem, kojeg su bojovnici HVO-a u oktobru 1993. u trenirci i kućnim papučama odveli iz stana na Starom Veležovom igralištu.

Nažalost, to se desilo svega tri mjeseca nakon što je njena majka Nada, rođena Frenjo, koja potječe iz čuvene mostarske porodice narodnih heroja, odvedena iz stana i brutalno strijeljana, zajedno s Hatidžom i Elvedinom Kajtaz i njenom 10-mjesečnom bebom.

Majku je sahranila, ali još traga za kostima svoga oca.

Kao i većini mostarskih porodica koje tragaju za posmrtnim ostacima svojih najmilijih, i Elvira je vijest o tome kako postoje osnovane sumnje da se u jezeru nekadašnjeg rudarskog kopa Vihovići nalazi masovna grobnica u svom domu u Njemačkoj, gdje živi od rata, dočekala s nadom.



### **Stojić: Punih 29 godina tragam za posmrtnim ostacima svoga oca**

FOTO: TACNO.NET

#### **Desetine ljudi**

- Kao kćerka koja skoro 30 godina aktivno traga za posmrtnim ostacima svoga oca, koja saraduje tijesno s Tužilaštvom HNK, s odgovornima u Institutu za nestale, kao i sa živim svjedocima, odgovorno tvrdim da postoje snažne indicije, potvrđene izjavama svjedoka, da se u vještačkom jezeru u kopu Vihovići nalazi masovna grobnica i da se na tom mjestu nalazi na desetine Mostarki i Mostaraca, nedužnih žrtava ratnih zločina. To su nečije majke, sestre, supruge, kćerke, očevi, sinovi... - kaže nam Elvira.

Nadu da će ova lokacija biti istražena ulijeva joj činjenica da će pripadnici Državne agencije za istrage i zaštitu (SIPA) uraditi projekt detaljnog i stručnog ispitivanja terena i da će konkretne radnje ubrzo otpočeti.

- Na to smo čekali dugi niz godina, pogotovo ako se uzme u obzir da je ova neistražena masovna grobnica de facto javna tajna, kako u Mostaru tako i širom svijeta u krugu mostarske dijaspor - govori nam Stojić

#### **Da se ne ponovi**

- Napominjem i svima dobro poznatu činjenicu da ratni zločini formalnopravno nikada ne zastarijevaju te da je država BiH i čitava društvena zajednica obavezna poduzeti sve radnje, bez obzira na njihov obim, zahtjevnost terena ili tehničke poteškoće, kako bi se pronašli posmrtni ostaci svih žrtava te u konačnici procesuirali izvršioци i nalogodavci zločina. Sve što sam radila i radim u naporima da pronađem svog oca neraskidivo je vezano uz želju da se ovakve tragedije nikada i nikome više ne ponove i da buduća pokoljenja žive u miru - potcrtala je Stojić.

## Nazif Veledar

31 oktobar ·

Sadi Širazi (Muslihuddin Saadi Shirazi) (preselio na ahiret oko 1291) – čovjek koji je zbližio Istok i Zapad (najpoznatija djela: Bostan /Voćnjak/, didaktički spjev u deset pjevanja o pravednosti, ljubavi, dobrim djelima i vladalačkom umijeću; i Đulistan /Ružičnjak), zbirka parabola i anegdota u prozi, a primjeri su u stihovima), perzijski pjesnik, čiji stihovi danas stoje na ulazu u zgradu UN-a u New Yorku, kao poziv da se prevaziđu sve međurasne i međureligijske prepreke:

“Svi ljudi dijelovi jednoga tijela su,  
jer stvoreni od jedne biti su  
Kad oboli jedan organ ni drugi dijelovi mirni nisu  
Ti koji zbog tuđe patnje ne žališ ne zaslužuješ da čovjekom te zovu”  
(Đulistan)

## **KOSOVSKI ANALITIČAR "KOJEG I SRBI VOLE SLUŠATI": Beograd i Vučić destabiliziraju i BiH i Kosovo**

“Ako je Balkan bure baruta, Kosovo je jedan od prekratkih fitilja na njemu”, konstatira “Delo” 14.11.20.



“Ako je Balkan bure baruta, Kosovo je jedan od prekratkih fitilja na njemu”, konstatira “Delo”.

Za “Delo” govore kosovski politički analitičar **Albinotu Maloku**, Albanac „kojeg i Srbi vole da slušaju“, i **Miloš Garić**, Srbin, kojeg, kako se naglašava, „za mišljenje pitaju i kosovski Albanci“.

Sagovornici su spomenuli i Bosnu i Hercegovinu.

„Delo“ propituje - s obzirom na niz paralela između situacije na Kosovu i situacije u Bosni i Hercegovini - u kojoj mjeri „povećana nestabilnost u jednoj zemlji može uticati na stabilnost u drugoj“?

„Od proglašenja nezavisnosti Kosova u februaru 2008. bilo je više pokušaja da se povežu stavovi dvije zemlje, ali ovdje vidimo samo jednu paralelu, a to je destabilizujući faktor Beograda, koji je preko političara pod kontrolom predsjednika **Aleksandra Vučića**, prisutan i u Bosni i Hercegovini i na Kosovu. Ali ako govorimo o političkoj i bezbjednosnoj stabilnosti na Balkanu, sve zemlje međusobno utiču jedna na drugu. **BiH i Kosovo i dalje nemaju nikakve odnose, i to uglavnom zbog politike zvaničnog Beograda, ali ne i zbog nedostatka volje Sarajeva i Prištine za dobrim odnosima**“, naveo je Maloku.

Garić je, s druge strane, istakao da „živimo u jako isprepletenom prostoru sa puno zajedničke istorije i međusobnih veza“.

„Ne možemo da bježimo jedni od drugih i bilo bi nam dobro da to razumijemo. U svakom slučaju, nestabilnost u bilo kom dijelu izaziva slične posljedice na cijelom prostoru. Nedavni ratni događaji ostavili su mnoge posljedice i čini se da zlo još uvijek tinja negdje ispod površine. **Ovdje su Kosovo i Bosna i Hercegovina najosjetljivija područja**. Čini mi se da pojedinim međunarodnim "pomagačima" kao da ne ide u prilog da se ta ružna stranica zatvori i čine mnogo toga kako bi se ovdje stalno stvarali uslovi za nestabilnost i njihovo prisustvo“, rekao je Garić. Delo o Kosovu

Nadalje, govoreći o tome koliko su opravdani strahovi od od ruskog uticaja u regionu, te da bi se sukob mogao proširiti na Balkan, Maloku primjećuje da je „strah od širenja ruskog uticaja na Balkanu nesumnjivo stalno prisutan“.

„**Rusija ima otvoren kanal komunikacije sa Srbijom**. Podsjetimo, u septembru ove godine, na marginama sastanaka UN, ministri spoljnih poslova Srbije i Ruske Federacije potpisali su dokument. Javnost nije bila upoznata sa sadržajem ovog dokumenta. Potpisivanje je predložila srpska diplomatija, što je zabrinjavajuće. Zabrinjava i to što EU ne traži od Srbije da iznese svoj stav o djelovanju Moskve u Ukrajini, o zločinima u Buči i drugim mjestima koje su počinile ruske snage. Akcije kakve smo vidjeli i doživjeli na Kosovu tokom rata“, smatra Maloku.

Garić je, pak, konstatirao da je rat u Ukrajini pokrenuo tektonske promjene na cijeloj planeti.

„**Balkan je svakako preblizu i previše izložen lošem uticaju**. Koliko nismo uspjeli da izvučemo pouke iz onoga kroz šta smo svi prošli, tolika nam opasnost prijeti. Ali bojim se da se mi koji ovdje živimo ne pitamo mnogo. Sudbinu nam određuju veliki koji na Balkanu redovno prebijaju svoje računa, i tako će biti i ovog puta. Na nama je da ne pristanemo da učestvujemo u njihovom obračunu“, zaključuje Garić.

**Radiosarajevo.ba**



## INTERVJU

### Rajner Citelman: U Bosni i Hercegovini ljudi i dalje žive u socijalizmu

Država vam kontrolira dvije trećine BDPa, imate stotine firmi u državnom vlasništvu, ogromnu administraciju, najveće privatne firme uvezane su s državom, kakav je to kapitalizam. Intelektualci su grupa koja najviše vjeruje u socijalizam

Razgovarao: Danijal Hadžović 05.12.2022.

Avaz.ba



#### Citelman: Historijski rezultat je na strani kapitalizma

FOTO: FACEBOOK

**Dr. Rajner Citelman (Rainer Zitelmann)** osebujna je pojava. Po zanimanju je historičar i sociolog. Također je svjetski poznati autor s više od dvadeset objavljenih knjiga. No, Citelman je i uspješan biznismen koji je u Njemačkoj vodio poznatu PR firmu, a znan je i kao investitor u nekretnine. Citelman je u petak u Sarajevu promovirao svoju knjigu "**Deset mitova o kapitalizmu**". U intervjuu za "Dnevni avaz" Citelman govori zašto nam je taj sistem potreban, zašto kapitalizam u BiH nije uspio te koje su ključne opasnosti za svjetsku ekonomiju danas.

#### Problem intelektualaca

##### Zašto nam treba kapitalizam?

- Zato što je to jedini efikasan sistem za stvaranje prosperiteta i blagostanja. Nakon stoljeća ekonomske stagnacije, gdje je pojedinac koji se rodi u siromašnoj porodici mogao gotovo siguran biti da mu se status neće mijenjati, zahvaljujući kapitalizmu, postalo je normalno, iz generacije u generaciju, očekivati da djeca žive bolje od svojih roditelja, da svi imamo topli dom, vozimo automobile, putujemo po svijetu... Ali, evo, imate i konkretnije primjere. U prošlom stoljeću pokušavali smo s alternativnim sistemima. Pa, samo uporedite zapadnu i istočnu Njemačku, Sjevernu i Južnu Koreju, a možete i Kinu pod Mao Ce-tungom i Kinu koja je provela tržišne reforme. Dakle, historijski rezultat je apsolutno na strani kapitalizma.

##### No, zašto je kapitalizam za mnoge i dalje „prljava“ riječ?

- Ljudi zaboravljaju. Nisu zadovoljni svojim stanjem i skloni su vjerovati da bi u nekom drugom sistemu bilo bolje. Imate čovjeka od 150 kilograma koji prestane jesti neke nezdrave proizvode i spadne na 80 kilograma. A onda jedan dan kaže: „Pa što ja ne bih sad pojeo pizzu, ukusna je, neće mi ništa biti, dosta je ove patnje i ishrane.“ Pa onda krene jesti sladoled, pomfrit, kolače, prženu hranu i ostale stvari. Prvi mjesec neće mu se ništa desiti, možda će dobiti kilu-dvije. No, on je zaboravio da ga je upravo to dovelo do onih 150 kila. Ako nastavi s takvom ishranom, nakon određenog perioda ponovo će sebe upropastiti i vratiti se na onih 150 kila. Tako vam je i sa socijalističkim politikama.

Drugi je problem što ljudi koji podržavaju kapitalizam imaju dobar argument, ali su vrlo loši u promociji svojih ideja. Socijalistički intelektualci i propagandisti su daleko uspješniji u promoviranju socijalističke ideje. Veliki su problem i intelektualci koji po čitav dan proizvode ideje, jaki su u medijima, jaki su na univerzitetima, a zapravo su grupa koja u najvećoj mjeri nastupa protiv kapitalizma.

### **Zašto je antikapitalizam privlačan intelektualcima?**

- Radnici nikad nisu prihvatili socijalizam. Čak je i Lenjin u svom djelu iz 1904. „Šta činiti“ pisao da je socijalizam pokret intelektualaca koji tek treba prenijeti radnicima. Razlog zašto intelektualci u toliko mjeri podržavaju socijalizam je jednostavan. U školi vas uče da se uspijeva u životu ako puno čitate, imate veliko teoretsko znanje, radite ono što vam učitelji govore, itd. Ali, šta se dešava? Bili ste, recimo, sjajan učenik i jednog dana izlazite na tržište i shvatate da stvari ne funkcioniraju tako. Vidite, naprimjer, pored sebe osobu skromnog obrazovanja koja je stekla milione, u društvu je puno moćniji i poželjniji član od vas, vozi Ferrari i ima mnogo ljepšu ženu od vaše. To kod mnogih intelektualaca stvara frustraciju pa su zbog toga skloni podržati ideje koje osuđuju takav sistem i traže mu alternativu.

### **Dvije inteligencije**

**Šta je potrebno da bi se neko obogatio? Napisali ste čak i knjigu o tajnama bogatih ljudi, a i sami ste nekoć bili uspješan poduzetnik.**

- Imate dvije vrste inteligencije. Jedna je ona školska, koju stječete čitanjem knjiga. No, mislim da se niko nije obogatio tako što je to pročitao u knjizi. Intervjuirao sam desetine ultrabogatih ljudi. Neki su završili najbolje fakultete svijeta, neki samo srednju školu, neki uopće nemaju školu, neki su vrhunski intelektualci, neki su jedva pismeni... Apsolutno nema nikakvog pravila. Druga vrsta inteligencije je ona životna, koja se stječe kroz lična iskustva, poznanstva, životne izazove, intuiciju... I ljudi koji su se obogatili uglavnom su se uzdali u tu vrstu inteligencije. Ali, recimo, većina njih su već kao učenici počeli zarađivati novac prodajom različitih stvari. Imali su nagon da to čine, većina ih je sklona rizicima i, što je posebno zanimljivo, 50 posto ispitanih bili su dobri sportisti u mladosti.

### **Zašto je sport bitan za bogatstvo?**

- To je zanimljivo pitanje, ali bavljenje sportom u mladosti vas navikava na pobjede i poraze. Vi, kao biznismen, doživljavate čete da vaša ideja bude potpuna propast i da doživite potpuni poraz na tržištu, ali uspjeti možete samo ako nastavljate dalje uprkos porazima.

### **Reformiranje BiH**

**Ali mnogi ljudi u Bosni i Hercegovini, kada pogledaju bogate, vidjet će ratne tajkune, spletkaroše, prevarante... Kako oni mogu biti ikome normalnom uzor i kako ljudi mogu reći „dobro je ovo što oni rade“.**

- Imate dvije vrste poduzetnika. Imate ljude poput Bila Gejtsa (Bill Gates), Stiva Džobsa (Steve Jobs) ili Ilona Maska (Elon Musk), koji su svoje bogatstvo stekli zahvaljujući inovacijama i jer su svijetu podarili neki proizvod koji im je olakšao život. Imate drugu vrstu poduzetnika, a ne treba ih uopće smatrati poduzetnicima, poput oligarha u Rusiji, koji su svoje bogatstvo ukrali. Mislim da isti problem imate u Bosni i Hercegovini, da su vam najbogatiji ljudi postali pojedinci koji su u procesu tranzicije sebi prisvojili društveno vlasništvo. To nije kapitalizam, nego kleptokratija. Ali upravo zato vam treba

liberalizacija ekonomije, kako bi se stvarni poduzetnici mogli nametnuti svojim inovacijama i proizvodima i potisnuti takve otimače.

**No, prosječnom čovjeku u BiH je to sinonim kapitalizma. On se sjeća da je u socijalističkoj Jugoslaviji imao posao, krov nad glavom, da je imao zemlju s proizvodnjom, da se mnogo manje radilo, a prosperitet bio veći. Kako takvog čovjeka uvjeriti da je kapitalizam bolji?**

- Morate ljudima objasniti da imate dvije vrste socijalizma. Oni se sjećaju onog Titovog socijalizma, koji je bio više tržišno orijentiran nego konkurentski socijalizam, ali i ovo u čemu danas živite je također jedna vrsta socijalizma. Država vam kontrolira dvije trećine BDP-a, imate stotine firmi u državnom vlasništvu, ogromnu administraciju, najveće privatne firme uvezane su s državom. Kakav je to kapitalizam? Ali i da vam kažem, ne vjerujem da je ljudima u BiH danas zaista materijalno gore nego u Jugoslaviji, ali se ljudi uvijek sjećaju samo lijepih stvari.

**Kako reformirati takav sistem? Svjesni ste da on vladajućim strankama itekako odgovara jer im omogućava direktnu kontrolu nad resursima?**

- Pa trebate ih samo pitati zašto su Poljska i Češka danas toliko bolje od nas? Kapitalističke reforme funkcioniraju, uspjele su u tim zemljama. Od siromašnih socijalističkih zemalja učinile su ih relativno prosperitetnim evropskim državama. Ako Bosanci i Hercegovci žele nastaviti sa sadašnjim ekonomskim sistemom, onda moraju biti svjesni da će ostati siromašniji od njih.

### **Čisti kapitalizam**

**Među ekonomistima rijetko ko negira kapitalizam, ali ekonomisti poput Pola Krugmana (Paul) ili Josefa Štiglic (Joseph Stiglitz) će nam reći da, iako je kapitalizam svakako dobar, treba nam daleko veća intervencija države, kao i daleko veći porezi za bogate. Šta biste njima rekli?**

- Pa, kapitalizam nigdje na svijetu nije u procentu od 100 posto. Dakle, čisti kapitalizam ne postoji. No, tu postoje dva sastojka - država i tržište. Možemo testirati šta se dešava ukoliko dodajemo više miješanja države u odnosu na tržište i obratno. I mislim da je rezultat toga nepobitan - više tržišta gotovo uvijek dovodi do više prosperiteta i boljeg standarda, kao što i više miješanja države dovodi do suprotnih rezultata.

### **SLOBODNA DALMACIJA GRETA THUNBERG**

**Mala Šveđanka je odrasla i shvatila gdje su pravi uzroci problema s klimom i koji je jedini način da se spasi planet. Svjetskim moćnicima više neće bit baš tako simpatična...**

**PIŠE DAMIR PILIĆ**  
15. studenog 2022. - 16:57



'Postoji mnogo stvari koje možemo učiniti, ali moramo shvatiti da nam je potrebna transformacija cijelog sustava. Moramo sve promijeniti jer je naš trenutni sustav u koliziji s budućnošću čovječanstva i naše civilizacije' Miguel Medina/Afp

Kad je imala petnaest, svjetskim je moćnicima i medijima bila draga i simpatična, jer je govorila o klimatskim promjenama. Sada, kad ima devetnaest, počela je kritički govoriti o kapitalizmu, pa nije sigurno da će još dugo biti simpatična. Dok je zborila o katastrofalnim posljedicama, sva su joj vrata bila otvorena, a sada, kada zbori o uzrocima katastrofe, dakle o samom ekonomskom sustavu, odnos prema Greti Thunberg mogao bi se promijeniti.

Metamorfoza mlade švedske aktivistice postala je očita u nedjelju 29. listopada, kad je u Royal Festival Hallu u Londonu promovirala svoju "Knjigu o klimi", zbornik od stotinjak klimatskih eseja raznih autora - od Naomi Klein i Thomasa Pikettyja do šefa WHO-a Tedrosa Adhana Ghebreyesususa - koji je kurirala i uredila. Tom prilikom je rekla da je za spas planeta nužno "rušenje kapitalističkog sustava", jer je taj sustav i doveo do klimatskih problema.

Odnosno, kako je ustvrdila, klimatska kriza "ima svoje korijene u rasističkom, opresivnom ekstraktivizmu koji iskorištava i ljude i planet kako bi se povećala kratkoročna dobit za šaćicu ljudi".

- Nikad se nećemo vratiti na normalno, jer je to "normalno" već bilo u krizi. Ono što nazivamo normalnim je ekstremni sustav izgrađen na eksploataciji ljudi i planeta. To je sustav definiran kolonijalizmom, imperijalizmom, ugnjetavanjem i genocidom tzv. globalnog Sjevera kako bi se akumuliralo bogatstvo koje i dalje oblikuje trenutni svjetski poredak - rekla je Greta u Londonu.

Te su njezine riječi izazvale zanimanje u dvorani, pa ju je novinarka BBC-ja Samiri Ahmed upitala misli li da je tako jednostavno zabraniti kapitalizam.



Greta je u četiri godine putovanja i razmišljanja shvatila koji je glavni razlog i klimatskih promjena i socijalnih nepravdi - kapitalizam. Ako netko misli da je četiri godine puno za tako očiti uvid, neka se sjeti da mnogi ljudi, čak i obrazovani, ne uspiju do tog uvida doći za cijeli život

Justin Tallis/Afp

- Postoji mnogo stvari koje možemo učiniti, ali dok radimo ono što možemo unutar našeg trenutnog sustava, moramo shvatiti da nam je potrebna transformacija cijelog sustava. Moramo sve promijeniti jer je naš trenutni sustav u koliziji s budućnošću čovječanstva i naše civilizacije - rekla je Greta, i poentirala:

- Ako je ekonomski rast naš jedini prioritet, onda je ovo što nam se sada događa upravo ono što bismo trebali očekivati - zaključila je švedska tinejdžerica.

### **JE LI ČITALA MARXA?**

To je ta nova Greta Thunberg, čiji je sukus stavova sljedeći: klimatsku krizu nije stvorio čovjek, nego kapitalizam. Nema rasta BDP-a – kao ultimativnog kapitalističkog cilja – bez povećanja emisije ugljika. Stoga bogate zemlje moraju odmah napustiti ekonomsku ekspanziju kao primarni cilj, kao i sve druge oblike društvene nepravde koje generira kapitalistička ekonomija. Jer klimatske pravde nema bez socijalne pravde - zato je nužno rušenje "cijelog kapitalističkog sustava".

Te su riječi odjeknule Zapadom: mlada zvijezda ekološkog aktivizma sada je direktno ušla u politički zabran.

"Njezine tinejdžerske godine koje je provela kudeći nacionalne vlade učinile su je jednom od najpoznatijih osoba na svijetu - njezine dvadesete izgledaju daleko eksplozivnije, pa čak i revolucionarne", zaključio je britanski portal UnHerd u članku pod naslovom "Greta Thunberg pridružuje se antikapitalističkoj ljevici".

## SAMO BOGATI IMAJU KADU

Na neki način, možemo reći da je Greta u protekle četiri godine prozrela kapitalizam, došavši do istih ili sličnih zaključaka o tom sustavu koje nam proteklih tjedana upravo na stranicama Spektra, u svojoj minucioznoj studiji o mitovima kapitalizma, elaborira kolega Marin Prvan.

Ali kako je došlo do te Gretine transformacije od politički neutralne klimatske aktivistice do antikapitalističke ljevičarke? Što se to dogodilo sa švedskom tinejdžericom u protekle četiri godine: nije valjda za vrijeme pandemije čitala onog komunističkog zločinca Karla Marxa?

Ne znamo je li Greta pandemiju kratila Marxom, ali znamo da ju je pandemija promijenila, kako to u opširnoj analizi u travnju ove godine ističe list Politico: "Tijekom pandemije završilo je djetinjstvo Grete Thunberg."

Tu se ne misli samo na prirodni kronološki završetak Gretina djetinjstva, već i na činjenicu da je pandemija okončala masovne ulične "klimatske marševe" koje je 2018. tada 15-godišnja Greta petkom organizirala u rodnoj Švedskoj, da bi se ti prosvjedi brzo proširili širom svijeta - pod egidom "Friday For Future" ("Petkom za budućnost") - i počeli okupljati milijune Gretinih vršnjaka, zabrinutih za budućnost planeta.

Tako je ova djevojčica s poremećajem iz autističnog spektra izrasla u globalnu aktivističku ikonu - postavši, među ostalim, najmlađa osoba koju je magazin Time proglasio osobom godine - koju su svjetski državnici i moćnici primali u UN-u i Davosu. A onda je došla pandemija, a s njom i lockdown - ulični marševi su naglo prestali, a Greta je nestala iz medija.

Kako piše Politico, Greta i njezini sljedbenici počeli su organizirati "digitalne prosvjede" na Zoomu, što je i njoj i njezinim skandinavskim i zapadnim prijateljima pružilo priliku da prvi put u životu upoznaju životne i društvene realnosti svojih aktivističkih vršnjaka u drugim, manje prosperitetnim dijelovima svijeta.



**'Ako je ekonomski rast naš jedini prioritet, onda je ovo što nam se sada događa upravo ono što bismo trebali očekivati'**

Cristina Quicler/Afp

O tome je za Politico govorila aktivistica Mitzi Jonelle Tan s Filipina, voditeljica tamošnje podružnice Gretina pokreta "**Petkom za budućnost**". Nakon što su krajem 2020. tajfuni zaprijetili Mitzinu rodnom gradu na

Filipinima, članovi pokreta iz zapadnih zemalja poslali su joj popis hitnih mjera koje bi mogla poduzeti; među ostalim, savjetovali su joj da napuni kadu vodom, za slučaj da ostane zatočena u svom domu bez pitke vode.

- A ja sam im rekla da nemam kadu. To imaju (na Filipinima) samo stvarno bogati ljudi. Osim toga, naša voda iz slavine nije za piće - kazala je Tan za Politico, te dodala:

- Bili su posve šokirani time.

### TOČKA PREOKRETA

I tako su Greta i njezini zapadni prijatelji počeli osvještavati lutrijsku činjenicu da su rođeni i odrasli u rijetkoj enklavi kapitalističkog prosperiteta, dok većina njihovih vršnjaka živi u manje sretnim varijantama postojećeg ekonomskog sustava, u zemljama koje su već sada puno više izložene efektima klimatskih promjena u odnosu na zapadne države.

S time je došla i spoznaja da su većina izvornih članova pokreta bili bijelci sa Zapada - jer je Gretin pokret nastao u Švedskoj i najprije se proširio među školarcima u zapadnoj Europi - koji samim time nisu mogli razumjeti u kakvim uvjetima žive i odrastaju njihovi vršnjaci u zemljama Trećeg svijeta, nekadašnjim kolonijama Zapada.

Upravo su ti članovi pokreta iz deprivilegiranih dijelova svijeta otvorili Gretine oči: kako piše Politico, aktivisti s južne hemisfere za svoje su zapadne kolege "organizirali 'treninge dekolonijalizacije', kojima se Thunberg pridružila".

"Thunberg je sve upijala kao spužva. Počela je sve više sudjelovati u grupama za raspravu. (...) Planet se možda zatvarao, ali Gretin svijet se otvarao. Sudeći po intervjuima s njezinim 10 najbližih suradnika i kolega aktivista (koji je, usput rečeno, opisuju kao "toplu, brižnu, duhovitu i ponekad blesavu osobu", op. D.P.), ono što je čula tijekom tih tih, introspektivnih mjeseci promijenilo ju je - i ubrzalo evoluciju onoga na što su dotad bila fokusirana njezina nastojanja", piše Politico.

To je bila ta točka preokreta: poput indijskog princa Siddarthe, koji je djetinjstvo i ranu mladost proveo zaštićen u očevu dvorcu i životnu stvarnost počeo spoznavati tek kada je prvi put izišao iz dvorca i suočio se s patnjama običnih ljudi, tako je i Greta tek za pandemije prvi put mentalno izišla iz zaštićenog mjehura nordijskog kapitalizma i suočila se s realnim patnjama globalnog Juga.

### GOVOR U GLASGOWU

Ti "treninzi dekolonizacije" postigli su svrhu: danas Greta u Londonu, na promociji svoje knjige, govori da je klimatsku krizu prouzročio "ekstremni rasistički sustav izgrađen na eksploataciji ljudi i planeta, definiran kolonijalizmom i genocidom globalnog Sjevera kako bi se akumuliralo bogatstvo koje i dalje oblikuje svjetski poredak".

Zapravo su se plodovi "dekolonizacijskog treninga" vidjeli već i lani u studenome, kad je Greta na klimatskoj konferenciji COP26 u Glasgowu održala snažan antikapitalistički govor, u kojem je poručila da klimatske promjene potiče sustav koji se temelji na "ideji da neki ljudi vrijede više od drugih".

- Klimatska i ekološka kriza ne postoji u vakuumu. Izravno je povezana s drugim krizama i nepravdama koje datiraju iz kolonijalizma i kasnije, krizama koje se temelje na ideji da neki ljudi vrijede više od drugih i da stoga imaju pravo iskorištavati druge i krasti njihovu zemlju i resurse. I vrlo je naivno misliti da možemo riješiti ovu krizu bez rješavanja njezina temeljnog uzroka - rekla je tada Greta.

Izjavivši da je konferencija COP26 doživjela “neuspjeh”, Greta je u Glasgowu istaknula kako bi “trebalo biti očito da krizu ne možemo riješiti istim metodama koje su nas u nju uvele”, te je optužila svjetske vođe da “aktivno oblikuju okvire kako bi nastavili profitirati od ovog destruktivnog sustava”.



**Greta iz vremena dok je još usamljeno petkom izostajala iz škole i štrajkala klimu** Hanna Franzen/Afp

- Kako bismo ostvarili ciljeve iz Pariškog sporazuma, potrebna su nam trenutna, drastična godišnja smanjenja emisija kakve svijet nije vidio. A kako nemamo tehnološka rješenja koja bi mogla učiniti išta približno, moramo iz temelja promijeniti naše društvo - zaključila je Greta Thunberg u Glasgowu i vratila se kući prije kraja skupa (na ovogodišnji skup COP27, koji upravo traje u egipatskom ljetovalištu Sharm el-Sheikh, nije ni otišla).

## PROSVJETLJENJE U

indijanskom rezervatu

Politico piše da se “jedna rana prekretnica u njezinu razmišljanju dogodila tijekom njezina putovanja 2019. u SAD”. Među ostalim, Greta se tada zatekla na sastanku s čelnicom Zastupničkog doma Nancy Pelosi, kad je riječ dobila mlada indijanska aktivistkinja Tokata Iron Eyes iz plemena Siouxa, koja živi u rezervatu Standing Rock na granici Sjeverne i Južne Dakote, i čije se pleme borilo protiv izgradnje naftovoda Keystone XL.

Iron Eyes je pokazala na sliku Abrahama Lincolna - bijelca koji je bio odgovoran za ugnjetavanje njezinih predaka - i pitala zašto bi trebala vjerovati Pelosi da će donijeti pravdu njezinu narodu, nakon čega se rasplakala. Greta ju je zagrlila, a kad je došao trenutak da se svi slikaju s Pelosi - Greta je odbila. Umjesto toga, ostala je tješiti Iron Eyes, a potom je otišla u Južnu Dakotu i pridružila se indijanskoj prijateljici u rezervatu.

“Thunberg je bila zapanjena kontrastom i nejednakošću između dviju zajednica koja je još uvijek bila postojana više od sto godina kasnije. (...) Thunberg kaže da su joj ta 24 sata dala novi pogled na svijet”, ističe Politico.

Ukratko, Greta je u četiri godine putovanja i razmišljanja shvatila koji je glavni razlog i klimatskih promjena i socijalnih nepravdi - kapitalizam. Ako netko misli da je četiri godine puno za tako očiti uvid, neka se sjeti da mnogi ljudi, čak i obrazovani, ne uspiju do tog uvida doći za cijeli život.



No Greti bi se lako moglo dogoditi ono što joj je portal Advance predvidio još u rujnu 2019., nakon njezina čuvenoga govora u UN-u, kad je svjetske vođe grdila riječima “Kako se usuđujete?”. U toj analizi - pod naslovom “Greta Thunberg je u pravu! Kako se usuđuju?! Ali istina je još i neugodnija: kada pak to uvidi, njezin pristup globalnim pozornicama će se odmah zatvoriti” - kaže se sljedeće:

”Ako bismo ozbiljno željeli očuvati planet na kojem živimo, morali bismo ići dalje, puno dalje od Grete koja misli da će posramiti političare i tako spasiti svijet (...). Konzumerizam je problem, a samim time i kapitalistički način proizvodnje. No, ako Greta u jednom trenutku dođe do tih spoznaja, a hoće, jer je pametna djevojka koja traga za odgovorima, više neće gostovati na CNN-u, neće se pojavljivati pred UN-om i brzo će nestati sa scene”, pisao je tada Advance.



Selcuk Acar/Nurphoto Via Afp

### USTAJU KERBERI KAPITALIZMA

U toj se analizi predviđa i da će Gretin medijski status i tretman u budućnosti, kada ona dođe do svog antikapitalističkog zaključka, nalikovati tretmanu koji su u zapadnim medijima 2011. imali članovi **Occupy pokreta u SAD-u**, koji se također pobunio protiv kapitalističkog sustava:

”I tada smo imali mahom mlade ljude na ulicama, studente, učenike i mnogi od njih snažno su isticali potrebu za zaštitom okoliša i borbu protiv klimatskih promjena. Jesu li njihovi predstavnici pretvoreni u medijske zvijezde? Ne, američka policija ih je tukla na ulicama i sprejala suzavcem kao kakve kriminalce, a mediji (...) tada nisu htjeli čak ni prenijeti te scene: da stvar bude još apsurdnija, prijenose uživo emitirale su iz New Yorka ruske i iranske televizije!” - pisao je te 2019. Advance.

**U međuvremenu je Greta doista faktički došla na pozicije Occupy pokreta iz 2011. pa se odmah počelo ostvarivati i Advanceovo proročanstvo: čim je Greta u Londonu javno zatražila “rušenje kapitalističkog**

sustava”, ustali su medijski čuvari kapitalizma, poput voditelja britanskog TV kanala GB News Dana Woottona:

”Krajnje je vrijeme da političke elite shvate da ekstremistički aktivisti poput Greta ne govore o zaštiti planeta (...). Gretina opasna antikapitalistička agenda sada je otkrivena - i ne smije se ignorirati”, upozorio je Wootton.

Tu smo, dakle: čim je progovorila o ekonomskom sustavu, odnosno o ekstremnosti kapitalizma, Greta je u očima kerbera tog sustava postala “ekstremistica”. Takve reakcije jasno pokazuju koliko je mlada Šveđanka dubinski i suštinski u pravu. Epoha na zalazu plaši se neumitne antikapitalističke budućnosti baš kako su se divljaci plašili vatre.

## [Senadin Bajric](#)

[16 u](#) · [YouTube](#) ·

Ko zna , zna...

### FILM O USPJEŠNOM POVRATNIKU JUSUFU ARIFAGIĆU I NJEGOVOJ FIRMI INVESTMENT



[YOUTUBE.COM](#)

[Ovdje se ne živi samo da bi se živjelo](#)

[Kratki film o Arifagic Investmentu](#)

## DANI GLAMOČKOG KROMPIRA

### Radovan Tolimir bez konkurencije: Uzgojio najteži krompir od 1.540 grama

Iz Organizacionog odbora su naveli da je ova manifestacija od izuzetne važnosti budući da su poljoprivreda i uzgoj krompira mnogim porodicama u Glamoču jedini izvor prihoda  
E. Ć. / Sma23.10.2022



Pobjednički krompir

FOTO: SRNA

**U Glamoču je jučer održana 14. manifestacija "Dani glamočkog krompira", a ovogodišnji najteži krompir od 1.540 grama uzgojio je Radovan Tolimir.**

Iz Organizacionog odbora su naveli da je ova manifestacija od izuzetne važnosti budući da su poljoprivreda i uzgoj krompira mnogim porodicama u Glamoču jedini izvor prihoda, pišu Nezavisne.

Glamoč je nadaleko poznatom po uzgoju krompira, a težina jednog krompira uzgojenog na ovom području može da premaši i dva kilograma. Boris Lukajić iz Organizacionog odbora manifestacije kaže da su za najbolje izlagače i učesnike dodijeljene nagrade.

– Najuređeniji poljoprivredni štand su imali Dragan Radić i Nenad Jarekula, dok je Udruženje žena "Žad" iz Glamoča imalo najuređeniji štand – rekao je Lukajić.

Na današnjoj manifestaciji u Glamoču posjetioci su imali priliku da posjete 32 štanda raznovrsnog sadržaja.

**Osim brojnih izlagača iz Glamoča, štandove su izložili i poljoprivredni proizvođači iz susjednih opština, među kojima i porodica Pećanac iz Drvara koja se bavi preradom drenjina i pravi likere, rakiju, pekmez, slatko i sok od ovog voća.**

U kulturno-umjetničkom dijelu programa nastupila su kulturno-umjetnička društva iz Glamoča i Drvara.

Generalni pokrovitelj "Dana glamočkog krompira" je općina Glamoč.



Almir Muratović



"Kad krenete da pljujete ovu zemlju, sjetite se da je klima odlična, da su vjetrovi blagi, da nema oluja, cunamija, tornada, aktivnih vulkana i raznorodnih zemljotresa. Nije sušna zemlja, niste žedni. Nije neplodna, iz džepa sjeme da ispadne pa će nešto da nikne. Šumovita, brdovita, ali nit su pretežno kamenjari, niti su džungle sa zaraznim bolestima.  
Sve fino, blago, pitomo, nježno.  
To vam je od zemlje.  
Muka je od ljudi."

## Uspješna Bosanka u Njemačkoj: Nakon 11 godina dala otkaz i krenula ispočetka

by BHD Info Desk Administrator07/12/20220357

SHARE0



Da su Bosanci hrabri ljudi to je već poznato, ali ni da Bosanke ništa manje ne zaostaju za njima, dokaz za to je Tuzlanka Mevlida Mujkanović.

Naime, Mevlida koja je u krugu prijatelja, poznanika i poslovnih partnera poznata pod nadimkom Lida, prije izvjesnog vremena i u momentu kada ljudi rade sve da zadrže svoja radna mjesta, veoma čvrsto i odlučno donijela je odluku da napusti svoje radno mjesto, a na kojem je bila punih 11 godina.



-Da, baš tako. Punih 11 godina radila sam u Galeriji Kaufhof, ali s obzirom na to da sam uvijek težila ka nečemu novom, ka nekim novim poslovnim izazovima, ušla sam u nove izazove. U Tuzli sam završila gimnaziju "Meša Selimović", a po dolasku u Njemačku nastavila sam se dalje školovati, usavršavati, jednostavno da ulažem u sebe i svoje obrazovanje. Tako da sam sa 45 godina odlučila da ponovno krenem od početka i sa nekim drugim izazovom. U saradnji sa DVG (Deutsche Vermögen Beratung) postala sam finansijski savjetnik, a imam svoj tim od sedam ljudi, koji su me fantastično prihvatili. Mnoga toga sam nučila, položila sam kako pismeni tako i usmeni ispit. Paralelno sam radila i išla u školu, a ujedno obavljala kako dužnost supruge, tako isto i majke. Nakon 11 godina dala sam otkaz jer me na neki način taj posao počeo gušiti, željela sam nešto drugo, nešto novo. A, finansijski savjetnik je idealan posao za mene. To je ustvari bila moja životna želja, jer želim da pomažem ljudima, a tu šansu koja mi se pružila nisam htjela propustiti. Svjesna sam da danas ljudi, odnosno veliki broj ljudi treba finasijsku pomoć, a kroz ovaj posao moj životni poslovni san se ostvario. Nije bilo lako, bilo je mnogo kamenja preko kojih sam se spoticala, ali sama sebi sam rekla: "Mevlida, ova kamenja nisu bitna, pa pokušaj od njih da napraviš most" i tako sam i uradila – ispričala nam je ova hrabra Tuzlanka.



Mevlidini klijenti pretežno će biti ljudi sa područja nekadašnje Jugoslavije, pa nas je interesiralo šta ona sa svojim kolegama može tim ljudima ponuditi.



-U ovom digitalnom svijetu u kojem živimo mnoga osiguranja nude sve i svašta i ljudi su naprosto zbunjeni. Dakle, njima je potrebno da imaju dobre i sigurne informacije, a i sama sam na svom iskustvu vidjela da se to može jako dobro odraditi, da im se ponude jako kvalitetne informacije. Jako je bitno razgovarati „face to face“, ljudima sve objasniti do najsitnijeg detalja, a ja ću to svakako sa velikim zadovoljstvom uraditi. Mislim da sam na pravom mjestu i ovo je moj životni zadatak u ovom životu, ljudima biti na raspolaganaju za svaku informaciju po pitanju osiguranja, banke ili bilo čega još drugog, a što je pod našim okriljem – kazala je.

Mevlida Mujkanović Lida nalazi se sa svojim timom na adresi Hauptstrasse 39/41 u gradiću Hoffheim a koji se nalazi u blizini tri velika grada Frankfurta, Wiesbadena i Mainza.

Na njenoj promociji i novom životnom putu bilo je mnogo pozvanih gostiju, a ponajviše je bilo ljudi sa područja nekadašnje Jugoslavije.

(Bato Šišić)



[www.platformbih.nl](http://www.platformbih.nl) / [info@platformbih.nl](mailto:info@platformbih.nl)

**Naša Bosna** [www.platformbih.nl/nasa-bosna/](http://www.platformbih.nl/nasa-bosna/)  
Gouda, 01.11.2022.



[www.gfbv.web](http://www.gfbv.web)

[https://www.gfbv.de/fileadmin/redaktion/Reporte\\_Memoranden/2020/DokuSrebrenica062020Endfassung.pdf](https://www.gfbv.de/fileadmin/redaktion/Reporte_Memoranden/2020/DokuSrebrenica062020Endfassung.pdf)



## Bosanska kuća, Birmingham: Više od 100 djece u prvoj Sirijskoj dopunskoj školi u UK



**BH UK Network je otvorio vrata Bosanske kuće ove školske godine u Birminghamu za sirijske izbjeglice, djecu koja sada imaju prostor za dopunsku školu na svom maternjem jezku..**

Naime, koristeći dogodišnje iskustvo u organizovanju bh. dopunskih škola, BH UK Network je organizovao prvu dopunsku školu za sirijske izbjeglice u Velikoj Britaniji. Projekat je podržan od strane lokalne opštine Birmingham.

Svakog vikenda u prostorije Bosanske kuće dođe više od stotinu sirijske djece. Interes učenika je velik, te se nastava održava i subotom i nedjeljom. Nova školska godina je krenula početkom septembra ove godine, fakultativnog je karaktera i održava je šest učitelja. Svakako je fino vidjeti toliko mladih ambasadora Sirije u školskim klupama u Bosanskoj kući.

Upisana djeca podijeljena su u četiri grupe, prema nivoima znanja sirijskog jezika. Impresionirala nas je njihova zainteresovanost da se povežu s njihovim korijenima i koliko su ponosni na svoju kulturu i baštinu. Kako bismo pomogli nastavnicima koji rade s djecom izbjeglicama, BH UK Network je za njih osigurao materijale koji su ih osnažili za rad s djecom.

Očarao nas je optimizam učenika. Unatoč svim nedaćama s kojima su se suočavali, željni su istraživanja i učenja. Kao i sva druga djeca, i ova djeca imaju pravo na pristup obrazovanju na svom maternjem jeziku i ponosni smo što im je upravo BH UK Network pružio podršku u tom ostvarivanju.

Bh. dijaspora razumije probleme izbjeglica i prognanika, jer je veliki broj njih imao ovaj status po dolasku u UK. Organizovali smo se u bosanskohercegovačke dopunske škole širom Velike Britanije te smo danas mi te osobe koje mogu pomoći drugima i pokazati empatiju i solidarnost koju smo i sami dobili kad nam je trebala.

Lejla Solaković  
BH UK Network



*" The BH UK Network helps communities to develop, improving quality of life for over 10 000 Bosnian genocide survivors in the UK."*

Alija Behram

## MUGDIM KARABEG IKONA MODERNOG NOVINARSTVA I NAŠ MIMAR MIRA



U Čikagu (USA) umro je Mugdim Karabeg, dugogodišnji novinar i urednik „Oslobođenja“

## BIO JE IKONA MODERNOG NOVINARSTVA I NAŠ MIMAR MIRA

Rastužila nas je vijest da je danas u svom domu, u Čikagu (USA) u 93.oj godini, umro Mugdim Karabeg, dugogodišnji ugledni novinar i urednik dnevnika „Oslobođenje“. Bio je jedan od najboljih novinara koje je „Oslobođenje“ imalo u svojoj istoriji, ali i cijela tadašnja generacija medijskih djelatnika u BiH. Volio je ljude, bio otvoren, srdačan i pristupačan posebno mlađim kolegama, uvijek spreman da pomogne, da pruži mudar i koristan savjet. U mostarskom dopisništvu „Oslobođenja“, kao dugogodišnji urednik, pomogao je da se izgradi i podigne cijela jedna generacija novinara koji su sedamdesetih, osamdesetih godina i kasnije, sloveli kao ugledna novinarska pera u brojnim medijskim ustanovama kako u Mostaru, tako diljem BiH i bivše Jugoslavije. Njegove novinarske kolege bez ustezanja će reći da je Mugdim bio velika moralna i ljudska veličina. U svom dugogodišnjem novinarskom djelovanju, izgradio je vlastitu prepoznatljivu brazdu doprinosa u borbi za mir, saradnju i bratstvo među ljudima. To je bio razlog da ga Centar za mir i multietničku saradnju iz Mostara nagradi priznanjem Mimar mira. Čak i kada je, potpuno nedužan i samo zbog toga što se kao novinar 90.tih godina snažno zalagao za očuvanje multietničke i kosmopolitske supstance Mostara u nepodijeljenoj zajedničkoj BiH, državi svih njenih naroda i građana, uhapšen je od strane HVO i bio višemjesečni zatočenik njihovog kazamata u Dretelju. Nakon izlaska izu logora, odlučio je da bude bliže svojoj djeci i skrasio se u Sjedinjenim američkim državama.

Vječna mu slava,  
Spavaj mirno dobro čovječe !

## KULTURA

### PROMOCIJA KNJIGE GRABEŽ 1992–1993; TRGANJE OD ZABORAVA

**Adis Lizde**

27. novembar 2022.

**Velika čast mi je bila biti moderator / promotor knjige “Grabež 1992-1993; Trganje od zaborava” gospodina Mirsada Selmanovića. Uvaženi gospodin Selmanović je bio komandant 501. brigade, potom načelnik Štaba 5. korpusa.**

**Odavno mi nije promocija duže trajala, a da sam kraće pričao 😊. Ne, nisam se “istrošio” sinoć na Danu državnosti, večeras sam uživao slušajući našeg gosta**



### PROMOCIJA KNJIGE GRABEŽ 1992–1993; TRGANJE OD ZABORAVA

**BiH FILM "PRAZNIK RADA" PRIKAZAN I U HOLANDIJI**

Klix.ba

**Film "Praznik rada" Pjera Žalice**

Na 14. Eastern Neighbours Film Festivalu održanom u Den Hagu od 28. novembra do 4. decembra 2022. prikazani su najbolji filmovi iz Istočne i Jugoistočne Evrope i dva igrana filma iz Bosne i Hercegovine: film reditelja Pjera Žalice "Praznik rada" i Aide Begić "Balada". Ovi filmovi su imali premijeru u avgustu protekle godine na poznatom Sarajevskom Film Festivalu.

Film "Praznik rada" je već osvojio nekoliko međunarodnih nagrada. Bio je najbolji na festivalima u Varšavi i Ljubljani. Inače, ovom filmu upućeni su već brojni pozivi širom svijeta za učešće na smotrama i festivalima igranog filma. Očekuje se da će se i u sljedećim mjesecima okitati još nekim značajnim priznanjema, što će govoriti da ovo ostvarenje posjeduje značajne estetske kvalitete. Sličan put ima i film Aide Begić sa pozivima da učestvuje na festivalima van BiH prostora, Poslije filmova Gori vatra i Kod amidže Idriza Praznik rada na neki način završava priču o posljednjem ratu u BiH. Publika i stručna javnost je film ocijenila vrlo visoko, što potvrđuju i dosadašnje nagrade. U nedavno datom intervjuu sarajevskom Oslobođenju reditelj Pjer Žalica, između ostalog, kaže: "Praznik rada" želi da snažno upozori u kako ozbiljnoj situaciji se nalazimo, tu se ne može kalkulirati, kad su stvari dramatične, dramatične su. Ozbiljan problem zahtijeva ispravnu i brzu akciju. Ono gdje sam nastojao smjestiti neko osjećanje optimizma nalazi se u katarzičnoj snazi emocija. Znači, kada se isplaćete, osjećate se bolje, spremniji za izazove problema zbog kojeg ste i plakali. Eto, tako nekako vidim naš film, kao rame na kom ćemo se isplakati i onda spremnije da se suočimo sa problemima."

Na festivalu u Den Haagu svoje filmove iz Hrvatske imali su reditelji Alamat Kusijanovic, Ivana Skrabalo, Tiha K. Gudec, Vedrana Pribačić i Mitra Puhoski, Lana Barić, Sonja Tarokić, Branko Schmit i Srđan Kovačević. Specijalnu projekciju imao je i film preminulog reditelja Krste Papića Specijal trains čime se odala posebna počast ovom velikanu hrvatskoj i jugoslovenskog filma.

Prezentiran je i film Stefana Arsenijevića iz Srbije, film Visar Jusufija i Samir Karahoda sa Kosova itd. Ukupno je prikazano 50 ostvarenja iz 35 zemalja, a premijerno je prikazano 35 filmova što je za jedan festival izuzetno veliki broj.

Mujo Midžić

## **NAŠA BOSNA U DIGITALNIM BIBLIOTEKAMA HOLANDIJE I BOSNE I HERCEGOVINE**

Aktivnosti redakcije i urednika NAŠE BOSNE da se ovaj digitalni tromjesečnik uvrsti u bibliotečke fondove Holandije i Bosne i Hercegovine uspješno su okončane krajem novembra 2022 godine. Servisni centar u Holandiji, pri Nacionalnoj biblioteci u Den Hagu, izdao je internacionalni standardni serijski broj (ISSN). Ovim činom svi dosadašnji brojevi NAŠE BOSNE u digitalnoj formi su registrovani u bazi podataka u Depou Kraljesvke biblioteke. ISSN broj je:2949-9259. Dobijanjem ISSN broja NAŠA BOSNA je registrovana u ISSN međunarodnom registru u kojem se već nalazi preko 2,5 miliona serijskih publikacija. Inače, svaki ISSN je jedinstven identifikator za građu koja se periodično ili u nastavcima izdaje.. U svemu ovom, oko dobijanja broja, nesebicno nam je pomogla i viša bibliotekarka u Nacionalnoj i Univerzitetskoj biblioteci Bosne i Hercegovine u Sarajevu gosp. Anja Mastilović. NASA BOSNA je dobijanjem ISSN broja ušla i u bazu podataka Nacionalne i Univerzitetske biblioteke Bosne i Hercegovine, potraziti pod :<https://bh.cobiss.net/Cobiiss/bh/bib/26859526#full> Inace, citaocima je na raspolaganju i bez ogranichenja stranica izdavaca NAŠE BOSNE PLATFORMA BIH pod [www.platformbih.nl/nasa-bosna](http://www.platformbih.nl/nasa-bosna) , koja se može koristiti kao reporna u standardnoj evidenciji periodičnih digitalnih publikacija Nacionalne i Univerziteteke biblioteke BiH. NAŠA BOSNA je u digitalnom izdanju dostupna i u Zemaljskom muzeju u Sarajevu i Kulturno prosvjetnom udruženju Preporod u Sarajevu. Bosnjačkom Institutu-Fondaciji Adil Zulfikarpašić uručene su i fotokopije 75 brojeva lista (format A4) sa preko 3500 stranica. Iste ce biti pohranjene u biblioteci Fondacije i arhivu. Ovaj poklon dao je član redakcije Mujo Midžić, a u ime Bosnjackog instituta isti je u septembru 2022. godine preuzela gosp. Lejla Sijerčić, rukovodilac biblioteke.

M.Midžić

## **NAŠA BOSNA KAO ORGAN INFORMISANJA PLATFORME BiH NAMIJENJEN GRAĐANIMA BiH U HOLANDIJI SE PUBLIKUJE OD 2004. GODINE.**

Prva dva broja su objavljena pod nazivom Platforma List građana Bosne i Hercegovine u Holandiji.

<https://platformbih.nl/pdf/Nasa%20Bosna%201.pdf>

# Platforma

List građana Bosne i Hercegovine u Holandiji

Broj 1

august 2004



**Sjećanje na genocid Bošnjaka u Srebrenici pred Parlamentom u Den Hagu**

U nedjelju 11. jula 2004. je na trgu ispred holandskog parlamenta (Tweede Kamer) obilježena deveta godišnjica masovnog ubistva Bošnjaka u Srebrenici od strane srpskih vojnih postrojbi.

Na sredini velikog trga postavljeno je u krugu nekoliko visokih panoa koji su neodoljivo podsjećali na "sigurnosnu enklavu" Srebrenica. Sa panoa su se izdaleka mogla pročitati pitanja, zahtjevi i poruke: "Gdje su naši najmiliji?", "10.000 nestalih!", "Odvedeni su ispred naših očiju!", "Hoćemo istinu!", "Sudjenje i kažnjavanje zločinaca", "Holandski bataljon je saizvršilac!", "Premijer Kok je odgovoran", "1995-SREBRENICA IZRUČENA-POBIJENA-SILOVANA, 2004-SREBRENIČKE IZBJEGLICE SE PROTJERUJU IZ HOLANDIJE", "OČE, SVAKE NOĆI SANJAM DA ĆEŠ SE VRATITI!"

Ovim lapidarno sročnim uzvicima nije potreban poseban komentar.

A okolo su stajali ili hodali u tihom mimohodu Bošnjaci i Holandjani, rasporedjeni u jednom velikom krugu, koji su nosili bezbroj panoa sa natpisima: MRTVI SREBRENICE, POTOČARA, ŽEPE, ZVORNIKA, BRATUNCA, VLASENICE, NOVE KASABE,

Svi ostali brojevi su objavljeni pod nazivom NAŠA BOSNA List građana BiH u Holandiji.

<https://platformbih.nl/pdf/Nasa%20Bosna%2070.pdf>

# NAŠA BOSNA

List građana Bosne i Hercegovine u Holandiji

broj 70

NAMA VALJA IĆI DALJE, PREKO BRDA I DOLINA, I PO SUNCU I PO KIŠI, PREKO VODE DO SLOBODE!  
Almir Dervišević

## PROTEST U BRISELU ISPRED INSTITUCIJA EVROPSKE UNIJE BRISSEL 10. JANUAR 2022.



**ZAJEDNO SMO BOSNA – ZAJEDNO SMO JAČI**

DzK



**Nazif Veledar****Prof.dr. REDŽIĆ SULEJMAN – GODIŠNJICA MISTERIOZNE SMRTI  
Zašto šute Asocijacija nezavisnih intelektualaca “Krug 99” i ANU BiH?**

**U ZNAK SJEĆANJA, povodom 10 godina od misteriozne smrti, sinonima i vrhunskog borca za cjelovitu i nedjeljivu, građansku Republiku Bosnu i Hercegovinu, akademika Akademije nauka i umjetnosti Bosne i Hercegovine (ANUBiH), predsjednika Asocijacije nezavisnih intelektualaca "Krug 99" sa sjedištem u Sarajevu, vrhunskog intelektualca i naučnika svjetskog formata prof. dr. Sulejmana Redžića, koji je okončao svoj život 2013. godine pod veoma nejasnim okolnostima, koje nisu nikada rasvijetljene, objavljujemo ovaj tekst iz ENCIKLOPEDIJE BOŠNJAKA autora dr. Nazifa Veledara:**

**REDŽIĆ, Sulejman (Selišće kod Jajce, 1. 2. 1954 – Sarajevo, 2013; nakon misterioznog nestanka ukopam je 23. 1. 2013. godine u mezaristanu „Bare“ u Sarajevu),** akademik, univerzitetski profesor, doktor nauka, naučnik svjetskog formata, stručnjak iz oblasti ekologije i zaštite čovjekove okoline, patriota, slobodni intelektualac, predsjednik Asocijacije nezavisnih intelektualaca Krug 99, ugledni botaničar i ekolog, humanista bez premca, pedagog, ljudska i intelektualna gromada, čovjek-institucija, i što je najvažnije, veliki i dobar čovjek i prijatelj za divljenje i trajno poštovanje. Rođen je u Selišću kod grada Jajca, u kojem je, u blizini Travničke kapije u glavnoj ulici, početkom XIX stoljeća, hadži Jusuf Mulalić (preselio na ahiret na putu za Mekku, 1891. godine) podigao musafirhanu i u njoj uspostavio tekiju (Musafirhana i tekija su radile do 1878. godine). Gimnaziju je završio u Jajcu, a potom studij biologije na Prirodno-matematičkom fakultetu na Odsjeku za biologiju Univerziteta u Sarajevu, 1978. godine. Zaposlio se kao asistent na Biološkom institutu Univerziteta u Sarajevu, a nakon odbrane magistarskog rada 1984. godine, izabran je za višeg asistenta na Odsjeku za biologiju Prirodno-matematičkog fakulteta. Doktorirao je na istom fakultetu, 1990. godine, na temu Šumske fitocenozе i njihova staništa u uslovima totalnih sječa. Biran je u sva naučna i nastavna zvanja na matičnom fakultetu. Nevjerovatan je broj stručnih specijalizacija koje je pohađao: Odjel Geobotanike i ekologije biljaka u Zavodu za botaniku Prirodoslovno-matematičkog fakulteta na Sveučilištu u Zagrebu, 1988; Royal Botanic Garden, Edinburgh, 1997; University Botanic Garden, Cambridge, 1997. i 2005; Department of Ecological Botany, Uppsala University, 1998; Botanic Garden and Department of Vegetation Ecology, Università La Sapienza di Roma, 1999; Dat Naturvidenskabelige Fakultet, Kobenhavns Universitet, 2000; Faculty of Science, University of Kingston, 2000; Ege Tarımsal Araştırma Enstitüsü, Izmir, 2003; Universitat Politècnica de Catalunya, Barcelona, 2007; Department of Pharmaceutical Sciences, University of Graz, 2007; Fatih Üniversitesi, İstanbul, 2007; Orto Botanico dell'Università di Pisa, 2009. i dr.

Bio je redovni profesor i dekan Prirodno-matematičkog fakulteta u Sarajevu, šef Katedre za ekologiju i zaštitu prirodne okoline; znanstvena područja: ekologija i zaštita životne sredine. Pored nastavnog rada na matičnom fakultetu, predavao je i na sljedećim visokoškolskim ustanovama: Farmaceutskom i Arhitektonskom fakultetu u Sarajevu, te njihovim odjeljenjima u Tuzli, Visokoj zdravstvenoj školi u Sarajevu i Biotehničkom fakultetu u Bihaću. Bio je predsjednik Kruga intelektualaca '99., te član Društva ekologa Bosne i Hercegovine, Biološkog društva Bosne i Hercegovine i International Ecological Society. Sjećamo ga se kao voditelja i stručnjaka televizijskog serijala Prirodna baština Bosne i Hercegovine.

Njegova naučna istraživanja obuhvataju nekoliko oblasti: ekologiju, botaniku i biogeografiju. Pisao je o ljekovitom bilju, prirodnim resursima, ekološkom planiranju, održivom razvoju, etnobotanici i dr.

Bibliografija njegovih radova sadrži preko 700 jedinica. Objavio je preko 270 naučnih radova i brojne stručne i popularne članke. Mnogo je citiran. Njegovi znanstveni radovi se navode u brojnim svjetskim bazama podataka i citirani su u mnogim znanstvenim časopisima i knjigama domaćih i stranih autora. Autor je 15 knjiga i monografija, kao i 5 monografija koje se nalaze u međunarodnoj bazi podataka, kao i velikog broja naučnih radova monografskog karaktera i originalnih naučnih i stručnih publikacija, koje su se u značajnoj mjeri odnosile na prostor Dinarida. Osnivač je Centra za ekologiju i prirodne resurse Prirodno-matematičkog fakulteta Univerziteta u Sarajevu (koji danas nosi naziv „Akademik Sulejman Redžić“) i Laboratorije za palinologiju pri Centru za ekologiju i prirodne resurse Prirodno-matematičkog fakulteta u Sarajevu – prve takve vrste u Bosni i Hercegovini. Bio je redovni član ANUBiH, i jedini predstavnik iz Bosne i Hercegovine međunarodnog globalnog projekta Ujedinjenih nacija – Millennium Ecosystem Assessment, projekta koji je uključivao naučnike iz skoro 200 država.

Objavljene publikacije: Šumske fitocenoze i njihova staništa u uslovima totalnih sječa, Sarajevo: Biološki institut, 1988; Biologija za 1. razred gimnazije (s T. Bačić i R. Erben), Sarajevo: Sarajevo Publishing, 2003; Ekološki sistemi i modeli (s H. Bašić, S. Barudanović), Sarajevo: Grafika Šaran, 2009. Uredio je publikacije: Uravnoteženi razvoj – put u budućnost (s D. Šoljan), Sarajevo: Fondoko, 1996; Bosna i Hercegovina – zemlja raznolikosti: pregled i stanje biološke i pejzažne raznolikosti Bosne i Hercegovine: prvi izvještaj Bosne i Hercegovine za konvenciju o biološkoj raznolikosti (sa S. Barudanović i M. Radević), Sarajevo: Federalno ministarstvo okoliša i turizma, 2008; Bosnia and Herzegovina – land of diversity: overview and state of biological and landscapes diversity in Bosnia and Herzegovina: first national Report of Bosnia and Herzegovina for the Convention on biological Diversity (S. Barudanović, M. Radević), Sarajevo: Federal Ministry of Environment and Tourism, 2009; Upravljanje animalnim otpadom i održivi razvoj. zbornik radova, Sarajevo: ANUBiH, 2012; Simpozijum – Panel “Darwin danas”: povodom 200-godišnjice rođenja i 150-godišnjice “Postanka vrsta”: zbornik radova (s Lj. Berberovićem), Sarajevo: ANUBiH, 2010; Drugi međunarodni kolokvijum Biodiverzitet – teorijski i praktični aspekti: zbornik radova, Sarajevo: ANUBiH, 2012. Naučne i stručne radove objavio je u brojnim časopisima i publikacijama, od kojih izdvajamo: Studio Botanica, Studies in Plant Ecology, Annali di Botanica, In vegetation science in retrospect and perspective, Plenary lecture at the XI Optima Meeting, Ecology of Food and Nutrition, Collegium Antropologicum, Biologia i dr.

**Akademik prof. dr. Redžić je završio svoj život 2013. godine pod veoma nejasnim i misterioznim okolnostima, koje nisu nikada rasvijetljene. Ali, ne zaboravimo riječi fracuskog romanopisca i osnivača naturalističkog pravca Emila Zole, koji veli: “Ako istinu duboko zakopamo u zemlju, istina će sopstvenom snagom izbiti napolje.”**

Akademik Akademije nauka i umjetnosti Bosne i Hercegovine (ANUBiH) i predsjednik Asocijacije nezavisnih intelektualaca „Krug 99“ sa sjedištem u Sarajevu, prof. dr. Sulejman Redžić, 7. januara 2013. godine, dvadesetak minuta prije 15 sati, izašao je iz svoje kuće u svoju redovnu popodnevnu šetnju Starim Gradom (Sarajevo); po tvrdnjama rodbine nije krenuo u prirodu. Njegovo mrtvo tijelo pronađeno je, skoro 15 dana poslije, 21. januara 2013. godine, u teško pristupačnom kanjonu Miljacke u rejonu Lapišnice, na putu Sarajevo – Pale. Dvadesetak metara od tijela pronađena je njegova jakna, u čijem je džepu bio njegov pasoš (po izjavi supruge prof. dr. Amire Redžić, profesorice na Medicinskom fakultetu u Sarajevu, izgubio je ličnu kartu pa je nosio pasoš) i oko 150 eura. U blizini tijela nađen je njegov šal, budući da je taj dan, kada je prijavljen nestanak akademika Redžića, u Sarajevu bila susnježica i temperatura oko nule. Na livadi pored litice kojom se spušta u kanjon nađeni su ključevi. Prema službenim informacijama iz tužilaštva i policije, smrt akademika Redžića nije nastupila nasilno.

Zbog postojanja mnogih nelogičnosti oko smrti akademika Redžića, mnogi su izrazili sumnju u okolnosti smrti, i razmišljaju, o mogućnostima, da se desila nasilna smrt, jednog od najvećih bosanskohercegovačkih intelektualaca, akademika prof. dr. Sulejmana Redžića, i ne slažu se sa zvaničnim nalazom vještaka sudske medicine, dr. Hamze Žuje koji je obavio prvu obdukciju i kazao da na tijelu „nema tragova nasilja treće ruke“. Sumnju je izrazio i američki Bosanski kongres. Kongres je

iznio i zamjerke na račun Asocijacije nezavisnih intelektualaca "Krug 99", ali i na račun akademske i političke zajednice u Bosni i Hercegovini.

"Ubijeđen sam 100 posto da je moj brat ubijen. Ko ga je ubio, to bi trebali utvrditi nadležni organi. Svih ovih godina nama niko ništa ne govori, baš kao da nije pronađen mrtav čovjek", kaže Izet Redžić, brat rahmetlije akademika Sulejmana Redžića, a on je njegovo beživotno tijelo vidio neposredno nakon što su ga pronašli.

A, ako razmišljamo, moramo se pitati, kako je akademik Redžić dospio u potok i kako se može čovjek utopiti u potoku? Jedino ako se okliznuo, udario glavom u stijenu pa se onesvijestio, potom pao u potok, tako, da mu je lice upalo u vodu potoka, i pod uslovom da nije imao snage da malo pomjeri lice da bi mogao disati. Ali, u tom slučaju bi imao tragove udaraca u glavu, koji ne postoje. Druga mogućnost je, da mu je neko na silu držao glavu pod vodom u potoku. Da li je ta varijanta u suglasju sa povredama na tijelu? Naime, pronađene su modrice (podljevi krvi) na njegovim nadlakticama i potkoljenicama, za koje niko ne može kazati da nisu tragovi nasilja, ako mu je neko držao glavu pod vodom u potoku (Na fonu tog razmišljanja je američki Bosanski kongres, ali i brojni prijatelji i poznanici akademika Sulejmana Redžića; pa, za mnoge, smrt je nastala nasilno).

Uviđajem je rukovodio tadašnji okružni tužilac u Istočnom Sarajevu Mirza Hukeljić, koliko znamo danas državni tužilac. Nakon uviđaja i obavljenog vještačenja Okružno tužilaštvo je donijelo odluku da se istraga ne pokreće.

Postavlja se pitanje, kako je akademik Redžić dospio do Lapišnice, jer od njegove kuće do Lapišnice ima više od 10 km, a nije pronađeno na putu nijedno napušteno vozilo? Drugo pitanje, do mjesta na kojem je pronađeno njegovo beživotno tijelo, akademik Sulejman Redžić nije mogao nikako doći pješice, jer je terenu nemoguće na taj način pristupiti, klizav je i teško pristupačan? Ko mu je skinuo jaknu? Gdje su nestali kamera i mobitel koje je akademik nosio sa sobom? Zašto Asocijacija nezavisnih intelektualaca „Krug 99“ nije odmah organizirala vanredne sjednice i konferencije za štampu povodom misterioznog nestanka akademika ANUBiH i predsjednika Asocijacije nezavisnih intelektualaca „Krug 99“ prof. dr. Sulejmana Redžića? Zašto to isto nije učinila ANUBiH?

Zašto to isto nisu učinile „bošnjačke“ organizacije? Zaštooooo? Zašto Asocijacija nezavisnih intelektualaca „Krug 99“ uporno šuti o smrti svoga predsjednika? – pitaju se mnogi, a između ostalih i američki Bosanski kongres.

No međutim, akademik Redžić nije bio, samo, vrhunski intelektualac i naučnik, nego, što je i najvažnije u ovom slučaju, bio je veliki patriota. Kao predsjednik Asocijacije nezavisnih intelektualaca "Krug 99" postao je, svojim neumornim radom, bitan faktor i sinonim za očuvanje cjelovitosti države Bosne i Hercegovine. Pa, možda, „u tom grmu leži zec“.

**Javnosti radi, iznosimo njegov stav o Dejtonu objavljen u „Avazu“ 21. novembra 2011. godine: „Dejtonski sporazum je, dodaje on, bez imalo ograničenja i političke moralnosti ugasio tadašnju legalnu državu Republiku Bosnu i Hercegovinu i lansirao Republiku Srpsku u njenim političkim i geografskim koordinatama.**

To je, po mišljenjima mnogih, bio najviši oblik licemjerstva tvoraca mirovnog Dejtonskog sporazuma. Uz to, ostali dio Bosne i Hercegovine nazvan kao Federacija je u tolikoj mjeri decentraliziran da se teško mogu provoditi elementarne funkcije državnosti i na taj način Dejtonski sporazum je dao šansu snagama i centrima političke moći da je i dalje decentraliziraju i slabe njene vitalne funkcije“, kazao je Redžić.

S druge strane, istaknuo je, Republika Srpska je u cijelosti centralizirana i jednostavnije može da ostvaruje svoje funkcije, preuzimajući veoma često i funkcije države Bosne i Hercegovine.

Redžić smatra da postoje različita mišljenja i stavovi u vezi s postizanjem održivog rješenja za Bosnu i Hercegovinu (BiH). Jedno je da se BiH preuredi po novim principima i da se pri tome neutralizira političko djelovanje entiteta na dobrobit države Bosne i Hercegovine 'što je veoma teško izvjesno zbog nepostojanja političke volje i naraslih nacionalističkih djelovanja u gotovo svim dijelovima Bosne i Hercegovine“.

„Ili, jedno od rješenja jeste i pokušaj povratka na Ustav Republike Bosne i Hercegovine u preddejtonski period“, kazao je Redžić, dodajući da je Dejtonski sporazum takva tvorevina da ga je izuzetno teško mijenjati iz perspektive nakon 16 godina.” (kraj citata iz “Avaza”)

„Pri tome oni nemaju problema da priznaju da bi Dayton 'trebao biti ništavan'. Budući da bi Dayton trebao biti ništavan, građanski Ustav Republike Bosne i Hercegovine bi onda trebao biti na snazi. Ali prema "intelektualcima" iz Kruga 99 to se ne pika, jer oni kažu da je Bosna i Hercegovina unikatna država.

**A po čemu je BiH "unikatna" ako su sve druge države iz okoline - Srbija, Crna Gora, Sjeverna Makedonija, Hrvatska izašle iz Jugoslavije kao multietničke republike kao i BiH? "Nezavisni intelektualci" iz Kruga 99 ne primjećuju ni da sve te druge multietničke države imaju građanske ustave. Kako se mogu smatrati ikakvim intelektualcima ljudi koji u jednom pasusu naprave toliko kontradikcija?“** - pitaju iz američkog Bosanskog kongresa.

Uostalom, u oficijelnoj verziji na engleskom jeziku Deytonskog mirovnog sporazuma (nametnutom Ustavu Bosne i Hercegovine), preciznije Aneksu 4 Deytonskog mirovnog sporazuma ne postoje nikakvi „konstitutivni narodi“. **U Preambuli Aneksa 4 Deytonskog mirovnog sporazuma se govori o „constituent people“ a ne o „constitutive people“. Razlika između riječi „constitutive“ i „constituent“ je ogromna.**

Mi ne znamo okolnosti pod kojima je nestao akademik Sulejman Redžić, ali znamo da je bio vrhunski borac za cjelovitu i nedjeljivu, građansku Republiku Bosnu i Hercegovinu, da je, kao takav, imao neprijatelje među akterima velikosrpske politike i među onima koji su bili za opciju “udruženog zločinačkog poduhvata” (UZP), sukoba Armije RBiH i HVO-a i HV-a, tj. za velikohrvatsku politiku; za one koji su pokušali nasilno odvajanja dijelova Bosne i Hercegovine i njihovo pripajanje susjednim državama; i, naravno, među njihovim trabantima u vlasti u Sarajevu, Banjoj Luci i Mostaru.

Nama je jasno, da samo objektivno vještačenje i objektivna istraga mogu otkriti istinu, a mi na osnovu dostupnih činjenica, samo možemo, o sudbini akademika Sulejmana Redžića, razmišljati. Ali, kako stvari stoje ne očekujemo da će se ovaj slučaj razjasniti, niti da ćemo dobiti odgovore na postavljena pitanja. A, Izet Redžić, brat rahmetlije, kaže “da ne gubi nadu da bi istraga o smrti akademika Sulejmana Redžića nekad mogla biti pokrenuta”.

99Sanja Seferović Drnovšek, Ferid Cengic en 97 anderen  
45 opmerkingen  
8 keer gedeeld

## Održano predstavljanje knjige „100 stolačkih habera“ 5. januara 2023.



Večeras je u Šarića kući, u organizaciji BZK „Preporod“ Stolac, održano predstavljanje knjige *100 stolačkih habera* autorice Klare Polak Poljarević. Promotori su bili: prof. dr. Fahrudin Rizvanbegović, prof. dr. Alija Pirić i prof. Mensud Medar, dok je program vodila Esmā Džiho.

### Sadeta Šabić

15-11-22

### ENES KIŠEVIĆ



Bosna i Hercegovina bila bi ljepša bez ovog “i”

### OPORUKA

Kćeri i sinovi moji,  
Ne dijelite se u kući

koju vam ostavljam,  
ona će i poslije vas ostati.  
Spomenite se pri objedu  
da će još neko iz tih posuda jesti.  
Usta otvarajte jednako za istinom  
kao što ih za kruhom otvarate.  
Ne dopustite novcu  
da bude vredniji od vas.  
I kad padate u blato,  
padajte kao sunce.  
Budite dobri prema vodi:  
spomenite se Majčine utrobe  
koja vas je s vodom donijela.  
Spasite zrak svoga tehničkog uma,  
jer nema tog izuma  
koji će vas naučiti živjeti bez zraka.  
Hranite radoznalost.  
Hranite ljepotu.  
Hranite ljubav.  
Putujte.  
Govorite jezik naroda  
u kom se zadesite,  
ali se vraćajte korijenju  
kao potoci izvoru svome.  
Dotičite svoje riječi rukama.  
Ne otuđujte se od prirode.  
Činite dobro i njoj i ljudima.

Spomenite se:  
da ste iz ništa došli,  
da se u ništa vraćate,  
i da ništa nije dragocjenije  
od života  
koji u trajno naslijeđe  
ostavljate svijetu.  
I ne žalite za mnom.  
Žalite za mojim neznanjem.  
Dosta me je zemlja hranila,  
sad vrijeme je da ja zemlju hranim.

**Enes Kišević**

...

Nijaz Duric <nijaz.duric@gmail.com>  
di 8-11-2022 10:12

**Ismet Bekrić, neumorni stvaralac**

Ismet Bekrić je moj prijatelj i vrsnjak iz Banjaluke. Pripada plejadi uspješnih pjesnika, pjesme piše od rane mladosti. U velikom opusu ima pjesama antologijske vrijednosti. Evo jedne od pjesama neumornog stvaraoca Ismeta Bekrića, koju nam je ponudio Nijaz Durić.

## RIJEČI SU KAO LAĐE

### Ismet Bekrić

Nekad i riječi lijepe  
postaju pomalo ružne.  
Možda zbog nečeg strijepe.  
Možda su zbog nečeg tužne.

Pitaj ih, šta ih to boli?  
I što bi da se skvrče?  
Malo ih osokoli,  
pusti ih, nek se istrče.


A ako ti se čini,  
da gube svoje snove,  
sve vezi sa njih skini,  
neka slobodno plove.

Riječi su kao lađe  
koje širine vuku.  
Svaka će opet da nađe  
svoju najljepšu luku.

I tako, od luke do luke,  
odlaze, i nazad hrle.  
Riječi su kao ruke  
što svijet griju i grle.

## IK: Prepis Povelje Kulina bana dostavljen određenim muzejima i bibliotekama u Kanadi

by Copo Sejo 29/08/2022029



Povelja Kulina bana neupitno svjedoči kontinuitet bosanske državnosti, bosanskog jezika, bosanske pismenosti, bosanske historije, kulture i tradicije. Povelja je najveća, nepremostiva prepreka negatorima bosanske države i bosanskog jezika. Zbog tih državotvornih razloga ovaj dan treba proglasiti državnim blagdanom, a original Povelju vratiti tamo gdje joj je mjesto, u njezinu i našu Bosnu i Hercegovinu.

Povelja predstavlja i rodni list bosanske državnosti, najstariji poznati pisani dokument u historiji Bosne i Hercegovine koja ne samo da govori o genezi Bosne i Hercegovine, već i o pisarskoj službi koja je tada postojala, pismu i vezama s drugim državama. Zbog toga na Povelju Kulina bana treba uvijek podsjećati sve građane Bosne i Hercegovine, u matici i dijaspori i učiti mlade značaju koji ima ova Povelja, te po njoj nazvati mnoge institucije, ulice, trgove, građevine.

Na povelju Kulina bana treba podsjećati i prijatelje države Bosne i Hercegovine u svijetu. Imajući to u vidu prepis Povelje je dostavljen određenim muzejima i bibliotekama u Kanadi. Predlažemo da se slično odradi u svim državama, prijateljima Bosne i Hercegovine.

**Svim iskrenim bosanskohercegovačkim patriotima ma gdje bili na planeti Zemlji sretan 29.08., dan kada su potvrđeni bosanska državnost, bosanski narodni jezik i bosanska pismenost putem bosanske Povelje Kulina bana.**


**Institut za istraživanje genocida Kanada**





**DR. NAZIF VELEDAR: Povelja KULINA BANA rodni list države Bosne i Hercegovine iz “Enciklopedije Bošnjaka”**

PRENOSIMO 30. Augusta 2021.



**OD DANAS, 29. augusta/kolovoza, SLAVIMO ROĐENDAN NAŠE DRŽAVE BOSNE I HERCEGOVINE – POVELJA KULINA BANA RODNI LIST DRŽAVE BOSNE IZ “ENCIKLOPEDIJE BOŠNJAKA” autora dr. Nazifa Veledara:**

KULIN ban, bosanski ban 1180 – 1204. Vladao je Bosnom 1180 – 1204. Kao vladar Bosne („magno bano Bosine“) spominje se 1180. godine, u pismu papinog poslanika Teobalda, koji ga moli da pošalje papi dvije sluge i kože od kuna. Pismo je bilo adresirano „Kulinu velikom banu Bosne“, a započinjalo je riječima: „Plemenitom i moćnom mužu Kulinu banu Bosne“. Izrazi „veliki ban“ i „moćni muž“ (muž=vladar) znači da je bio cijenjen ne samo u Rimu, nego i u drugim zemljama.

Bio je razborit vladar i diplomata, tako da je vješto održavao dobre odnose sa okolnim zemljama i njihovim vladarima. Poznata historičarka za srednju vijek, profesorica Zagrebačkog sveučilišta, dr. Nada Klajić, koja je 1989. godine izdala knjigu „Srednjovjekovna Bosna“, je dokazala da Bosna nije nikad pripadala ni srpskim ni hrvatskim zemljama. Srednjovjekovna država Bosna je prema Nadi Klajić samonikla tvorevina. Ona je znanstveno dokazala da hrvatski i srpski historičari nemaju osnova da tvrde da je Bosna pripadala bilo kojoj strani. Ona tvrdi da je bosanska država najstarija među svojim susjedima. Godine 1183. prišao je antibizantskoj koaliciji pa je s Mađarima u ratnom pohodu stigao sve do Sofije. Kada se vratio u Bosnu donio je veliki ratni plijen pa je u Muhašinoćima kod Visokog sagradio dvije bogomolje, čiji su ostaci tek nedavno pronađeni. Kulin ban je 29. augusta 1189. izdao Povelju o slobodnoj trgovini na teritoriji Banovine (a kasnije Kraljevine) Bosne susjednoj državi Republici Dubrovnik. Postoje tri verzije teksta Povelje Kulina bana. Jedan primjerak je original, druga dva su kopije nastale u 12. i 13. stoljeću i danas se nalaze u Dubrovačkom arhivu.

Prvi, najstariji primjerak Povelje Kulina bana, nastao u Bosni, izdat od Kulina bana, je pisan bosančicom, i to je stručno utvrđeno. Taj original Povelje Kulina bana nalazi se i čuva u rukopisnim zbirkama Biblioteke Akademije nauka Ruske Federacije u Sankt Petersburgu, pošto je ruski konzul Jeremija Gagić u XIX stoljeću, da ne kažemo ukrao, došao u posjed originala Povelje iz Dubrovačkog arhiva posredstvom pravoslavnog sveštenika Đorđa Nikolajevića kojeg je odnio u Rusiju gdje se i danas nalazi. Poveljom Kulin ban daje slobodu trgovanja dubrovačkim građanima po svojoj državi. U ovoj Povelji su tačno definirane granice Bosne i navodi se da ona ima svoga vladara, prijesto i jasno uređenu državnu vlast. **Povelja Kulina bana je prvi državni dokument pisan na bosanskom jeziku na području bivše Jugoslavije i jedan je od najstarijih pisanih državnih dokumenata u Evropi.**

Nastala je pola stoljeća ranije od povelje Nijemaca (prva povelja 1238/39), a samo nekoliko godina kasnije nego u Španiji i južnoj Francuskoj. (Vidi: Vladimir Ćorović, Bosna i Hercegovina, Beograd, 1940, str. 38) Povelja Kulina bana je pisana autentičnim bosanskim pismom bosančicom, kao što su i natpisi (tarihi) na stećcima (Nadgrobnni spomenici Bošnjana – stećci se vezuju za vrijeme Kulina bana, op. a.) urađeni na bosančici, najstarijem pismu na Balkanu, a upoređujući ćirilicu, bosančicu, Vulfilinu gotsko-biblijsku azbuku iz IV stoljeća, ilirsko pismo i runsko pismo dolazimo do zaključka, da su sličnosti bosančice i azbuke gotskog biskupa Vulfile (gotski biskup koji je bio arijanac) u mnogo čemu velike. U ovoj Povelji je starobosanski jezik kakvim su naši preci govorili prije više od 800 godina pa ima riječi koje su danas potpuno iščezle, kao: vladanija=država, kire=koji, od sele=od sada, godje=bilo, krjevati=kretati se, minuti=proći, zled=krivica, razvje=osim, kakore=kao, hoda=hodaju itd., pa promatrano sa lingvističkog stanovišta Povelja je dokument bosanskoga jezika.

Povelja je i pravni dokument međunarodnog bilateralnog karaktera i odnosi se na dvije države: Banovinu kasnije Kraljevinu Bosnu i Republiku Dubrovnik. Ovaj dokument svjedoči o visokoj pravnoj, diplomatskoj i ekonomskoj razvijenosti tadašnje renesansne banovine a potom Kraljevine Bosne. Povelja je izdata u Visokom, tadašnjem glavnom gradu države Bosne. To je najstariji u svijetu međunarodno-pravni ugovor o slobodnoj bescarinskoj trgovini. 29. augusta 2019. godine „Viteškom promenadom“ obilježena je 830. godišnjica Povelje Kulina bana, koja je upriličena u centru Sarajeva, glavnog grada države Bosne i Hercegovine. Organizator obilježavanja je Međunarodni centar za mir, a suorganizatori su Centar za kulturu i mlade Općine Centar, Collegium artisticum i KSC Skenderija. Ovaj performans na trgovima Sarajeva pripremio je Leonardo Valenta. U obilježavanju su učestvovali građani iz različitih gradova Bosne i Hercegovine. Između ostalih, u ovom obilježavanju učestvovali su i Vitezovi kraljevskog grada Jajca koje je predvodio Anđelko Barić. Veliki doprinos obilježavanju dao je internacionalni slobodni intelektualac Ibrahim Spahić.

Pojašnjenja radi navodimo: **Bošnjani, Bošnjani, Bošnjaci.**

**Izvor: narod.ba**

## KOJI SRPSKI I HRVATSKI ILI SRPSKO-HRVATSKI?



## KOJI BOSANSKI JEZIK?

Bosanski jezik je jedini jezik u svijetu koji je bio zabranjen dekretom jedne države tj. dekretom Austro-Ugarske Monarhije 1907. godine. Kako stoji u samom dekretu bosanski jezik, ima da se imenuje u buduće „SRPSKO-HRVATSKIM jezikom.“ Tada nije niko protestovao niti je smio protestovati protiv ove diskriminacije nad Bosnom, Bošnjacima i bosanskim jezikom.

Dok su srpski, i hrvatski jezici zapadne i istočne varijante bosanskog jezika dotle neodgovorni pojedinci iz crnogorskog, hrvatskog i srpskog naroda stotinu godina su krili činjenice i poricali bosanski jezik koji su prisvojili i predili mu ime.

Prvi RJEČNIK bosanskog jezika napisao je Muhamed Hevajje Uskufija 1631.godine, dakle 187 godina prije prvog srpskog rječnika.

Prvi RJEČNIK srpskog jezika napisao je Vuk Stefanović Karadžić 1818.godine. Srpski rječnik je nastao tako što je Vuk Karadžić prepisao bosanski rječnik. Taj rječnik Vuka Karadžića pisan je na ijekavici, i ono što je zanimljivo zove se RJEČNIK, a ne REČNIK kako danas Srbi izgovaraju.

U tom uveliko prepisanom rječniku iz BOSANSKOG RJEČNIKA Vuk je zapisao:

"bijelo" a ne "belo" , " lijepo" a ne " lepo", " mlijeko" a ne mleko" itd.

1917. godine pred ideju o stvaranju Jugoslavije javlja se prvi srpski REČNIK.

Bošnjaci imaju najstariju i najbogatiju kulturnu baštinu zato sa pravom čuvaju svoj bosanski jezik. Dok su srpski, hrvatski jezici zapadne i istočne varijante bosanskog jezika. Danas Srbi i Hrvati žele ukinuti termin bosanski jezik, jer bi ukidanjem imena našeg jezika, zauvijek bila izbrisano iz historije da su Srbi i Hrvati govorili bosanskim jezikom.

Piše: Bosanski prijatelj.

## Jusuf Omerika

### Sarajevski safari

Prije par dana pogledao sam dokumentarni film „Sarajevski safari“ koji je čini mi se u javnosti prošao baš kao i neki obični dokumentarni film o upadu vukova u tor ovaca negdje na Romaniji. Nisam zabilježio neke pretjerane reakcije niti kod „starih“ niti kod „novih“ političara. Valjda su svjesni da su na izborima dobili to što su dobili i ko će se bakćati sa tom teškom temom. Imaju preča posla. Ali eto nas obične smrtnike to itekako zaboli. Za one koji ne znaju film je snimljen po istinitim događajima u lovu na Bošnjake u opkoljenom Sarajevu. Nekad je ta evropska demokratska bogata klijentela išla na safari u Afriku ili Ameriku pa ako bi uz kojeg bizona ubila i po nekog indijanca nije bilo štete. Tako osta još nešto malo bizona ali ne osta niti jedan indijanac. Isto se dešavalo i sa crncima, domorocima i muslimanima (Alžiru).

Gledajući taj film sjetih se 93. i 94. godine i počеше mi kroz glavu prolaziti scene baš kao u tom filmu. Zapitah se Bože dragi pa i kod nas u Mostaru je isto tako postojao Mostarski safari samo što su lovci (možda) bili drugi, a lovina je bila ista. Jesu li moji prijatelji i saboraci Ekrem N. na Šemovcu, Zijo.M u Cernici ili Sejo S. u Šantićevoj i mnogi drugi ubijeni snajperskim hicem u lovu na Bošnjake. Je li mojoj komšinici Fati u toj krvavoj igri otkinuto pola uha snajperskim hicem samo zato što joj je taj lovac promašio glavu. Je li moj četverogodišnji sin bio lovina kad ga je za dlaku promašio hitac kad je dijete slučajno izletilo na ulicu. Naravno da su bili lovina jer su bili Bošnjaci, a njih možeš ubijati kako hoćeš i gdje hoćeš. Na desetine bošnjačke djece, žena i staraca nisu bili te sreće da prežive taj safari. (Žao mi je što u Mostaru nema knjiga o ubijenoj mostarskoj djeci). U tim demokratskim zemljama iz kojih su dolazili lovci odgovarat ćete za ubijenog međeda za ubijenog krmka ali za ubijenog Bošnjaka nećete. Nažalost mi i dalje nismo svjesni svoje nesvijesti kao da se to događalo negdje u Burundiju.

I onda nam se javi tamo neki kočijaš Zoki i veli da bi Bošnjaci trebalo da koriste malo više sapun i vodu aludirajući na to da smo mi prljav narod. A zna on dobro dok se smrdljiva evropa gušila u vlastitom smradu Bošnjaci su imali javna kupatila, a većina je u kućama imala ugrađene hamandžike (kupačila) sa urađenim odvodom. Dok su oni proizvodili najbolje parfeme da bi prikivali vlastiti smrad Bošnjaci su se umivali bar pet puta na dan. A ti Zoki, čim zineš nas tvoj smrad guši. Zagađuješ okolinu i ovi ekolozi bi te trebali zabraniti kao TE. Samo da znaš neću te više zvati kočijaš jer to nije hrvatska riječ. Zvat ću te „visoko sjedeći pod rep konju gledeći gospodin“ što je u prevodu kočijaš. I još nešto, ako nastaviš sa lajanjem zvat ću te furman, a to ću ti prevesti kasnije. Kad te već spominjem, mada mi je od toga muka u stomaku i imam određeni nagon, moram ti odgovoriti na tvoje gluposti kako ste vi oslobodili BiH. Evo da nisam bio lični učesnik rata u Mostaru možda bi mi mogao i prodati ono pod ono ali provjeri malo kako su se provele splitska i osječka brigada koje su nas napadale. Znaš ti dobro da nije bilo vas davno bi mi oslobodili BiH. Ali na jednom ti moram zahvaliti, zahvaljujući tebi i takvim kao ti ja više nisam lovina ja sam zvijer jer spavam sa jednim uhom načulnim i jednim okom otvorenim.



**Jusuf Omerika**

### **Promocija knjige “Kada jama progovori” Jusufa Omerike**

September 28, 2022 By [Mithad M.](#)




### Književni kutak

“Večeras je u Mostaru bila promocija knjige **“Kada jama progovori”** Jusufa Omerike. Nije bilo lahko napisati jednu poemu kao što je ova, nije bilo lahko slušati o ovoj knjizi, a neće biti lahko ni čitati je, al moramo. Moramo je čitati i znati o stravičnim stradanjima Bošnjaka iz Nevesinja, pričati o tome. Nije se još pojavio neki novi Skender Kulenović da napiše poemu o majci Emini Ploskić kojoj su ubili tri sina i pet unučića. Zato hvala gospodinu Jusufu Omerika za hrabrost da napiše ovu knjigu, u koju je uložio ogromnu emotivnu snagu.

Hvala Narodnoj biblioteci Mostar za promociju knjige i gospodinu Omer Mičijeviću!

Piše: Edhija Mahić.

**“Kad jama progovori” – Autor Jusuf Omerika,**  
stihove govori Elmedina Maglajlija-Hodžić







P.E.N. CENTAR U BOSNI I HERCEGOVINI | PEN  
CENTRE OF BOSNIA & HERZEGOVINA

OBJAVIO SEKRETAR POEZIJA15 NOVEMBRA, 2022

## GORAN SARIĆ: PREPJEVANE ISPOVIJESTI



**Goran Sarić**

[View Profile](#)

*Čak ni kad gledam film, ne mogu mirno da slušam fijuk bombi i granata. Zato što sam videla kako ljudi umiru. I kada sad čitam da je negde rat, da negde ponovo ubijaju decu, dođe mi da vrištim iz sveg glasa na ceo svet: Ne! Ne! Toga ne sme biti... Zašto smo se onda tako mučili?*

*Zašto su umirala u proleće tako mlada deca? Sećam se da je najteže bilo gubiti ljude u proleće, kad su cvetale bašte...*

*Svetlana Aleksijević: Rat nema žensko lice*

Ove pjesme inspirisane su ispovijestima (anti)junaka iz knjiga nobelovke Svetlane Aleksijević *Černobilska molitva* i *Rat nema žensko lice*. Osnovne situacije su, kao inspiracija, šok, preuzete iz ispovijesti u navedenim knjigama. No, to je bio samo predložak.

Ostalo je dogradila moja mašta. Tako su ove žestoke priče, prepjevane, ostale u meni. Kao *eho tuđeg bola*.

**Goran Sarić**

---

### **Lice rata, lice nevinosti**

Došli su i pogubili cijelo selo.  
Samo,  
na čizmama utabanom putu,  
roze cuclica.

### **Stella mortis**

*Kad su polazili u vojnu –  
- kao da na svadbu idāše! -  
žene su mahom plakale.  
Mi, djeca, nismo.  
Svidjela nam se dugmad na epoletama.*

*Poslije sam ih,  
sanitetlička,  
skupljala po bojištu.*

*Svjetlucaju još,  
u blatu i mom sjećanju,  
ta pucad,  
stella mortis.*

### **Grižnja savjesti**

,Dobro se sjećam:  
veče pred bitku,  
kraj vatre,  
uz votku tjeramo strah.  
Kleberimo se,  
glumatamo.  
Samo će jedna –



mladica! -  
u žar i iskre zagledana,  
sasvim tiho:  
*"Sutra sam gotova.  
A blato,  
svuda na meni.  
Hajde da, zorom,  
zatražimo čisti veš."*

I danas me to proganja:  
ja ostadoh živa,  
a one sve,  
tog jutra.  
odoše.

Barem su pale  
u čistome vešu.

### Goran Saric

9. december om 11:30

Mlada spisateljica Lana Bastasic ("Uhvati zeca") dala je intervju holandskom dnevnom listu NRC Handelsblad, iz koga izdvajam ovaj dio:  
Hoe dan verder?

„We leven in tijden waarin feiten niets betekenen, waarin meningen heilig zijn. Een docent geschiedenis aan de universiteit van Belgrado vertelde me onlangs dat hij zijn studenten allerlei documenten geeft, feiten over de oorlog. Maar de mythe van de samenzwering tegen ons blijft bestaan.

„Het voordeel van opgroeien in een land als Bosnië is dat je nooit iets als vanzelfsprekend beschouwt. Mijn ouders dachten dat ze het voor elkaar hadden, ze hadden spaargeld, een huis. Niemand dacht dat er een oorlog zou komen. Daarom moet je op je hoede zijn – elke dag weer.”

Prevod:

Kako dalje?

„Živimo u vremenima u kojima činjenice ne znače ništa, u kojima su mišljenja svetinja. Profesor istorije na beogradskom univerzitetu nedavno mi je rekao da svojim studentima daje svakojake dokumente, činjenice o ratu. Ali mit o zavjeri protiv nas i dalje postoji.

„Prednost odrastanja u zemlji kao što je Bosna je ta što nikada ništa ne uzimate zdravo za gotovo. Moji roditelji su mislili da su sve sredili, da imaju ušteđevinu, kuću. Ntko nije mislio da će biti rata. Zato morate biti na oprezu – svaki dan.”

Roman "Uhvati zeca" je na hol. jezik odlično preveo moj mladi kolega Pavle Trkulja.

## Sanja Seferović Drnovšek

etSpronodsi15c8m92fcu54mi5245hi722hci96u96l9ma021uau98a2umf1 ·

Belma Islamović, internacionalna motivaciona govornica, govorila je 26. novembra 2022. prvi put na bosanskom jeziku i prvi put među Bosancima i Hercegovcima o dokumentarnom filmu o njenom životu "Forgiving the Unforgivable" ("Oprostiti neoprostivo") koji je prikazan u svečanoj sali regionalne Salzer biblioteke u Čikagu u organizaciji "Sedina Bazar", Bosanske biblioteke Čikago, i BiH Production. Potresna priča i film o ljudskim patnjama tokom Agresije na Bosnu i Hercegovinu i genocida nad Bošnjacima 1992-1995 godine od strane susjednih država Srbije, Hrvatske i Crne Gore, kada je i mlada djevojka Belma izgubila obje ruke u razrušenom, granatiranom Mostaru gdje je živjela, je uzбудila posjetioce u biblioteci, i vratila ih u vrijeme ratnih strahota kroz koje su i oni prošli. Okružena ljubavlju svoje porodice, muža, i vjerom u Alaha, kao izbjeglica u Teksasu, SAD, Belma je našla snage da oprost neoprostivo, da vjerom u bolju budućnost ulije snagu ne samo sebi, već i drugima koji su posustali u ličnoj borbi sa životnim preprekama koje su ih dovjele i do ruba života i pokušaja samoubistva.

Na mene je Belma ostavila snažan utisak, ispunila me novom snagom i vjerom da se može i najteže prebroditi i kad nam se čini nemogućim.

Sedina Salispahić Hajro, je pored njene inicijative da se dovede Belma Islamović i predstavi film o njoj u Čikagu, govorila i o drugim humanitarnim akcijama koje je vodila i vodi njena organizacija "Sedina Bazar", i pozvala posjetioce na saradnju.

Poželjela sam (Sanja Seferović Drnovšek), ispred Bosanske biblioteke Čikago, dobrodošlicu Belmi, njenom suprugu i svim prisutnima, čestitala Dan državnosti Bosne i Hercegovine- 25 novembar, i citirala člana Predstavništva BiH Željka Komšića na proslavi u Sarajevu:

"Ove godine navršava se 79 godina od formiranja Prve republike u istoriji državnosti Bosne i Hercegovine. Nakon dvije godine zajedničke borbe protiv fašizma i okupacije, kroz Narodnooslobodilački pokret, građani i narodi Bosne i Hercegovine su 1943. godine konstituisali narodnu vlast i proglasili Republiku, utemeljenu na vrijednostima antifašizma.

Time su izgrađeni temelji moderne državnosti Bosne i Hercegovine bez kojih ne bi bila moguća ni današnja Bosna i Hercegovina, niti je moguća neka buduća bez tih temeljnih vrijednosti na kojima je sagrađena".

Ibrahim Hodžić, BiH Production, snimio je intervju sa Belmom, organizatorima, i prisutnima na ovom događaju, koji su prikazani u emisiji RTV "Naša riječ".



**Nazif Veledar**

6.1.2023.

**IZ ENCIKLOPEDIJE BOŠNJAKA autora dr. Nazifa Veledara:****MUZAFERIJA, Zaim (Visoko, 9. 3. 1923 – Visoko, 5. 11. 2003), filmski, televizijski i pozorišni glumac.**

Rođen je u Visokom. Radio je kao profesor njemačkog i francuskog jezika. Prvu profesionalnu ulogu ostvario je 1961. godine u filmu Veljka Bulajića „Uzavreli grad“, za koju je nagrađen na filmskom festivalu u Puli specijalnom nagradom. Na istom festivalu nagrađen je Zlatnom arenom za ulogu u filmu „Stanica običnih vozova“ Nenada Dizdarevića. Kao glumac epizodista igrao je u preko 100 filmskih i televizijskih projekata. Na festivalu glumačkih ostvarenja u Nišu nagrađen je za uloge u filmovima „Praznik“ Đorđa Kadijevića i „Mali vojnici“ Bahrudina Bate Čengića. Sa Batom Čengićem je sarađivao i u TV drami "Jagoš i Uglješa", te u filmovima "Slike iz života udarnika" (1972), "Pismo-glava" (1983) i "Gluvi barut" (1990).

Posebne glumačke prefinjene kreacije ostvario je u pozorišnim predstavama diljem Bosne i Hercegovine: u tri „Hasanaginice“ Alije Isakovića, Mustafe Nadarevića i Nijaza Alispahića; u „Dervišu i smrti“ Meše Selimovića u režiji Nijaza Alispahića, u „Hamdibegu“ Harisa Silajdžića i u „Šehidu“ Zilhada Ključanina.

Nastupajući na pozorišnoj predstavi svoga sina Jesenka Muzaferije obilježio je 60 godina umjetničkog rada.

U svom posljednjem intervjuu, koji je dao za list "Oslobođenje", definisao je svojih 60 godina rada rečenicom: "Moj krug se zatvara". Samo četiri mjeseca poslije, 5. novembra 2003. godine Zaim Muzaferija je umro u krugu svoje porodice u Visokom.

Osim glumom Muzaferija se bavio i pisanjem poezije. Tokom agresije na Bosnu i Hercegovinu (1992-1995) pisao je dnevnik i poeme o ratu koje je recitovao širom svijeta, u Londonu, Milanu, Amsterdamu, Nürnbergu, te istovremeno pomagao na razne načine borcima ARBiH u i oko Visokog.

**IME ZLA**

Bili su nam drugovi, sugrađami, susjedi,  
Zvali smo se komšo, kume, jaro, prika,  
Braća jednog roda, jednak hljeb i voda,  
Munara i zvonik - zajednička slika.

I šta bi odjednom, nakon mnogo ljeta,  
Zaprijetiše smrću – ne možemo skupa,

Te nas biju, pale, ruše, kolju, sile,  
Gone čitav narod pred očima svijeta,  
Ne, sve to je malo, zločin je još veći.

Zar je samo zločin onaj što zaprijeti,  
Da će nestat butum jedan narod cijeli,  
Kakav je to dušman što s dalekih brda,  
Topovima prži – svoju pravdu dijeli,  
Domove nam ruši i kasapi djecu.

Je l' dovoljno ime, koljača-ubice,  
Što čarapom crnom krije svoje lice,  
I ne smije prići branitelju s puškom,  
Da se ogledaju na mejdanu muškom,  
Već u zbjegu gladnom starcu siječe prste,  
I zgurenoj neni urezuje krste.

Zar je pljačkaš samo ili palikuća,

Kad pokupi blago pozatvara vrata,  
Pa zapali kuću i čeljad još živu.  
Je li krvnik katil pod imenom pravim,  
Dok na drinskom mostu lokve krvi gaca,  
Jakoroče trga sa majčinih grudi,  
Za nožice hvata i dok ona ludi,  
Razbija mu glavu, u vodu ga baca.  
Krvolok i silnik, slabi atributi,  
Jer, dok grlo sina reže čelik ljuti,  
Dok bezčaste kćerku slovom svoga reda,  
Roditelja vežu – mora sve da gleda.  
Da l' sve da nazovem sladostrašćem krvi.  
Znam da ni te riječi nisam rek'o prvi,  
Slabe su mi nemoćne riječi i imena,  
Pa prizivam upomoć glas ognjišta pusta,  
Slušam šta bi rekla rahmetli mi nena,  
Da riječima grdanim ne pogani usta,  
Kao da je gledam, tiho suze roni,  
Pa uzdahne bolno – eh, onamo oni.  
(Zaim Muzaferija)

Veliki umjetnik veli: "Braća jednog roda, jednak hljeb i voda..." . A, "Letopis Matice srpske" (1825) piše: "Bošnjaci žive između Drine, Verbasa, Save, Dalmacije i Huma čislom 450.000, ispovjđano ili islam, ili su rimokatolici, ili pravoslavni.

U čast ovog velikog umjetnika, u Visokom se od 2003. godine redovno održava manifestacija "Dani Zaima Muzaferije" gdje se održavaju promocije kataloga, razne izložbe, pozorišne predstave, kao i okrugli stolovi te premijere najnovijih filmskih uradaka u Visokom.

## Suada Pasic ·

**Pridružite nam se u borbi protiv korupcije, 9.12.22.u 13.00h**





Suada Pašić

**Pridružite nam se u borbi protiv korupcije, 9.12.22.u 13.00h**

Restart - konkretno, transparentno i dosljedno

**PROTESTNA ŠETNJA povodom obilježavanja MEĐUNARODNOG DANA BORBE PROTIV KORUPCIJE.**

DATUM: 09.12.2022 god. LOKACIJA ZA START: "Vječna vatra" VRIJEME: 13 sati (okupljanje sa početkom od 12 sati). PROTESTNA ŠETNJA: Vječna vatra, Centralna banka BiH, BBI, Predsjedništvo BiH, Parlament BiH i na kraju OHR

Na protestima će biti izložena metalna uredska ladica sa predmetima visoke korupcije. Navedena ladica, očigledno namjerno izgubljena će biti dostavljena originalnom vlasniku - Tuzilastvu BiH

Zahtjevi za VSTV, Tužilaštvo i Sud Bosne i Hercegovine:

1. Zbog dosadašnjeg neefikasnog rada i nesankcionisanja visoko pozicioniranih političara povesti disciplinske postupke i u konačnici otpustiti sve sudije i tužioce (ili barem većinu). **TRAŽIMO DA SE UTVRDI POJEDINAČNA ODGOVORNOST;**

**2. Vratiti strane sudije i tužioce DA POČISTE NERED I NERAD**

**3. Staviti u fokus prijave korupcije protiv visoko pozicioniranih političara i njihovih satelita u javnim institucijama i firmama te da se istrage vode sa timom tužilaca! U tome kontekstu sačiniti informacije od javnog interesa o otvorenim i okončanim slučajevima visoke korupcije i napraviti je dostupnima na stranici VSTV-a. Ažurirati listu najmanje jednom mjesečno;**

**4. Disciplinske postupke koji se vode protiv sudija i tuzilaca voditi javno u prisustvu podnosioca prijave, u skladu sa članom 6. Evropske konvencije o ljudskim pravima, osim u slučajevima kada bi publicitet mogao nanijeti štetu interesima pravde. U tom slučaju oštećeni ima pravo prisustvovati ročištu uz obavezu čuvanja tajnosti podataka. Uvođenje posebnog tima stranih eksperata kao konsultante pri UDT jer je više nego očigledno da su disciplinski postupci koji trebaju biti korektiv rada sudija i tužilaca potpuno neefikasni i pod kontrolom političara;**

Neko daruje svoj organ da spasi tuđi život, neko daruje svoju krv drugome da pomogne, a ti, imaš li koji minut svoga vremena da daruješ?

Ti trebaš da daruješ 09.12.2022.godine, između 60-120 minuta svog vremena/života. Navedene minute su zanemarive ukoliko ćeš biti generator promjene, aktivan učesnik u borbi protiv korupcije, ako ne zbog sebe, učini to zbog drugog/ih, generacija koje dolaze nakon nas.

I ne reci nakon 09.12.2022.g., da ste imali želju da dođete i budete tu, jer Vaša želja ne mijenja ništa, dok Vaša odluka može promijeniti sve!!!

Zato 09.12.2022.g, BUDI TU da podržiš istinske borce protiv visoke korupcije SANJINA SINANOVIĆA i EMIRA MEŠIĆA!!!

## **ReSTART BiH**

### **Marina Lasic**

1.oktobar

**Probudi se  
nešto se dešava  
nemoj reći da to nisi znao  
i tvoja se sudbina rešava  
moglo bi ti jednom biti žao**

**Probudi se nešto se dešava  
kajaće se ko ovo prespava**

**Probudi se nešto se dešava  
ne mogu ti jasno reći šta je  
ni laž nije istina prava  
al' osetim dugo će da traje**

**Probudi se nešto se dešava  
kajaće se ko ovo prespava**

**Probudi se nešto se dešava  
u prostoru izvan naše volje  
od ljubavi neko nas spašava  
i govori da je tako bolje**

**Probudi se nešto se dešava  
kajaće se ko ovo prespava**

**Duško Trifunović**

### **Marina Lasic**

Čuješ li ezane  
Sa mog srca rane  
Meleci kad krenu

Pjevat' pjesmu njenu  
Upitah slavuja  
Kakve su mu boli  
Je l' daleko i njem'  
ona koju voli  
Aladža Aladža  
Ptica iz pepela  
Što se opet rađa  
Aladža Aladža  
Ljubav što ne oklijeva  
Što me njemu vraća  
Aman  
Što me njemu vraća  
Čuješ li ezane  
Sa mog srca rane  
Meleci kad slijeću  
Po šarenom cvijeću  
Upitah slavuja  
Kakve su mu boli  
Je l' daleko i njem'  
Ona koju voli  
Aladža Aladža  
Ptica iz pepela  
Što se opet rađa  
Aladža Aladža  
Ljubav što ne oklijeva  
Što me njemu vraća  
Aman  
Što me njemu vraća



YOUTUBE.COM  
Bozo Vreco-Aladza  
Sevdah



## Hadžibeg

Koga bogatstvo i vlast ne pokvare taj je bio i osto čovjek. [#hadzi beg](#)



@Ajdin Petrovic



**WK 2022 MESI**

**KRALJ FUDBALA PELE JE UMRO ALI MAGIJA NJEGVE IGRE ŽIVI I ŠIRI SE**

**Legendarni Edson Arantes do Nascimento, poznatiji kao Pele, preminuo je 29.12.2022. u 82. godini nakon dugogodišnje borbe sa teškom bolešću.**



**Inspiracija i ljubav obilježili su put kralja fudbala Pelea, koji je danas mirno preminuo. Na svom putovanju, Edson je očarao svijet svojom genijalnošću u sportu, zaustavio je rat, obavljao socijalne radove po cijelom svijetu i širio ono za što je najviše vjerovao da je lijek za sve naše probleme: ljubav.**

**Njegova poruka danas postaje ostavština za buduće generacije. Ljubav, ljubav i ljubav, zauvijek!**

Podsjećamo, Pele je dugo bolovao od raka crijeva, a bolest je uzela maha i napala srce i bubrege. Čuveni Brazilac se pokušao izboriti, ali nije uspio pobijediti u životnoj utakmici.

Vijest o smrti Pelea potvrđena je i na zvaničnom Instagram profilu Pelea.

\_\_\_\_\_ 0 \_\_\_\_\_

**Inspiration and love marked the journey of King Pelé, who peacefully passed away today. On his journey, Edson enchanted the world with his genius in sport, stopped a war, carried out social works all over the world and spread what he most believed to be the cure for all our problems: love.**

**His message today becomes a legacy for future generations.**

**Love, love and love, forever.**

**Biba Razic Omeragic**

Seljak nije na teret budzeta!  
Seljak uplacuje sam penziono i  
socijalno osiguranje!  
Seljak nema placeno bolovanje i  
godisnji odmor!  
Seljak vas hrani!  
Seljak...  
Kada budete shvatili da je seljak  
stub jedne drzave,e onda ce vam  
biti bolje!

**Na ergeli "Vučjak" iz Prnjavora uzgajaju se konji s UNESCO-ove liste:  
Lipicaneri vukli kočije bečkih kraljica**

Imaju poseban hod, poseban izgled, labudasti vrat, a posebni su i po karakteru, lako  
uče i nisu zloćudni, kazao je Milanković  
E. Abaz 06.12.2022.



**Lipicaneri su vukli kočije bečkih kraljica jer imaju poseban hod**  
FOTO: PRINTSCREEN

Prva i jedina ergela u Bosni i Hercegovini koja se bavi uzgojem konja lipicanera jeste ergela "Vučjak" iz Prnjavora. Tradicija uzgoja ove vrste konja upisana je i na UNESCO-ovu reprezentativnu listu nematerijalne kulturne baštine čovječanstva.

#### Bečka škola

Direktor ove ergele Miroslav Milanković istakao je za "Avaz" da se sada osjeća sigurnije jer je upisom na UNESCO-ovu listu zaštićen uzgoj ovih konja, ali i osigurana radna mjesta ljudi.

- Mi smo jedina ergela koja se bavi uzgojem lipicanera te jedna od četiri ergele u bivšoj državi - istakao je Milanković.

Kako je naveo, ova vrsta konja uzgojena je još 1580. godine za potrebe bečkog dvora.

- Lipicaneri su vukli kočije bečkih kraljica jer imaju poseban hod, poseban izgled, labudasti vrat. Posebni su i po karakteru, lako uče i nisu zloćudni - kazao je Milanković.

Također, kako je dodao, imaju poseban značaj u svijetu jer se u prestižnim školama jahanje uči upravo na ovoj pasmini konja.



**Ergela ima lipicanere koji su nižeg rasta**

FOTO: PRINTSCREEN

### Prve jedinke

- To ih razlikuje od ostalih konja, služili su i služe i danas za kočije i jahanje, jer u bečkoj školi jahanja je isključivo ova vrsta konja - naveo je Milanković.

Prvi lipicaneri uvezeni su još 1946. godine u našu zemlju.

- Bili su u sastavu narodne odbrane, a mi ovdje imamo lipicanere koji su nižeg rasta, time se i razlikujemo od drugih ergela u regionu - rekao je Milanović.

Ova ergela trenutno ima 130 jedinki različitih kategorija.

### Dio kulture

Odluka o upisu tradicije uzgoja konja lipicanca na reprezentativnu listu nematerijalne kulturne baštine čovječanstva donesena je na 17. zasjedanju UNESCO-ov Međuvladinog odbora za zaštitu nematerijalne kulturne baštine u Rabatu, Kraljevina Maroko, saopćeno je iz Ministarstva civilnih poslova Bosne i Hercegovine.

## PROMJENA MAGNETNOG POLJA NA PLANETI



[BosnianPyramidsTV](http://BosnianPyramidsTV)



[YOUTUBE.COM](https://www.youtube.com)

**Promjena magnetnog polja na Planeti**

**Emisija 'Vijesti' Dr Semira Osmanagića o fenomenu koji se dešava prvi put u 80 miliona godina. Izmjerio je nevjerovatne vrijednosti magnetnog polja na tri kontinenta. Promjene su trajale od 20. novembra do 9. decembra 2022. Kako se to odražava na ljudsko zdravlje**

[www.platformbih.nl/nasa-bosna](http://www.platformbih.nl/nasa-bosna)

**Redakcija NAŠA BOSNA**

**ISSN 2949-9259**

**NAŠA BOSNA**

List građana BiH u Holandiji  
Izlazi kvartalno

Glavni urednik: Dž.Kurić  
[dz.kuric@outlook.com](mailto:dz.kuric@outlook.com)

Članovi redakcije:  
M. Midžić  
[mujomidzic@gmail.com](mailto:mujomidzic@gmail.com)

N. Ribić  
[r.naida@live.nl](mailto:r.naida@live.nl)

Selma Čopra Plaćo  
[stelme@gmail.com](mailto:stelme@gmail.com)

[info@platformbih.nl](mailto:info@platformbih.nl)

**LINKOVI KROVNE I OSTALIH ORGANIZACIJA ZAJEDNICE BiH U HOLANDIJI**

[www.platformbih.nl](http://www.platformbih.nl) Platforma BiH - Krovna organizacija udruženja i građana BiH u Holandiji

[www.izbn.nl](http://www.izbn.nl) Islamska zajednica Bošnjaka u Holandiji

[www.nauk.nl](http://www.nauk.nl) Naučno akademski umjetnički klub BiH-NL "NAUK"

[www.bcbh-nl](http://www.bcbh-nl) Biznis klub BiH NL Nebo

[www.mladi-bih.nl](http://www.mladi-bih.nl) Mladi BiH

[www.srebrenica-herdenking.nl](http://www.srebrenica-herdenking.nl) Srebrenica 1995 - Nikada zaboraviti